

სანდრო შანშიაშვილი

უმთავესი ბეჭედი

წ ი გ ნ ი

ბალადების და ლეგენდების.

სახელმწიფო გამომცემლობა
ტფილისი..

ს. ს. მ. უ. ს. პოლიგრაფტრესტის 1-ლი სტამბა. კლუბა 5. პრ. № 91.

13/XI—27. შუკ. № 182. მთავარ. № 1989. დაიბ. 3000.

შიძლზნა

მოსწყინდა გრძნობას სიტყვის რახუნი,
განგებ შექმნილი, განგებ ზრახული.
უსახო კერპის გუნდრუკის კმევა
და უიმედო ცრემლების ფრქვევა.
ხალხის წინაშე მომღერლის თნევა,
სხვისგან ნაქურდალ ზინათის ბნევა.
თან აბდა-უბდა მკვდრულად მდებარი,
ბოდვა გიჟისა გაუგებარი.
არც თავი სჩანდეს, არც მისი ბოლო,
იძახდეს მაინც: არის სიმბოლო!

უფრო არ მიყვარს მგოსნის ტრაბახი,
თუკი დასწერა ერთი თაბახი!
ოინბაზური პრანქვა და გრეხა,
ძალით მუზების კარების ტეხა.
ლექსის აკინძვა ყალბი გიშრებით!
„მცირე ნადირთა ხოცვა ისრებით“.
ჯაგლაგს ათრევდეს, ეგონოს რაში.
დე. ასეთ პოეტს დაუკრან ტაში!

რამდენი პრის ხურდა მგოსანი,
ვით ხეკაკუნა, ანუ კოსალი.
ოფლის დენაში განგებ აქებენ.
ყალბ ზმანებაში ყალბად აგებენ,
თან ყურადღებას იმით იქცევენ:

ასტეხენ ზაურს, გამვლელს იქ სცემენ.
სძინავთ — ჰბოდავენ, ღვიძავთ — ბოდავენ.
ერთმანეთს სოტბით გულში ჰკოდავენ.
და ვერ ამჩნევენ აქ ნუთუ ზიანს,
რომ ბრმები სვამენ მეფედ კუ'ხიანს!
ბუნება პოეტს თუ პირს არიდებს,
სილამაზესთან ველარ არიგებს;
და გარეგნობით მახინჯს ნეტა კი
სული მაინცა ჰქონდეს სპეტაკი!
ახ, ჩემო ჩანგო, აიხსენ რიდე!
ცრუ პოეტების მარცხს ამარიდე!

მსურს რაც მიგრძენია ლექსში სულ იყოს
რა არის ქვეყნად რომ არ თქმულიყოს?
მაგრამ არ დავდევე, ვინც რა სთქვა სადა,
ოღონდ სიმღერა მექმნეს მე სადა!
შევქმნა მარტივი, გრძობით მაღალი.
ლექსი მსუბუქი, ჰანგით ახალი.
მე რომ ძეგლს ვაგებ, ყველას თვალს სჭრიდეს,
მნახველი მარად მის წინ თავს ხრიდეს.

იყოს ნათელი და საარაკო,
საშვილიშვილოდ სალაპარაკო!
რომ უიმედომ გზა გადალახოს.
აღთქმის კუნძული მას დაანახოს;
ჰპოვოს სიცოცხლე, მიწის სურნელი,
ფესვი გაიდგას. იყოს მსურველი!
ცეცხლს უნდა მივცე უნიადაგო!
ოხ. რომ მჭირდება ეს ვიქადაგო!

ოდნავ ვარსკვლავის ბეუტვა და კრთომა,
ან საშუალო დონეზე დგომა,
რაც გაიტაცებს დაბალ პროფილებს, —

ჩემს სულს აროდეს აკმაყოფილებს.
თუ ვერ ვაამებ მე გრძნობადამჯდარს,
ან ვერ ავანთებ სიბერეგამჯდარს, —
დაკარგულ დროეამს ნუ დაინანებს.
ირგელივ ვისმენდი სხვა იავნანებს.
და თუ გამოდგა სუსტად უხარში,
კმართვეს უძახოს იქვე ბუხარში.

მე შოთას აღთქმა გულში მგზნებია.
მას ჩემი ჩანგი უთავლებია
და მისი რჩევა ვალად მდებია.
მგოსანი ნებით თვის თავს ამონებს,
არკი მორჩილებს სხვების კანონებს!
სულმოკლე არის ეხლა მკითხველი:
მოსწონს მალაყი. ფშუტად მთითხნელი.
რომ დაფიქრება არ სკირდებოდეს,
გარეგან ფერით წამით სტკბებოდეს!
ახ, ჩემო ჩანგო, აიხსენ რიდე!
ასეთ პოეტის ბედს ამარიდე!

1916 წ.

შოთას ბეჭედი

ბალადა.

I

დასტოვა სოფლის სიამე
სოფლად რჩეულმა შოთამა;
მოყვარემ ცრემლი დაღვარა,
სასახლე შეაშფოთა მან.

მას შემდეგ ბევრი ასრულდა,
ბევრჯერ იცვალა ტაროსი;
თამარს დრო შემოებურა
არა ბედ-სანეტაროსი.
მის დროშას ფერი ეცვალა
და ეს ვერ უტეხს ხასიათს;
რა საიდუმლო აწუხებს?
ან რისთვის ჰმალავს ხვაშიადს?
— შოთას იგონებს დაკარგულს,
დარდი გულს აბამს არშიას.
არ მოდის. ელის ყოველდღე
ამბავი გაიგება რა?
შიშობს, თალხები ჩაიცვას,
თან მისთვის გული სწყდება-რა.
ნუთუ ვერ ნახოს ცოცხალი?
ნუთუ ის მიწას ებარა?

II

შავი ზღვის ჯაღმა, მთის ძირში,
ჩანს მონასტერი ღრუბელში;
ბერად შემდგარი შოთა წევს
ნესტიან ღვიმის ზღუდეში.
მოხუცს თვალი-ღა უნთია,
ბეჭედს ინახავს უბეში.
ხან ამოიღებს, და ჰკოცნის
შეკრულსა აბრეშუმებში,
ხან გაიკეთებს ცივ თითზე,
არ ჰსურს თან ჩაჰყვეს კუბოში.

მოყმეს გადასცა მხლებელსა
ტრფიალის ამანათია;
უთხრა: „ეს არის თილისმა,
ჩანგი მით მომიმართია.
კვლავ დაუბრუნე თამარქალს,
მისდამი დავრჩე მოსავი;
თან ვერ ჩავიტან ხალხის განძს,
სხვაც უნდა მღერდეს მგოსანი.
ბეჭედს დავტოვებ სახსოვრად,
რაც მე აქამდე მეზარა;
და ვის ხელშიაც აღმოჩნდეს,
მოიხსენიონ ნეტარად“.

III

ქაბუკი, მოთას მხლებელი,
საქართველოსკენ ეტარა;
(აღარ დასცალდა რუსთაველს,
ბინდი თვალებზე ეფარა).
მგზავრობა იყო ადვილი
ულრან ტყეებში იოლი.
იქ დაიღამის კორტოხზე,
სადაც ბარბაცებს რიონი.
ლიხის მთისაკენ მიილტვის,
მწვერვალი გარდუვალა;
თვით აღარ ახსოვს, დაღლილმა
სად რა ციება დალია;
გლახს შეეფარა ავდარში,
ჰბოდავს, ჰგონიათ მთვრალია.
მოუხმეს ცნობილ მკურნალებს,
იქ მკითხავებიც არიან.

ბეჭედს ვერ ამხელს. ვის მისცეს?
მიმღები დედოფალია!
ნუთუ აქ მოკვდეს. ვერ ნახოს
მნათობი თამარქალია?
ბევრი იბორჯა სიცხეში.
ანთებით სული დალია;
ასე უდროოდ განწირვა
ჯადოქარს დააბრალიან!
ვის დარჩა შოთას ბეჭედი?
ანუ ვის დაუმალაია?
რომელმა ჰპოვოს რჩეულმა
საუნჯე იღუმალაია?!
თქვენ. ძეგობრებო. ეძიეთ!
მემკვიდრეობის ვალია!

წარმართი დავრი

მე შანშე მყავდა წინაპრად
წარმართი, შოთას გვარისა;
მამაპაპანი განთქმულნი
და წინამძღოლნი ჯარისა.
ბევრი ვიმღერე განცდანი
იმათის სიტკბო — მწარისა!
წარმართი დავრი მზისადმი,
მალმერთებელი მთვარისა.
ისეთს ეპოქას შევესწარ.
არ მყავდა თანამგზობელი,
ხმა ჩემი ჩაკვდა უკვალოდ
რაიდნდებისა მხმობელი;
ჩანგმა თუმც შეაგრძობინა
მტერი ხალხისა ძგმობელი!

სხვასაც შეიტკობ, თუ კი ხარ
შურისძიების მგრძნობელი.

ოცნებით ხალხი ვადიდე;
გავუფართოვე საზღვარი.
ვუყივლე: აღსდექ! იფხიზლე!
მოდის შენშიგან სხვა ღვარი!
მსურს ბრძანებლობდე ღმერთივით,
დარდის არ გექონდეს ნალარი.
მშრომელ ლაშქრისა ისმოდეს
ყიჟინა: დაფი, ნალარი!

მეც რომ მენახა თამარი,
სხვაგვარად დავიმღერებდი;
დევნაც დაეწყო გარეშეს,
მე ერთი მოვიგერებდი!
შოთას ტოლობას ვიზამდი.
ძოწეულს შევიფერებდი,
და სიდიადით მოსილი
შორეულს გავაშტერებდი.

დღეს დავრჩი ქართველ პოეტად,
დავრჩი მე ვიწრო თაღებში;
ცხოვრების გზაზე ნაგრძნობი
და განცდა ვნების ტალღებში.
ყრმის აღტაცება, ტრფიალი
და ცრემლი სევდის ბაღებში —
თეთრ მარმარილოდ ავმართე,
იგი ამშვენებს ამ არეს:
ხელთაუქმნელი საუნჯე
ძეგლად დავიდგი სამარეს.

1915 წ.

მეც ასე ვარ

თავმომწონე პეპელა
არავისგან შინდება;
შიშველ ყვავილს მიპარვით
ჰკოცნის, ისევ ფრინდება!
ამბობს: ერთს რომ შევიტკობ,
სხვა ლამაზი მინდება!
თხელს ჰაერში ფარფატებს,
მის სხივებში ბანაობს;
დაუდგრომელ სიცოცხლეს
მოუკიდებს განა ობს?
მრავალს უყვარს... მრავალს სძულს,
სიამეში ქანაობს.
საით მიჰქრის პეპელა?
ან სად მიეჩქარება?
დღეს თუ ხარობს. ხვალ არა,
ეშხით მოიმკვდარება!
ვილას ახსოვს ზღაპარი?
იყო, არა იყო-რა;
ის თუ მოკვდა, ვინ დარდობს?
თან ვინ გადაიყოლა?
მეც ასე ვარ ამ ქვეყნად
წამიერი სტუმარი;
წავალ, ვილას ვახსოვარ
სამუდამოდ მდუმარი?

1910 წ.

ცაგო მღერის შაირებს

ცაგოს ამკობს მარმაში.
ჩონგურს უკრავს კალთაში.
ჰხიბლავს ჰანგის თამაშით.

შაირს მღერის ქალებში.
ცრემლი უკრთის თვალებში.
ქაბუკს გრძნობამორეულს
შეეტრფოდა შორეულს —

ქავთარ იყო რაინდი.
მტრობდა ქისტი, ნაიბი.
ცაგო ჰსურდა თავისად.
წაიყვანდა გაისად.

მთებში შეხვდნენ იალალს.
სისხლი ღებავს იარალს.
მღერის ცაგო ქალებში.
ცრემლი უკრთის თვალებში.

დარდით ქავთარს იგონებს...
ჩონგურს გულში იკონებს.
შურს ხომ ვერვინ იძიებს,
სისხლსაც ვერვინ აიღებს!
მის სახსოვრად ჩონგურზე
ცაგო მღერის შაირებს.

Homo homini Lupus

ძმებო, გულში დარდი მაქვს,
რაც კი მწადა. აღარ მწამს.
ჩემს ძველ კერპებს ცეცხლი სწევას.
მსურს ვუკივლო უმცროს ძმას.
და სად არის? აღარ ჩანს.
ომში მოკლეს სადღაც, შორს.
ყვაფი ჰკოცნის და თან თოვს!
დედა გლოვობს, აფრქვევს ცრემლს.
სიზმრად ვხედავ გაქრილ ყელს!
მგელკაცია, თუ ვინ ჰყევს?
გულში ბოლმა: ბრაზი მრევს!
ვიღაც მღერის. ყვირის ერთს:
Homo homini Lupus est.

დედას მივწერ სულ ერთ ბწკარს:
ნუ ჩაიცვამს შვილზე თალხს!
გულს გაუტეხს ამით ხალხს.
ამ ცხოვრების დავლევთ შხამს.
ანდერძს ვტოვებ, გწამდეთ ეს:
სანდრო შანშე სისხლით წერს:
ცოცხალს შეგკამს, ვინც კი გძლევს!
ცრუობს ყველა, მახეს სდებს.
ნადირი ხრავს სადღაც ძვლებს.
მოკლა გული, აღარ ძგერს.
Homo homini Lupus est.

1914 წ.

მგზავრი

ნოემბერს ეშვი დაელო
და ქარის ჩარხზე ლესავდა.
სიცივის ხმელი ისარი
გამოფრენილი გესლავდა.
სუსხით დამზრალი ყორანი
ყოდა, ელდას სთესავდა.
— მგზავრო! შეჩერდი! სად მიხვალ?
არ შიშობ დაიგვიანო?
-- ეხ. გუშინ კარი შევალე,
ბავშმა იტრა მშიანო!

ყინვა დაცრებილ ქუჩებში
ელავდა ელექტრონებად.
მავთულგაბმული ბოძები
ზმუოდენ კამერტონებად.
მათხოვრის ხელი არ ჩანდა
აწვდილი გამხმარ რტოებად.
-- მგზავრო! სად მიხვალ ავდარში?
ვექვობ, წამსვლელი თუ მოვა!
--- შივდივარ, ჩავფლა მიწაში...
ეს ჩემი ბავშვის კუბოა.

მგზავროთან იცეკვა სიკვდილმა
მტკვარზე ტივების სუფრაზე.
ცხოვრების იმედს კლექიანს

აყირავებდა ბუქნაზე.
ის უმაგრესი ეგონათ
წყალში ჩავარდნილ მუხაზე.
— მგზავრო, განა თუ შეგფერის
ვგ ჯიუტობა ფშაურად?
— ვაჰ თუ ჩასთვალონ ცრემლები
ვაჟკაცის დანაშაულად!

აპრილმა სუსხი გამოხრა
ნადავლად გამონატაცი.
მგზავრი მტკვარს გამოერიყა,
მოასვენებდენ საკაცით.
არვინ ტიროდა... მარხავდნენ
სადლაც მივარდნილ ალაგას.
მეკურტნეები ამბობდნენ:
— წვალებად გახდა — ჯანდაბას!
ცხოვრების გერი მოშორდა
• (ცხოვრების დავიდარაბას!
— მგზავრო, ობლები ჩივიან:
მამა არ მოდის 'შინაო.
რომ აღარ გესმის ძახილი,
აღარ ტირიან გვშიანო?

1926 წ.

ბატონი ცილინდროსანი

ვერის ხიდზე შუალამით
შლეგი ქარი წივის...
იქ დამხრჩვალთ თამარ ქალი
ზანგის ამბორს ჩივის.
მაჩაბელი დამნაშავეს

სუდარაში ელის.

გაბერილი ვიღაც უცხო

ხრინწიანად მღერის:

„ — ამაღამ მთვარე არ ამოვა...

ბნელა... ცივა ხევში!

რად არ მოხვალ? სხვერპლი მინდა.

მტკვარს — უსულო ლეში!“

მაგი ფრაკი გადაუცვამს,

ყინვის თვალებს ინთებს.

გამხმარ კეფას აკანტურებს,

ცილინდრს მუხლზე იდებს.

და, არ ვიცი, რას მანიშნებს,

მახეს ხომ არ მიგებს?!

ხომ არ არის ოქროს მეფე,

ან მექარხნე ფლიდი?

ყველაფერს რომ ფულით ზომავს

და ფულზედვე ჰყიდის?

ჩემგან იგი რას შეიძენს?

ან რას მევაჰრება?

რა თავს იგდებს ბებრუხანა?

როგორ იღმანკება?

და თუ იგი ყასაბია,

რად მონახა ხიდი?

რად უჭირავს ხელში დანა

გალესილი, დიდი?

ვამჩნევ, თითქოს სწევს სიგარას.

ფიცარს აგლეჯს კიბეს,

ოომ დაუცდეს გამვლელს ფეხი,

თავის სხვერპლად სთვლიდეს.

— ჰეი, რატომ არ შაიპყრობთ?

მუხანათობს კიდეც!
ავაზაკი შემოგვექრა,
ჰხედავთ, ანგრევს კიბეს.
ის მორიელს ძვლის ფეხს ადგამს,
ძვლის ხელს კუდში ჰკიდებს.
ნესტარს იღებს და შხამს აცლის,
უკლებს, ხან კი ჰმატებს.
და გადმოჰყრის თვალებიდან
თეთრად მსუქანს მატლებს.
ახ! ვინ არის იმ შავ ფრაკში?
ვერ ვცნობ ცილინდროსანს.
ხელში ოქროს აჩხრიალებს,
გრძნეულ სიტყვებს როშავს.

ვერის ხიდზე, განცდის ღამეს,
ფრთებს იმტვრევდა ქარი.

აქ უდროო პაემანზე

მოველ გულით მკვდარი.

ამ დროს მძულდა თავი ჩემი,
მძულდა მეგობარი.

შინ ტირილი... გაქირვება...

ლალატი და შარი!

მოაჯირზე დავეყუდე,

ყურს ვუგდებდი ხმაურს;

გიჟი მტკვარი მიმართავდა

გლოვის დღესასწაულს.

საზარელი რა მეწადა?

გული რისთვის კრთოდა?

გაბერილი ჩემს ზურგს უკან,

ვგრძნობდი, დავლურს ხტოდა.

ცივი ოფლი გადამესხა,

მახსოვს, ხელიც ვკარი.
შევუკივლე, გამოვბრუნდი,
უკან დამრჩა მტკვარი.
ვერის ხიდზე, ელექტრონზე
ფრთებს იმტვრევდა ქარი.

მე ის უცხო ამედევნა, მძიმედ მოაბიჯებს.
და რომ ერთხელ კიდევ ვნახო,
შემშლის, გამაგიჟებს.
ჰეი ვინ ხართ! დამიფარეთ!
ჩემს გულს შიში ჰმოსავეს!
მეგობრებო! ნუ მოუშვებთ
ბატონს ცილინდროსანს!

მსურს გავიქცე, ვერ ვახერხებ...
შველად ვუხმობ ძმობილს,
ვერის ხიდზე მოაქროლებს
ვილაც ავტომობილს.
და შოფერი კარებს ალებს, კიდევ ამიტაცა.
„— მოდი ჩემთან, მე ვარ მხსნელი!“
გულში ხელი მტაცა.
მიჰქრის, მაგრამ საით? საით?
იქ ხმა აღარ ისმის!
მან ყრუ ადგილს შეაჩერა,
უცბად ნილაბს იხსნის.
და შოფერის ნაცვლად, ვხედავ.
ჯვერდით უცხო მიზის.
ყელში ვეცი. შემებრძოლა.
ვერ მძლევეს ხალხის მგოსანს.
ჩემს მისამართს მეკითხება,

ელიმება ქოსას!
მეგობრებო! ნუ მოუშვებთ
უცნობს ცილინდროსანს.

სილარიბემ ჩემს ოჯახში
მკვიდრად ისადგურა;
ბავშვის დედა წევს ლოგინში,
ფარატინა ჰხურავს.
პაწია კი ძუძუს ითხოვს:
მკერდი არის მშრალი.
რა ვქნა? ლუკმა ვინ წამართვა?
ვის მიუძღვის ბრალი?
ბავშვი ბოდავს... სიცხეშია,
თუ ანთება უვლის?
„— მამავ! გესმის? ჭიხვინია
რაშის, ბედაურის!“

გავხსენ კარი, გავიხედე, სდგას კარეტა გარედ.
ეს მდიდარი ვინ მეწვია?
გამელიმა მწარედ.
ნუთუ ვისმეს მოვაგონდი?
პატივს მცემენ მუოსანს?
ავკანკალდი... ჩემწინ ვხედავ
ბატონს ცილინდროსანს.
და გადმომცა თეთრი კუბო...
ვსთქვი თუ: როგორ ჰბედავს?
ცივად მითხრა: „შენ ბავშვს ძღვენი,
წინ დაუდგი დედას!“
თავზე კუბო დავამტვრიე, მოვიგერე ბრძოლით;
გამელვიძა, კარგად ვიყავ შვილით, ჩემი ცოლით.

1924 წ.

ო.რი სიზმარი

I

სიზმრად გიხილე: ხეივანთ შორის
დანავარდობდი, დასცქრიალებდი;
ჩაგრულს მალხენდი, სხივებს მაფრქვევდი,
ციურ მშვენებით დაციალებდი.
და გადმომიგდე იქ ხელსახოცი,
რა შეისმინე ჩემი მუდარა;
გამომელევიდა და დავინახე
ჩემთვის ზოგედღვნა თეთრი სუდარა.

II

ბაღში ვისხედით განთიადისას,
მღერდი: მე უნდა ფატმანი მერქვას;
წახველ და ვარდი მოჰგლიჯე ძირში,
სცდილობდი სხვაგან მის გადანერვას.
ყურს არ მიგდებდი განმარტოებულს,
თლილი ხელებით ორმო გასთხარე;
გამომელევიდა და დავინახე
გამზადებული ჩემთვის სამარე.

კომედი უცნობ ხელეზვი

გერონტი ჭიჭოძეს

ლამე გვიან შინ დავბრუნდი
და შევალე კარი.
მკაცრი ყინვა სხეულს სუსხავს,
ყინვა შესაზარი.
ჩემს ძველს ბუხარს მივაშურე —
დავრჩი შენამკროთალი:
ჩემს გულს ცეცხლი ველარ ათბობს,
თუმც პრიალებს ალი.
ჩემს ძველ წიგნებს ხელი ფურცლავს,
არსად კი სჩანს ქალი!
მე იმ ხელებს, სასტიკ ხელებს,
როველში მოვკარ თვალი.
ლალის შტევენს მომაწვდიდა,
ეშხით იყო მთვრალი.

რა ღუმილი შემომერტყა?
ქარიც არ ჰქრის კარში!
თითქოს ვიჯდე აკლდამაში, ატირებულ დარში!
მსურს სიმშვიდე, დავიწყება,
ან ვინ გამახელებს?
წყნარი ფიქრი ამიკრელდა —

ბნელში ვხედავ ხელებს!
ნესტანია რუსთაველის,
ან თუ ლეონორა!
მოდის ჩემთან, პასუხს ელის...
თვალი გამისწორა!

როდის იყო, აღარ მახსოვს...
დღეს, გუშინ თუ აღრე?
იმ უცნობთან მარტო ვიყავ, ,
ჩუმად სიტყვა ვკადრე:
— ჩვენ მარტო ვართ, მეგობარო,
ველარ ვამჩნევ სოფელს!
ჩემს დიდ სურვილს შენ იტაცებ,
ჩემთან განუყოფელს.
მაგრამ ცივა... იქნებ სხვაგან
სხივი სიცილს ანთებს?
და ქაბუკი პატარძალთან
ყვავილებში ათეეს?
იქ განთიადს მიუძღვნიაბ
უცხო საგალობელს.
ჩვენც ვიმღეროთ, მეგობარო,
შევხვდეთ ახალ სოფელს!

ის უცნობი ჩუმად იჯდა,
როგორც მუნჯი, მკრთალი;
საპასუხოს არ მეტყოდა, დაეხარა თვალი
შემდრეგ ხელი ამოძრავდა, ნახა როიალი.
სანთლის თითებს ვერ გავუძელ,
აღარ სჩანდა ქალი.
კლავიშებზე ხელი კრთოდა,

სრიალებდა გველი;
ხანჯალივით ხმა ჰკვეთავდა,
ჰკენესდა ვილაც მკვლელი.
და ხელები აღარ შედგნენ,
კივი განამწარი;
აიშალა მოგონება,
აცეკვავდა მკვდარი
— ჰეი — შესდექ! მეგობარო,
არ მსურს გლოვის ზარი!
მკაცრი ყინვა სხეულს სუსხავს —
ხელი შესაზარი!

1912 წ.

რძალი ზენარი

რძალი ზენარი შეიმოსა მშვენიერებით....
სულის სამყარო თვით სპეტაკმა განაბრწყინვალა,
და გზად მოჰფინა ვარდზამბახნი ფერად-ფერადნი.
გარემო მისსა გამსკვირვალე დაჰქრის სიწმინდე!..
ძრავალ ვეძიე და აწ ეპოვე სულის საუნჯე —
ეპოვე და აღარ განვეშორო უკუნისამდე!
ოცნება არის ხორცშესხმული ჩემი ერისა!
იგია ღმერთი, სამლოცველო, სარწმუნო ჩემი!..
ამიერიდან კურთხეულ არს ასულთა შორის.
ამიერიდან კურთხეულ არს რძალი ზენარი!
ბას სხვა ვერ ჰხედავს — ჰაეროვანს ყველა კი ეტრფის.
ზოგი ცრემლს აფრქვევს ოქრომკედის ალისფერ კალთებს,
ზოგმა აისხა იარალი, დადგა სარანგად.
და ვინც გაურბის — უნებურად მის აჩრდილს ჰხვდება,
შენანებული იდუმალსა ლოცვას ღალადებს.

მე ვნახე იგი, განცდის მთაზე როს მივდიოდი.

დღეს ვარ მწვერვალზე და ჩემს სულთან განუყრელია!

შავთვალთა მზერა მკვეთრობს, ვითა ბასრი. მახვილი;

შავთვალთა მზერა ნაზობს, ვითა ვარსკვლავთ ციალი!

თეთრ კბილთა ჩენა კრთის, ვით ელვა ღრუბელთა შორის,

მკერდის ორ ძუძუს აკოკრებულს მზის სხივი ეტრფის;

მკერდის ორ ძუძუს ოდნავ ჰფარავს ლეჩაქ-საბური!

შიშველ ფეხებსა არ აკარებს ნამიან ბალახს;

შიშველ ფეხებსა მთის ყვავილნი ამბორსა ჰყოფენ!

მტრედის სიმშვიდე მიუწვდომელ სულს დასთამაშებს

და გულის სიღრმეს ჰზომავს მხოლოდ სამყაროს სივრცე.

ასეთი იყო, ასეთია და კვლავ იქნება.

აუარებდეთ შინ და გარედ ერის დიდებას!..

ვითარცა ნადვი ლიბანისა, ეგრე სდგას მარტო.

ვითა ფინიკი, ტკბილი არის მისი ნაყოფი!

ვითარცა მთვარე ოქროვანი, ეგრე ახლდების.

ვითარცა შუქი მთიებისა, ეგრეა ნაზი.

ვითარცა მდელი სიზმარეთისა, ეგრეა შლილი.

ვით გაზაფხულის ნორჩი ვარდი ტრფობით ჰკლავს ბულ-
ბულს. —

ეგრედ ველევი ცნობის ძალას მისი მკვერეტელი.

და მივეახლე მის ვარდბაგეს, ერთ კონად შეკრულს,

რამეთუ ვიყავ გულით წრფელი და უცოდველი.

წყალობა მისი შემწვედა მე და აღმადგენდა.

ბუნდოვან თვალსა ამიხელდა მსუბუქის ხელით.

და სულსა შავად დაბნელებულს, გულსა დაკოდილს

მოჰბერდა სიოს სანეტაროს შორის ედემით.

და მეც ერთგული ღალად ვყოფდი ქებათა-ქებას:

აუარებდეთ! სარკე არის ჩვენი დიდების.

ეგრედ ახარებს სულსა ჩემსა ნუგეშის ცემით.
ეგრედ საფარველს განმასვენებს მე, მისგან რჩეულს.
ეგრედ მიმილო მშვენიერმა ნათელის პირით!
მომცა მე ძალი და მასმინა ხმა იღუმალლი:
„რჩეულო ჩემო! დღეის შემდეგ ხარ სასო ჩემად!
შეიბ მახვილი წელთა შენთა და მექმენ მცველად!
ნუსადა წარსცე ქვასა ფერხნი ავთა შელოცვით:
ხვილოდე ზედან ასპიტსა და ვასილისკოსა,
აწ ნულარ ესავ მთავართა და ქვეყნის მპყრობელთა,
რომელთა თანა სამუდამო არ არს ცხოვრება.
ჩემთან არს კვერთხი განგებისა და სუფევისა!“
აღვაპყარ ხელნი და ლალად ვყავ კიდიო-კიდემდე:
დიდება ჩვენი ჩვენთან არის — რძალი ზენარი!
ჩემი ოცნება მან დაჰბადა და მისცა მდელიო.
რომ ფრთების რხევით ინავარდოს, არ უჩნდეს ზღვარი.
ჩემი ნუგეში იგი არის — რძალი ზენარი.
შის სადიდებლად ბნელ ღამეში ხელნი აღვახვე. —
მას თუ გარეშე ვერ ხედავდა, მე დავანახვე.
ოცნების თვალით დავანახვე თვით ის ოცნება.
ჩემი არსება, ჩემი ლტოლვა მას ემგოსნება.

მიყვარს იგი, ვინც ძილს მიფრთხობს
და შვენება ისრად მასვა;
მიყვარს იგი, ვინც სევდის უამს
უკვდავების წყარო მასვა.
მიყვარს მისი წმინდა სუნთქვა.
და ღიმილი გამჟვირვალნი;
მიყვარს მისი ნაკეთის რხევა
ხან ნათელი და ხან მკრთალი.
ვეტრფი მარად მას — ოცნებას —

ოცნებითვე გარემოცულს;
ვეტრფი მარად შორეულსა,
ვეტრფი სულთან ახლო მოსულს.

მზეო, მზეო! ქვეყნის სულო!
შენ მოგმართავ მიუწდომელს!
შენს სიციოცხლეს ყველას აძლევ,
არსსა ვხედავ სოფლად რომელს.
უხილავსა ერთი შეიქმ
და ხილულსა ასულდგმულებ;
შენა ჰბადებ, შენვე ამხოზ, ხან ახარებ, ხან აწყლულებ!
სამყაროში გაბნეულა
შენი ცეცხლი ჩაუმქრალი,
მე სხვას თაყვანს არა ვცემდი
უკუ ვაგდე ძველთა კვალი,
ვინც აღმითქვი შენ, ძლიერმა,
და სიზმარში ვნახე რძალი,
იგი შენი ასულია,
შენი სიბრძნით განამქვალი;
შემახვედრე მას, ჩემს თვისტომს,
ჰქმენ დღე შავი ჩემთვის ლალი!

ვეძებ დალილი, ვეძებ დღე-ღამეს,
თითქოს მივაგენ უკვდავ სიამეს —
მაგრამ ვტყუევდები, ის სხვაგან არის!
უსაზღვროების ვცილდები საზღვარს,
ვერც იქა ვპოვებ სულის თანაბარს
სწუხს ფიქრი ჩემი, ფიქრი შემკრთალი!
სულმა შემოვლო მთლად კიდით-კიდე.
ბევრ საიდუმლოს ახადა რიდე,
მაგრამ თვით იგი ვერ დავიმშვიდე.

კიდევ მივდივარ — და სად მივდივარ?
არ ვიცი! მასთან უნდა წავიდე!

სუსამბარო, გაზაფხულის სტუმარო!
კდემით საესევე, მარად ნაზო, მდუმარო!
სევდა დაჰქრის შენსა გარეშემოსა.
ეგ სხეული მორცხვობით ვინ შემოსა?
შენა ჰგავდე, ჩემს მიჯნურსა მგონია,
რა დაგხედე, მსწრაფლ წარმტაცე გონია!
ეგ ფურცელნი სატრფოს მკლავებს უდარე,
სინარნარით, ტურფად შემოსუდარე.
ის გინახავს, იქმენ რძალის სადარი.
მეც მასწავლე, მისი ბინა სად არი!

არ მოსულა? როდის მოვა?
დღეს მე უნდა იგი ვნახო;
ეხ ლოდინი გარდამიტანს,
ეხ, როდემდის ვივაგლახო?
გესმის? ჭიშკარს ვილაც აღებს, თან შრიალიც გავიგონე;
რად ვკანკალებ სიხარულით, რად მეღევეა ასე ღონე?
ნუთუ სხვაა? სხვა ნაცნობი?
ვინ გასტეხდა ადრე ღამეს?
ვეგრძნობ და მესმის ახლოვდება,
ძოაქროლებს თან სიამეს!
თვალი ჩემი მისკენ არის,
შორს განჰქვრიტა დრო და ჟამი;
თვალი ჩემი მას დაეძებს,
ძირს დასტოვა სოფლის შხამი.
მასთან! მასთან! ან ის ჩემთან!
დღეს მე იგი უნდა ვნახო;

ეხ, როდემდის ცდა დამჭირდეს?
ეხ, როდემდის ვივაგლახო?

თუ სიკვდილმა მიმასუსტოს
და მებრძოდეს ცივი ხელით,
თუ სარეცელს ძაძა უძღვნას,
სევდაც აღსდგეს შავის ხერელით,
ჩემნი ტოლნი ცრემლს მალავდნენ,
გავიგონო ირგვლივ გლოვა —
შემდეგ მოდგმას ვუანდერძებ:
მე თუ გტოვებთ, ის აქ მოვა!..

1912 წ. ბერნი.

თანამედროვე ცხოვრების.

თანამედროვე ცხოვრების
ეკლის მთა გადავიარე:
ბედკრულმა ბევრი ვარამი, წუხილი გამოვიარე.
ესცან სოფლის ცვალებადობა
და სიბრძნე გავიზიარე:
ხმა იღუმალი მესმოდა:
„სულ წინ ისწრაფე, იარე!“
რაც კაცობრივი მებადა, —
იყო წამწყემდი სულისა
წამერთვა, გამინიაედა
დალადი სინანულისა.
ზღვის ტალღებს ამოეფარა
მნათობი სიყვარულისა.
მაგრამ მით მაინც არ გავხდი
საგანი სიბრალულისა.

საზღვარს გავსცილდი სოფლისას,
ვიქმენ მალლიდან რჩეული:
დღეს ნექტარს მუზა მაპკურებს;
თვითვე სიაშეს ჩვეული.
უკვდავსა ნანას მიგალობს,
სინარნართა რხეული,
ტანსა ჩამაცვა პორფირი,
ედემში ამოხვეული.

ძველ გმირთა აჩრდილს შევეტკბე,
ვისწავლე გრძნეულებანი;
დავჯექ და ჩანგი მოვმართე,
შევუხმატკბილე ნებანი.
ზღაპრის კუნძულზე ჩემ დარათ
ვერვინ აქლეროს ებანი;
შევთხზე უკვდავი ლოცვანი
და ახალ-ალთქმის მცნებანი.

ადამი წამით მოსულა,
კვლავ მიწას მიებარება;
სიზმარი არის სიცოცხლე,
მიჰქრის და მიეჩქარება.
შავ ლანდსა დავიწყებისას
თვით ხსოვნა მიეთარება;
სიკვდილი ცივი, უნდობი
ჯალათად დაიარება!

აღსდგება ძველი დიდება,
ფენიქსებრ შეიფრთხილებს;
კვლავ დაეცემა ანაზღათ,
რისხვა თავს დაიგრილებს;
ხალხი წავა და წამოვა,
სიტკბო-სიმწარით იამებს;

იქ შიში დაემკვიდრება,
სად ძლევის დროშა ფრიალებს.
მხოლოდ არ კვდება სახელი,
მალლა ზეცამდე ასული;
მასშია მარადისობა:
აწმყო და დიდი წარსული.
ზეარსად დაგვირგვინებულს
სულ ვერ უმუხთლებს ავსული.
შელაღადებენ ტკბილი ხმით,
მას უგალობებს ასული.

1912 წ. ბერნი.

ელეგტიკოს არმაზი

„...სანდრო შანშიაშვილს ველით
თქვენგან ზაპსის შეურყვეველ ძლიერების ამღე-
რებას.

ვ. ავაქოვი“.

ძმებო! წარსული საუკუნის რღვევის ეპოქებს
ვეტყვით: მშვიდობით! და ახალთან მივალ ალავერდს!
ალორძინების მომავალი ჩვენს გულს აოხებს!
სალამს მოგიძღვნი! შრომა სუფევს! შრომა განაგებს!
ძველი დავტოვეთ.... და ახალთან მივალ ალავერდს!
უკვე ილიამ დაიტირა დრო დამარხული!
ჰგომობდა თვის აწმყოს, სამიკიტნოთ გლახ გარდაქცეულს!
ქართლის გულს ჰქონდა დაბჯენილი მაშინ მახვილი
ფეხქვეშ ქელავდენ სისხლით შესვრილს მცხეთას დაქ-
ცეულს.
დღეს დრო იცვალა... და სულ სხვა გვაქვს გულში ზრახ-
ხული!

მე რო: ვნატრობდი და ხან სიზმრად მომლანდებია,
— სატრფო ზენარი საქართველო მოსილი თალხით —
დღეს ის ატარებს წითელ მანდილს... თვალნი გზნებია!
ციხით დახსნილა. ბედნიერი მშრომელი ხალხით...
ერი განახლდა! დრო დიდების გასთენებია!

უკვე დაემხო ივერიის მეფე იროდე!
ძველად რიონი. ალაზანი მტკვართან სტიროდნენ.
დღეს მანქანებით აზრილდნენ მთვარის ღილებათ,
დასხდნენ თბილისზე ფერიებათ და ელიმებათ!

ზემო-ავკალა! ძველი მცხეთა — ქართლის ცხოვრება!
კვლავ ნათელს იღებს და ირთვება სხივით გავაზი!
და გამარჯვება საქართველოს ეამბორება!
ყველას ახარებს დღეს ელექტროს ღმერთი-არმაზი —
დიდი ზაპისი — საბჭოს ფესვი — ქართლის ცხოვრება!

1927 წ.

ლენინი ჯავშანოზე

შემხვედრია მე ჯავშანო საზარი..
ომში რისხვა!.. მთებს გაჰქონდა ზანზარი!
თავს სწირავდნენ შვილნი სოფლის, ქალაქის.
არვინ ჰყავდათ ფასდამდები ამაგის.
ინთქებოდა შრომა, ოფლი მრავალი,
მაგრამ ჯილდოთ რა წამება, რა ვალი!..
მე მინახავს ქუჩებზედაც ომები,
როს უფლებას მოითხოვდენ მონები.
იქ ჯავშანო მშრომელს ანადგურებდა,
მყუდროებას ბატონს უსადგურებდა.
მბრძანებლობდა ოქროს მეფე — მამონი,
მისთვის იყო მაშინ დღენი ამონი!
მაგრამ, ნახეთ, ვინ გამოჩნდა დევნილი?

ჯავშანოზე მტკიცედ შედგა ლენინი!
ოქტომბერში საკე მარცხნით მიმართა,
ლახვარსიტყვით ხალხს ქუჩაზე მიჰმართა:
— უფლება და ძალა მხოლოდ საბჭოებს!
სხვას ნუ ატანთ თქვენი შრომის სარჩოებს!
აფრიალდა დროშა სისხლის ფერადი.
ჯავშანოდან არ ჩამოდის ბელადი.
აქ შეერთდა: აზრი, ძალა და ნება.
მართველობა ოქროს აღარ ანება!

დღესაც დაჰქრის. ასპარეზი დიდია —
სადამდინაც ზღვა, ხმელეთი. კიდია!
ჯავშანოზე ძეგლად მდგომი ლენინი!
ოქტომბერი — აღარც მონა დევნილი.
სულ ერთია: ისრაელი, ელინი!

1927 წ.

შოთამ მამხილა

ხარ ბრძანებელი, ყვაეილებით გვირგვინოსანი:
სინაზის ნიშნად ხელთ გიპყრია ნორჩი სოსანი.
იგია შენი ძღვევის სკიპტრა ფერადოსანი.
შოთამ მამხილა, ვყოფილიყავ შენი მგოსანი!...
და, აჰა. გიძღერ ქართლის ქალო, სულო მზიერო!
ჩემის დროების საუნჯეო, სოფლად ძლიერო!
ზაფხულის პირო, წმინდა ნებით მარად ციერო,
თამარ ლამაზო და ნარნარო ივერიელო!

როს ახლოვდება შენი დიდი ღღესასწაული,
შემოევლება მდელოს მწვანედ გარს სამკაული!
ზეიმით ხვდება შენს დიდებას მოხუც-ყმოსანი,
ამ დროს ვერ იტყვი, თუ რად მღერის შენი მგოსანი!

თანამედროვეს სიახეს ჰგვრის ჩემი ხსენება,
რადგან შეგიტკებ და ვიმღერე შენი მშვენიება;
ჩემში ერს უყვარს შენი სახე, თამარ, დიელო!
თამარ სპეტაკო და ნარნარო ივერიელი!

1914 წ.

ოპტომბრის ჰიმნი *)

ქაოსი. კენესა დამონებულთა. ისმის ქარხნის გუ-
გუნი. ჩაქუჩის ცემა გრდემლზე. ვაკხანაღურს სიმღე-
რაში იპრება ხან „მარსელიოზა“, ხან „მსხვერპლად
დაეცით“ და ხან „ინტერნაციონალი“. ბრძოლა წყვედი-
ადში. პანიკა. ბორკილის ჩხრიალია. პოლიტიკურ პა-
ტიმართა ეტაპი. დემონსტრაცია და მისი გაფანტვა.

— მშრომელო ხალხო,
შემოკრბით ერთად
ვიბრძოლოთ მედგრად!
აღზდექ: შენც გლეხო,
მტარვალთ ხელშია ჩვენი უფლება
თავისუფლება.

— აღზდექით მუშებო.
აღზდექით გლეხებო,
წითელი დროშა ჩვენ წინ ფრიალებს
და ზარბაზანიც დაიგრიალებს.

— აღზდექით მუშებო.
აღზდექით გლეხებო.
გესმით მაშვრალის კენესით ძახილი.
მტრის გულს გააპობს ჩვენი მახვილი.

— აღზდექით მუშებო.
აღზდექით გლეხებო.

*) ამ ტექსტზე დაწერილია მუსიკა ზ. პ. ფალიაშვილის მიერ
და დავამუშავეთ მე და შალვა დადიანმა.

ბარკადებზე ვიბრძოლოთ მედგრად.
მტრის იერიშზე მივიდეთ ერთად.
— კმარა მონობა. ცარცვა უხეში.
მარჯვენა ჩვენთვის არის ნუგეში.
ბრძოლაში ეპოვებთ დღეს ჩვენ უფლებას
თავისუფლებას.

— ციხეს დავანგრევთ რკინის კარიანს.
გზას გავუკაფავთ პროლეტარიატს.

— ვერ შეგვაკრთობს ბნელი ძალა.

ჩვენ მებრძოლნი ვერ დაგვძალა.

წინ, წინ იარეთ, და ბრძოლაში იამეთ.

— შრომის ხალხი დავრდომილი

უნდა ვნახოთ აღდგომილი.

წინ. წინ იარეთ

და ბრძოლაში იამეთ.

— შვილებს მივსცეთ მომავალი,
მოვიხადოთ ჩვენი ვალი.

წინ. წინ იარეთ

და ბრძოლაში იამეთ.

ბრძოლა ბარკადებზე. ტყვიის ზუზუნის. ფრკვეველთა
კაკანი. წყვილადს გარიჟრაჟი სცელის. ამოიმართება რკინის
კაცი ლენინის სახით. მოდის მუშა ჩაქუჩით. მოდის გლეხი
ნამგალით. ხელიხელს გადააქდობენ და კეთდება „ლერბი“
საბჭოთა ხელისუფლებისა. სხედასხვა ეროვნების და სახელ-
მწიფოების მუშები. გლეხები:

— ახალი აღთქმა და გზა ახალი,

არის ოქტომბრის რევოლიუცია;

მთელი ქვეყნისთვის — მშრომელ ხალხისთვის
თავისუფლება გადმოუცია.

— ვაშა ოქტომბერს

და მას დიდება

ეს არის ხალხის აღორძინება,
— ოქტომბერს ვუმღეროთ,
დროა ნეტარი.

ოქტომბრით ხარობს
დღეს პროლეტარი.

— მთელ მსოფლიოზე ანთავისუფლებს
დაჩაგრულ მონებს—სიხარულს მობერს;
მას. ცხოვრებაში მაგარ საძირკველს,
დიდება მარად წითელ ოქტომბერს.

— ჩვენ შევექმენით სიმდიდრე,
და მას ჩვენვე მოვიხმართ;
გაუმარჯოს ოქტომბერს:
ყველა თანასწორი ხართ.

— აღმოსავლეთ-დასავლეთს
შევეურთებთ ოქტომბერს.

— სხვა დროს ჩვენი ნაშრომი
სულ სხვას მოუხმარია;
დღეს კი საქე ცხოვრების
ხელთ აქვს პროლეტარიატს.

ვარსკვლავიან დროშებით
შივალთ, მიგვიხარიან:

მთელი ქვეყნის მუშები
ჩვენთან ერთად არიან;

აღმოსავლეთ-დასავლეთს
შეუერთებთ ოქტომბერს.

— საბჭოთა კავშირს ქება მარადი.

მთელს მიწის ზურგზე სახელი ლენინ.

ყველგან მშვიდობა, შრომის უფლება
და გამარჯვება დიდი ოქტომბრის.

— სად მზე ამოდის— აღმოსავლეთში,

სადაც მზე ჩადის — შორს დასავლეთში.
ზღვაზე, ხმელეთზე,
მინდვრად, ქალაქად.
სად ოქრო სჩაგრავს ადამიანსა.
ყველგან ლენინი და ოქტომბერი.
— ვაშა ოქტომბრის რევოლიუციას.
დიდება მებრძოლთ და მის დამცველებს.
დიდება ფხიზელ წითელ არმიას,
მშრომელ გლეხობას და მის მხნეობას
და მთელი ქვეყნის პროლეტარიატს.
— ოქტომბერის დევიზია:
დაღლილს შვება.
მშიერს კვება.
ხსნა ჩაგრულის.
გამტკიცება.
სიყვარულის.
და მშრომელის გამარჯვება.
— ოქტომბერი კიდით-კიდევ.
ხალხს მოვიმხრობთ მრავალს კიდევ.
აღზდგეს ყველა დაჩაგრული.
ჰპოვოს შვება დაკარგული.
ოქტომბერი. ოქტომბერი.
ერთობა და სიყვარული.
ქვეყნად შრომის გამარჯვება! —
ეს ლენინის არის მცნება.
— ხალხთა კავშირი.
საბჭოთ კავშირი.
მშრომელთა ხალხს ხელისუფლება.
ერთს დიქტატურა, პროლეტარიატს,
არის სიმართლე.

თანასწორობა.

აზრის სინათლე,

შრომის ზეიმი

აღარსად ჩაგვრა.

აღარსად ომი.

ხალხთა კავშირი

და საბჭოეთი:

მშრომელთა კლასის ხელისუფლება.

ერთს დიქტატურა: პროლეტარიატს!

სოციალიზმი მთელს მსოფლიოზე.

ვაშა ოქტომბრის დიდ მონაპოვარს.

— ერთი. ორი. ერთი ორი.

მოხდა დიდი ოქტომბერი.

ყველა არის თანასწორი.

სულ მცირე და დიდი ერი.

მოხდა დიდი ოქტომბერი.

შრომის შვილი მუდამ მღერის:

გაუმარჯოს უკვდავ ლენინს.

— გაუმარჯოს დიდს ოქტომბერს.

მსოფლიოზე ყველა მშრომელს.

გლეხისა და პროლეტარის

ძლიერ კავშირს განუყოფელს.

1927 წ.

ბ ი ნ ა ლ ა რ ი

მსუქანი მთვარე ხან ეხვევა ღრუბლის საბანში —
და მოსჩანს სახით გაბადრული ქალი საკანში
თალხის კაბაში —

ხან კი კალოზე გოგობიქებს დასდევს კაშკაშით,
ცელქის თამაშით.

გლახის ოჯახში ჩამჩით ხელში მოხუცს სალიას —
აღარ სცალიან.

ქვაბი შეუდგავს. ამზადებს ხარშოს;
თან მიყრუებულ ხმით უძახის კუდრაქა მაშოს.
ის კი ტოლებთან „ძერაბუას“ ბინდზე თამაშობს....
მასთანვე არის ფეხშიშველი ცელქი მარია.
კარგა ხანია.

მოხრილ დედაბერს ჩამჩით ხელში აღარ სცალიან:

— სუფრა გაშალე, შე პირშაო, გოგო მარია!

პირშო თანდია და აბრიკო მინდვრად არიან!

სად დამეკარგე?..

გამხმარ პურს ამტვრევს, თან ჩიფჩიფებს: იმათ შეარგე!

„სველ ლუკმას სჭამენ... გოგო! გოგო! სად დამეკარგე?!“

რძალი კუთხეში აკვანს არწევს... ძილის პირს უმღერს.

— „ნანა! ა ფისო! შვილო, ნანა! ძუძუ არ გშია!

მამა ბარშია!

კაპასთან ერთად ის სამკალშია!

„ას უწევს უღელს...“

რძალი კუთხეში აკვანს არწევს, ძილის პირს უმღერს!
ხვადი ეზოში გაწოლილა და უცხოს უღრენს...

სხვა ბავშვებს სძინაბთ...

ძუძუთა კი კვლავ ქირვეულობს.

ძალს ჯავრი მოსდის: „ჩემს სიფხიზლეს ეგ რად ჩემუ-
ლობს?“

— ა ფისო, ნანა! დაიძინე, კარგო დათუნა!

— სუფრა გაშალე, შე პირშაო. რამ დაგადუნა?

მაგრამ მარინე მოქანცულა...

თვალიც მილულა!

ივანშემებს გლეხი და სოფელი ღამით წყნარია.

დიდი ლამპარი მოწმენდილზე მხოლოდ მთვარეა.

მამლის ყივილზე გაეხვევა ღრუბლის საბანში,

როგორც პირიმზე თალხის კაბაში.

მზეთუნახავი ტყვეა საკანში.

ფხიზელს მურიას თვალს აუხელს შუქის თამაში.

1925 წ.

დედისერთა ლენინთან

ბალადა

„შვილო! ეგების გამიგო ჩემი ვაჟიკას ამბავი-
შენ ყველა გიცნობს, ხმა ჰიაწვდინე. ომიდან შინ
ალარ დაბრუნებულა. ცსრა წლის წინად კიდევ
ბივილე წერილი რაღაც საქალაქო ომში ვიბრ-
ძვიო. შემდეგ აღარაფერი ვიცი. მკედარია თუ
ცოცხალი? მე კი სულ შვილის მოლოდინში
ვარ. დამწყდა თვალები. გამიგე, აგრემც შე-
რჩები ქვეყანას“.

დედის წერილიდან.

გარედ ცივა... ჰქრის ქარი...
მთვარე ვახშობს მუხებში.
დახშულია კიშკარი,
აძევს ურდო უხეში.
დედაბერი მიმჯდარა
ბუხრის ახლო კუთხეში.
თვალში ცრემლი დამშრალა...
მოხუცს ვინ სცეს ნუგეში?

ჩასთვლემს, ისევ იღვიძებს.
ლამეს თეთრად ათენებს:
ჯულისყური ერთზე აქვს.
მის გულს ერთი ამთელებს!
მუხლი მაინც უჭრიდეს,

ხალხს შესძრავდა ომით ის;
აღარ ძალუძს საბრალოს,
შავს ძაძებში დრო მიდის.
ლოდინი და იმედი!
ბეალებე ღამე ლოდინის!

მას ბურანში მოესმის:
— დედი! გახსენ ქიშკარი!
მე ვარ! ნუთუ არ გესმის?
გარედ ცივა, ჰქრის ქარი!
შენი შვილი დაბრუნდა, დედისერთა ვაჟიკა;
უვნებელი, მაგარი, როგორც სალი კაჟი ქვა!
გახსენ კარი, დედა უ!
შენს შვილს გარედ რა უნდა?
ეს ხომ მე ვარ! არ გესმის?
შენი შვილი დაბრუნდა!

დედა ენას ვერ აგებს, სწრაფად დგება მძინარი;
სიხარულით ცახცახებს
— შვილო, დედა შინ არი!
დეღვით კარებს გააღებს.
იქ არვინ სჩანს მლიმარი!
ცრემლით წყვდიადს შესცქერის:
— ტკბილი იყო სიზმარი!

როს მოხუცი ბუხრის წინ
შვილს სიზმარში ხედავდა,
იმ დროს მისი ვაჟიკა
ბტერს ბრძოლაში ჰკვეთავდა.
ის იბრძოდა წითლებთან,

წითელ დროშას იცავდა.
ჯარისკაცი რუსეთში
ლენინს გაჰყვა მტკიცედა!
პირველ რიგში დაეცა...
ტყვიამ აღარ იცავდა!
მისი კენესა: „ოხ დედა!“
ზარბაზანმა დაჰტვარა;
თავი დასდო ხალხისთვის.
სისხლი ნორჩმა დაღვარა.
ნახა საძმო საფლავი,
ველარ — დედის ქალარა!

და იმ დღიდან მოელის...
გარედ ცივა... ჰქრის ქარი!
ზის და უცდის გულმკედარი
დედისერთას შთის ქალი.
მუდამ ფხიზლობს. მზად არის,
შვილს გაუღოს ქიშკარი!
თავზე დასთენებია.
ამოსულა ცისკარი.
აღარ ძალუძს საბრალოს.
შავს ძაძებში დრო მიდის.
„დედა მას ენაცვალოს“,
ხვალეც ღამე ლოდინის!

მუხის დაცემა ზიაურის ტყეში

ტყე ქიაურის ჯიქურ ჯილად უდგა ალაზანს —
გველემავს მზეზე გაზმორებულს და უცხვირპიროს.
კაბალს და აფენს შეიტბორებს მდორე თანამგზავრს.

ბეზარ შვიდებას ჰსურს კარხხალი გადაიბიროს;
მორევში ჩაფლას. დალესტანის ცრემლით იტიროს.

ხამი მუხნარი! ხორკლი ბოყვიც გამოერევა:
ჯგუხნი დევები დაღარულან ათასი წლებით:
გრიგალი ჰგრაგნის მაგარ ტოტებს და ვერ ერევა!
აქ მაჯლაჯუნაც დაბაჯბაჯებს ყრუ მოწიწებით.
ანოყიერებს მიწის ქონი კუზიან ძირკვებს...
ასუყდა მუხა, გაიბოტა და სოზმრებს ირკვევს!

ულრანში ღველფავს დიდ მუხასთან ციხის ნანგრევი,
ხრიოკი არხი დახეთქილა ქვიტკირნაგები;
დუმილი დადის მოდუნებულ გრძნობის ამრევი,
აქ ერთხელ ჰერეთს რაინდობა ჰქონდა ნაგემი.
ენა აიღვას მუხა ამბავს გადმოაფენდა:
დაჩაჩხულ ქერქზე დაჩეხილი ლანდი ათევდა.

ხავსიან ბარძაცს შესძრომია მსუნაგი ფითრი.
წურბელის ჰანგით ჩარქობია. სჰამს. ძლება ლალით;
ჩაქინდრულს ველურს შელევია არჯალი ფიქრი,
ლოჯებდალებით ბუ ლავდავებს შებოღმილ ლამით.
იქნებ დათავდა დრო დიდების — ამზობენ მუხას?
იქნებ შეუთონ დაშაშრული დამშეულ ბუხარს?

სთქვევს: უნდა მოვქრათ! აქ რას გვარგებს? ნაჯახი დაჰკრეს,
დაკვალთულ ხელში ბირდაბირი ღერღავდა მაყრულს
გვერდგამოხრული აჯანყებდა ტოტების აფრებს;
სისხლი გადმოსქდა. როგორც ბუღას ყელგამოღადრულს.
მუხას წაქცევა არ უნდოდა, თავს იმაგრებდა;
ინძრა. შეირყა. აქახჰახდა... გავარდა მეხი.
გადიზნიქა. დაძლეული სხეებსაც ანგრევდა.
დაეცა ლომი. ქონდრის კაცმა დაადგა ფეხი!

ბატონიშვილს გული უწუხს

ბატონიშვილს გული უწუხს, მარტო ველარ სძლებს!
უგვირგვინოდ ბაღში დადის. რჩეულს სევდა სძლევს.
სდუმს ხუმარაც. აღარ ამბობს იგავ-არაკებს...
თავს ყორანი დასტრიალებს, შავი შავად ჰყევს!

ბატონიშვილს გული უწუხს. მარტო ველარ სძლებს:
ავად არის დედოფალი, ფერმიხდილი წევს,
ჰგრძნობს. საყვარელს დაშორდება, ჩუმად ცრემლი სჩქევს
და თან ესმის: შორს ყორანი თვალბედითი ჰყევს!..

ბატონიშვილს გული უწუხს, მარტო ველარ სძლებს!
სეფე ქალნი ქვითინებენ. ტირილი აქვთ რძლებს!
გლოვის ზარი ჩამორეკეს. თალხს აცმევენ ღერბს.
ბატონიშვილს აღარ სძინავს. გულხელს დაიკრევს...
ყორანი კვლავ დაყიალებს და ყარყუმი ჰყევს.

1914 წ

რთველი კახეთში

ვენახს ჩაუვლის მეზვრე ჩიბუხით,
ნამი ჰბანს ქალმებს, ძურწა ჰპატიჟებს:
პატივი დასდო ვაზებს გულუხვად.
კუმში მტევანი მარგილს ამძიმებს.
ავსილს ძუძუებს თვალს გადააველებს,
ეს მოსავალი მის ჯულს აამებს.
იმედით სავსე ფიქრით ერთობა:

დაჰკრევს. გაივლის ალავერდობა.

როველიც გაჩაღდა. მეზვრე ხმაურობს.
თადარიგშია. ის მეთაურობს.

თავკვერს, რქაწითელს ერთად არ ურევს.

ავსებენ გოდრებს, გზაენიან ურმებს.

უკვე მზად არის ძველი მარანი,

ზოგს გადაუკრავს, ისმის „ჰარალი“.

ააჰრეს ჩხები, აკიდოები.

გაავსეს სხვენი, ძირს თაროები.

ციკანი ქვაბში ჩაუხარშიათ.

ჯერ არ სხდებიან. — ალბად არ შიათ.

ნავი სავსეა, როგორც ხომალდი,

და ზედ შემდგარა სამი ჯომარდი.

სწურავენ ფეხით და თან მღერიათ.

ქვევრებსაც ყელი მოუღერიათ.

1924 წ.

ნიშნობა სოფლად

სიძემ ნახა დღეობაში,

ქალმაც თვალი გაუშტერა;

სხვამ შენიშნა, დაჰკრა ტაში!

თუ რა მოხდა ბევრს არ სჯერა!

მრე ხინჯელამ ჩაიმღერა

და მით სიძე გადიმტერა.

კოჭლი გიქო ყველას აქებს,

ენას არ ღლის, დალაქლაქებს,

თან ჩურჩულებს: დაინიშნა!

დერეფანში ზურნა უკრავს,

ყრმამ საყელო გადაიხსნა...

თამაშობენ... ზოგიც ბუქნავს.
 გოგოებსაც გული მოსდით:
 „ის ირჩია! სხვები რისხა!“
 ერთი ვაჟი თავს იწონებს,
 გამოვიდა წრეში წყნარად:
 ჩოხის კალთებს იქ ისწორებს,
 შემდეგ სრიკას უსვამს ჩქარად.
 მან პატარძალს უყო თვალი,
 გააწითლა ოდნავ ქალი:
 ცეკვით გვერდზე ჩაუარა.
 აგონდება ძველი დარდი:
 წინად ერთხელ თვისად სცნობდა,
 ეხლა სხვა ჰყავს გულის ფანდი.
 წრეში იწვევს საცეკვაოდ,
 მიიმე-მიიმედ არხევს ხელებს:
 სიძე მაინც მშვიდათ სუნთქავს,
 მას ვერავენ გაახელებს.
 და სიმამრი. გრძელ-ულვაშა,
 იპატიეებს უკვე სტუმრებს.
 შუა-კაცმა ცხვარი დაჰკლა,
 ქვაბში ჰხრაკავს ინდაურებს!

1924 წ.

ს ო ფ ე ლ ს

გულს მიხალისებს სოფელი,
 მიწაზე დაკვრა ბარისა:
 არ ჩამორჩენა ყანაში,
 ვენახში შედგმა სარისა,
 დაცვა მშრომელი მარჯვენის —

ვერ სთქვან არაკი მხდალისა!
გუთანს რომ გლეხი გაავლებს.
გადააშავებს ანეულს,
მეხრე რომ ლაჩეს გაათევს.
და მთვარეს შესცქერს გალეულს.
მურია თეოს დარაჯობს.
ნადირს არ უშვებს გარეულს.
ველით ტოროლას გალობას,
ხოხბის ყივილთან არეულს.
მაშინ ჩვენც წამოვიშლებით,
იღევ ვხნავთ იმავე ანეულს.

წაფხულში. მზე რომ დააქერს,
ომი ჩაღდება ჩართული:
ვენახი. კალო, სამკალი,
ურემი ძნებით დართული,
არ იცი რომელს მიხედო,
ხარ ყველაფერში გართული.
ამ დროს სოფელში იხილე
მიწასთან ბრძოლა ქართული!

ვიცოცხლებ. მუდამ ვიმღერებ.
შევაქებ ქოხებს. ალიზებს:
სოფლის ფერადი ცხოვრება.
მუდამ გულს წამინახლისებს!
შრომის მარჯვენა გულუხვი
უბეს სიამით ამივსებს,
მაშინ ავმალლდე მგოსანი.
გლეხიც თუ ქებას მალირსებს!

1923 წ.

მკედელი ზაქარო

ძანგ! რაკა! რუკ! ძანგ!
ცეცხლი. სწევას ეანგს...
ქურა გუგუნებს მშრომელთა ჰანგს.
გრდემლზე ჩაქუჩი რაკუნებს: ძანგ!
სანამ ცხელია, ბარსაკვეთს სკედს.
გუთანს შეუდგამს სახნავად გლენს.
დააფოლადებს, ხელცულას, ცელს,
და ოფლს მოიწმენდს ხანდაზან ცხელს.
არ უფრთხილდება ის თავის ჯანს:
ძანგ! რაკა! რუკ! ძანგ!
რა ზეიმი აქვს სამკედურ ქოხს!?
— ჩქარა ნახშირი! დავპირავ თოხს!
დალამებამდე ვეშუროთ დროს...
აბა, ჩაქუჩი! ზარმაცი მძაგს!
ძანგ! რაკა! რუკ! ძანგ!
დილით გამოვა ერთ არაყს სვამს,
ვადიკვალთავს მარჯვენა მკლავს:
ნაწილობისას მაძღრისად სკამს,
შეგირდს უძახის: შენ დაჰკარ მანდ!
ძანგ!
მუდამ შრომაში აყოლებს გულს!
ხალისიანობს, არ ჩახრის მუხლს!
მაინც ვერ იძენს ის ბლომად ფულს:

პატიოსანი მას შრომა ჰსურს.
ჩვენი ზაქარო იმეტებს თავს:
დღეს ოფლი ღვარა, დაღლილი სჩანს
ადრე აღგება, ზარმაცი სძაგს!
ხვალე ჩაქუჩი იმღერებს: ძანგ!

1923 წ.

ბრძენი — მასხარა

ვერავის ვენდე ცხოვრების გზაზე
და მარტო დავრჩი, საკუთარს კარზე,
ჩემივე სულის უსაზღვრო ბანზე!
ველი შორეულს ჩემს დიდ მომავალს, —
ერთხელ მემკვიდრე ხმას აიმაღლებს!
ჩემს გზას განაგრძობს წამებით ნავალს,
როცა ჩემს ჩონგურს ის ხელს შეახებს,
შეეთვისება ჩემს გარდასავალს
და რავდენს განცდას კვლავ განაახლებს.

ამ ცხოვრებაში ერთი დამცინის,
და ალტაცებით მეორე მაქებს;
თვითეულს ვკითხავ: ყველა ეს რისთვის?
მიმღერენ ამბავს ძველთაგან ნაქელს.
ო, ეს რაოდენ მოსაწყენია:
სიტყვა გულწრფელი ჯერ არ მსმენია!
ძმაო! ჩემს შემდეგ მოხვალ დიდებით
და ეგ სახელი ჩემიც იქნება;
მე სამარეში მტვერი ვიღები,
შენგნით — სოფელი გარდაიქმნება!
და ვიდრე ვცხოვრობ რად ვარ მასხარა?
მეტყველი ენა რად დავამუნჯე?

ვისმა სიმძიმემ გრძნობა დახარა,
რომ სთქვა: ეგ იყოს ყველასთვის ფუძე?
ეხ, გულუხვობამ თვალნი დამთხარა! —
გამოვდექ ერთი ბრძენი-მასხარა!
ჩემი სიმდიდრე უვიციის ხელში
რამ სათამაშო ნივთი გამხდარა!
ვგმობ! მაინც მიყვარს ყოფნა სოფელში,
მინდა ცეცხლს მივსცე, რაც კი წამხდარა!
ენატრობ მარადის ბრძენი-მასხარა!

1922 წ.

მიუვარს ცხოვრება

მიყვარს ცხოვრება მოუსვენარი,
ვით ზღვა მქუხარი, მარად მღელვარი,
თვისის ქარბუქით და ქარიშხალით
გზას მიბორკავდეს, თან მღევდეს შხამით!
პე მის მკვეთრს ძალას არ ვუკრთებოდე,
ამხედრებული ვეურჩებოდე!
შფოთარე სულით, უტეხის გულით
ცხარე ბრძოლაში მარად მიწვევდეს;
ქედმოუხრელად, წარბ-შეუხრელად
ან — ვიმარჯვებდე, ან — მამარცხებდეს!
მიყვარს ცხოვრება საესე ვაებით,
კვნესა-წუხილით, ტანჯვა-წამებით, —
რომ ჩემს ბუნებას მოსწყურდეს შვება,
უშრეტის ცეცხლით აღმენტოს ნება;
თამამად სცემდეს ოცნების ფრთენი,
ცხარე ბრძოლაში დავლიო დღენი!
მიყვარს ცხოვრება ფაფარ-აშლილი,

შფოთის მინდორი მასზე გაშლილი!
რაც გელობება, ლახვრად ეკვეთო!
წექმნა! შექმნილი გარდააკეთო!
რად მინდა მყუდრო ტბა ან ქაობი?
გულს მოეკიდოს ხავსი და ობი!

1911 წ.

ჩემი ჩონჭური

ჩემი ჩონჭური ღრმად შეეთვისა
ხალხის სიხარულს და მწუხარებას;
ოდეს ჩამოვკრავ ნაზად მის სიმებს,
ნაღველში ავლებს თვით აღტაცებას!
მაგრამ არ არის სასომიხდილი,
თუ განგმირული სხვის გულსაც გმირავს,
სევდის ფურცელში იმედს აღვიძებს
და ასე ლოცვებს მომავალს სწირავს!

1911 წ.

უანგარო უგულეგელი

ქალის წერილი.

როს არ მიყვარდი, ბედნიერი ვიყავ ამ ქვეყნად;
რა იყო სევდა, ან წუხილი? — ეს არ ვიცოდი.
არ გამეცადა სიყვარულის ტკივილი გულში.
გრძნობით აღვსილი გეძახოდი: „ახ, სასურველო!“
ჩემს სიყმაწვილეს უზრუნველად შემოგვედრებდი.
მაგრამ, ვაი, რომ უმალ გაჰქრა ეს დრო ნეტარი.
და თან წარიღო ჩემი შვებაც და მყუდროებაც.

ვთქვამთ რომ ბედად განშორება მექნა საბრალოს,
და დამრჩა ცრემლი და ნალველი ჩემს სატანჯველად.

ვიცი, ოდესმე სადაც შენ ხარ, ჰპოვებ სიამეს —
შენს თავსა ვფიცავ, არ შემშურდეს ეგ ნეტარება —
მხოლოდ არ ვიცი, განა შენს გულს დაავიწყდება,
ვინც შენ გიყვარდა, იგი ეხლა შორს იტანჯება?
მე კი არ ძალმიძს ამოგშალო ჩემის ხსოვნიდან,
არ ძალმიძს, რადგან გული ჩემი კვლავ შენით ცოცხლობს,
ვგონებ, საფლავშიც ჩემი გული ვერ დაგივიწყებს.

განა არ ვიცი, როს მიიღებ ამ შავს სტრიქონებს,
მცირე ხანს, ჩემო, სული სევდით შეგეხუთება,
რადგან ამ ქალაქს ღრმად ატყვია წვეთი ცრემლების.
ეს ვიცი, მაგრამ ვერ დავფარე მწუხარე გრძნობა.
მსურდა წერილით კიდევ ერთხელ მეძღვნა სალაში,
მწუხარე სალამს თან გადმოჰყვა ჩემი გოდება
და უიმედო სიყვარულის კვნესით ძახილი.
ო, ყურადღებას ნუ მიაქცევ ამ მწარე ცრემლებს,
და არც იფიქრო, საყვედურის თქმა მსურდეს ამით,
შენ არ მიგიძღვის ჩემს წინაშე დანაშაული,
თუ კი გავიგე, შენ მანდ სცხოვრობ სვებედნიერად,
გარწმუნებ ჩემო, სევდა ჩემი შემსუბუქდება.

ოდეს ჰირველად შეაძბორე ანთებულ ბაგით,
ო, არ ვიცოდი, ვისთვის მეთქვა ჩუმი მადლობა,
რადგან შენ შემხვდი და სამოთხე გადამიშალე
და ჩემი ყოფნა დამისახე ყვაეილოვანი.
სულზე უტკბესო! აბა, იმ დროს ვით ვიფიქრებდი,
რომ იმავ ადგილს მწარე ცრემლებს მარტო დავლვრიდი?
ახ, რა გულით მსურს, ერთხელ კიდევ ჩემთან განახავდე,
ერთხელ — მშვენიერს, მოსაუბრეს, ნათელის სახით,
რომ კვლავ მომეყრდნო სასოებით შენს მკერდზე თავი,

რომ შენს თვალეში ერთხელ კიდევ ღრმად ჩამეხედა და მეთქვა თრთოლვით: „საუნჯეო! შენი ვარ მარად!“ მაგრამ ვაი რომ ნატვრა უნდა ნატვრადვე დარჩეს.

ბარემ მომესპოს ეს სიცოცხლე! მას რაღას ვაქნევ? მაგრამ სიცოცხლეს—თვით სიცოცხლევ, თუ ვერ ვიმეტებ, შენივ ბრალია — მსურს მესმოდეს შენი ამბავი!

შენი სურათი დამრჩა მხოლოდ ძვირფას საუნჯედ, და ხატის ნაცვლად დავასვენე საწოლ ოთახში.

ბაღში მოკრეფილ ყვავილებით ყოველდღე ვამკობ.

შენი სურათი დამრჩა მხოლოდ და სხვა რა კიდევ: —

ო, მოგონება წარსულისა. — ტკბილი წარსულის.

მაგრამ აწ კმარა... არ მსურს სიტყვა მკაცრი წამომცდეს —

და თუ წამომცდა, მაპატიე იმისთვის მაინც, რომ ერთ დროს ტურფას წრფელის გულით შემოგხაროდი!

განა თუ არა? შენ ხომ ამას უარს არ ამბობ?

ვიცი, შენშიაც მოგონება ძვირფასი არის —

შენ მანდ ჰხარობდე და ჩემს ბედზე ნურას ინალვლებ,

და თუ გავიგე, შენს თავსა ჰგრძნობ მანდ ბედნიერად.

გარწმუნებ, გულო, სევდა ჩემი შემსუბუქდება!

მაგრამ ვაი თუ მანდ ვერ ჰპოვო ის ნეტარება,

რომელს მე გულით მოგაგებდი დაუზოგველად?

მაგრამ ვაი თუ შენს მიჯნურთან ვერ გაიხარო

და ჩემს სასურველს სიამენი ადრე მოგესპოს?

მაგრამ ვაი თუ ვერ მიუხვდნენ შენს დიად სულსა

და თვით სიცოცხლე გაატარო მწარე ტანჯვაში?

ო, მაშინ მზეო! ფრთა შეისხი, ისწრაფე ჩემსკენ,

კვლავ მნახავ ერთგულს და უსაზღვროდ მოსიყვარულეს.

ო, მაშინ მზეო! დამიბრუნდი დაგმობილს სატრფოს

და რას არ შეეძლებ, ოღონდ შენ კი კვლავ შევებას მიგცე.

მაგრამ რას ვამბობ? განა შენ ვინ არ შეგიყვარებს?
რომელ ქალს შენთვის გული ტრფობით არ აუროლოდეს?
შენი თვალები შენსავ სულის სარკე არ არის?

და ვისაც ეშხით გაუსწორებ, როგორ იქნება,
რომ არ გააბა ნაზ ბადეში შენს უნებურად
და არ გაჰხადო სიყვარულის მონა-მორჩილი?

ეგრე ყველაფრით შემკული ხარ ბუნებისაგან,
რომ იმ ბუნებას თვითონვე შურს შენი სრულყოფა.

და როგორც ასეთს, განა შენ ვინ არ შეგიყვარებს?

და არ გაგიფენს ფიანდაზად ეშხით სავსე გულს?
მხოლოდ მე ერთი უნდა დავრჩე ამ ჯოჯოხეთში,
უნდა ტანჯვაში მარტო ერთმა დავლიო დღენი,
უნდა მომერწყოს ნიადაგი მდულარე ცრემლით,
მაგრამ ამ ცრემლსა ყურადღებას ო, ნუ მიაქცევ,
მე ძალა შემწევს.....

შენ მანდ ჰხარობდე და ჩემს ბედზე ნურას ინალვლებ,
და თუ გავიგე შენს თავსა ჰგრძნობ სვებედნიერად,
გარწმუნებ, ჩემო, სევდა უმაღლ შემსუბუქდება
და ასე ვიტყვი: სამუდამოდ იყავ მშვიდობით.

1912 წ.

ჩემი სიბრძნე

უამს თან მიაქ ძველი შფოთი,
ზეცას სერავს სულ სხვა ელვა;
ტალღა მიდის, ტალღა მოდის,
ბრძოლით სუფევს არსთა თელვა;
ეს სოფელი ზღვას ვადარე,
გვათამაშებს მისი ელვა!

ზვირთებს შორის ჩვენი ნავი
დასრიალებს, დანაგარდობს;
შიგან მჯდომი მეზღვაური
გატყორცნილი არას დარდობს;
იმედის ხმა შორეული
იტაცებს და ზღაპრით ართობს.

მაგრამ უცბად დაჰკრავს ხოლმე
ბედისწერის მას გრიგალი;
ეხეთქება შავს ნაპრალებს
და სასტიკად ამსხვრევს სალი;
ნათესაენი ცრემლებს ღვრიან,
ისმის გლოვა შესაბრალი!

ეჰა, ცრემლო, რა ტკბილი ხარ,
ოდეს ისმენ გულის ფთხრიალს!
ეჰა, ცრემლო, რა მწარე ხარ,
როს ეცემი მკერდზე ტრფიალს!
მოგშორდება, მეტად იწყებ
ჩაბნელებულ თვალზე კრიალს!
შენში ვპოვებთ სულის შევებას,
შენითვე ვსვამთ შხამის ფიალს!
ოჰ, ნეტა შენ წარეცხავდე
ამ უკუღმართ ბედის ტრიალს!

ვტირით, ოდეს ვიბადებით,
ვტირით მეტის სიხარულით;
ვტირით, ოდეს ყრმა-ქაბუკნი
ვიმკვალებით სიყვარულით!
ვტირით, ოდეს საფლავს სჭრიან,
ვტირით სევდით დაფარულით;
გულში ვტირით ნათელ სახით,
ცხადად ვტირით დაღარულით.

ვტირით და თავს ვინუგეშებთ
ამაო გზად სიარულით!

ყველა ცვდება, ყველა მიდის,
სამუდამო ვერვინ აგოს;
არვის ძალუძს სიკვდილიდან
თავი თვისი გამოაგოს!
ეს სოფელი გეტანჯავს, მაგრამ
ძნელად ვინმემ შეიძაგოს!

1912 წ. ბერლინ.

შ ა ი რ ი

ტკბილ შაირში ჩაიფერულა
ბალჩის ვარდი ფერად ქრელი;
ტკბილ შაირში ჩაიქსოვა
სიტყვა მკვეთრი, სიტყვა-მქრელი.
მიტომ არის ზოგს რომ ატკობს
და ზოგს ასე უღვთოდ ჰგმირავს;
მოდით ჰნახეთ, თუ ვინ ჰხარობს,
მოდით ჰნახეთ, თუ ვინ გმინავს!

1907 წ.

შავს ზღვასთან

ზღვა ბობოქრობდა... კლდეს ღმუილით ეხეთქებოდა,
გალმა ნაპირი შავის ღრუბლით იბურებოდა;
მკრთალი ფირფატი სადღაც კლდეში იმალებოდა.
გრგვინვა და ქექა ტალღის ღრიალს უერთდებოდა.

ზვირთი-მთა-გორა მოგორავდა ზარით მქუხარე,
ნაპირს ებრძოდა... ჩემს ფერხთა წინ ქვებზე ელავდა;
გულხელდაკრეფით ჩათხრობილი ვიდექ მდუმარე,
მაგრამ ნორჩ გულში ჩემს მტანჯველად გრძნობა ჰლე-
ლავდა!

ოჰ, ნეტა იმ დროს შემეწყვიტა ფიქრი და სევდა
და მივცემოდი, ვით სალი კლდე, თავდავიწყებას;
ასული ზღვისა მომხიბვლელი თვისკენ მიწვევდა,
მსუბუქი ჭაფი ჩრდილს ჰფენდა ნათელთვალებას.

— მენავევ, ჩქარა!..—ნავში ჩავჯექი, ტალღა ვერ მძლევედა,
მაგრამ ვერ მივწვდი მოციმციმეს, უცხო ზმანებას!..

1909 წ.

ქალის ცრემლები

კურს არ უგდებდი შენ ჩემს მუდარას,
ფეხქვეშ სთელავდი, აქანობდი სურვილს;
შენ ბრძანდებოდი, მე ვიყავ მონა,
ჟინაშლილობის გიკლავდი წყურვილს!
ბავშვების დედა მრავალს. გითმენდი,
შენ კი მრუშ ქალებს თავს ევლებოდი;
მე ცრემლს ვაფრქვევდი, შენ სხვას ალხენდი,
ნაყიდ ალერსით აინთებოდი.

ცხოვრება ჩემი — ეს იყო ჯვარცმა,
ღამადარებდი ნივთს სათამაშოს;
ასე ამბობდი, რომ მამაკაცმა
ქალის წადილი უნდა დაახშოს;
ვიტანდი შენგან შეურაცხყოფას!
ვგობოდი შავს დღეებს: ყოფნა-არყოფნას;
ჩემში დედაკაცს მხოლოდ ჰხედავდი,

მე შენის შიშით ვერას ვბედავდი,
და ვერც ვამხელდი ჩადენილს ცოდვებს,
რომ შეაცდენდი მეგობრის ცოლებს!
ხრწნილი სხვის ოჯახს თავაზიანი...
პირუტყვი იყავ ადამიანი!
დღეს აგიმხედრდი! წაველ გაგშორდი!
დავგმე ცოლქმრობის მძიმე ბორკილი;
თუნდაც დაემარცხდე, კვლავ ველარ მნახავ,
ჩემგან თვით შენ ხარ უარყოფილი!

1908 წ.

რალა დამრჩა...

ულმობელმა, შემხუთველმა სევდამ ფრთები გაშალა!
შურის ქარმა, მტრობის ზარმა ჩემი შვება წაშალა!..
სიცოცხლესა ხანმოკლესა უდგა ცუდი დარები.
გულმოკლული, გაისრული დავალ დავიარები;
ძველს მეგობრებს, ვით მეკობრებს, ველარ მივეკარები,
მიზანს ნათელს ცილი დასდეს, ჩემ წინ მართეს ფარები!
ვინც კი მითხრა „მიყვარხარო და არ გამემწარები“,
ნახეთ, მანვე გამითხარა შავი მიწის კარები.
დღეს ჩემს სულში ულმობელმა სევდამ ფრთები გაშალა,
ყრმის გიჟური სიხარული და სიამე წაშალა!..
რალა დამრჩა სანუგეშო ოდნავ გამხარებელი? —
ცივი გული, ცივი გრძნობა შურის მაძიებელი.

1908 წ.

კ ა ც უ ნ ა

გინდა ჰყოფილხარ, გინდა — არა, ვის აგონდები?
ვის ესმის შენი მწარე მოთქმა, ოდეს ჰლონდები?
არავინ იცის რასა ჰფიქრობ, რა გენატრება;
შენი სიცოცხლე უმნიშვნელოდ მიდის და ჰქრება!
არ გაგაჩნია შენ მოკეთე და არცა მტერი,
არ ჰსურთ გაიგონ, კაცი ხარ, თუ უბრალო მწერი,
ერთი რაღაცა მწირ ცხოვრებას გადაჰგებიხარ,
არვის ახსოვხარ, სოფლად ყველას დავიწყებიხარ,
გინდა ჰყოფილხარ. გინდა — არა, ვის აგონდები?
ვის ესმის შენი მწარე მოთქმა, ოდეს ჰლონდები?
ბევრს არ დაეძებ, მცირედითაც ხარ კმაყოფილი,
იყო ქებული მრავალთაგან, ანუ გმობილი —
შენთვის ერთია. სული არ გაქვს დელევით პობილი,
შიშვლად მოკვდები. როგორც შიშვლად იყავ შობილი.
სამადლოდ კუბოს და სუდარას გაგიმზადებენ,
მიწად დაგფლავენ, ცივ ლოდსაც კი არ დაგადებენ,
მხოლოდ შენს თავსა, — შენს საკუთარ თავს, — მოჰშორ-
დები,
იყავ, არც იყავ, მთლად აღარ ხარ, — ვის აგონდები?
შენის მცირედით აღარ ჰხარობ, აღარც ჰლონდები.
უკვალოდ გაჰქრი, სოფლად იყავ ცოცხალი მკვდარი;
რა მოიტანე, რა წაიღე გულგასახარი?
რა დაუტოვე შთამომავალს ძვირსანუკვარი?

არყოფნით სავსე, არყოფნაში გლახ იქმენ მქკნარი,
რისთვის იხილე მზენათელი, ან მთა და ბარი?
რა აზრი ჰქონდა საწუთროში შენს არსებობას?
რად განიქებდა ზეგანგება სულსა და გრძნობას?
ნუთუ ამითი დასცინოდა კაცობრიობას?
ნუ თუ ამითი გვიმხილებდა აწმყო დროებას
და გვაგონებდა შენის შექმნით ამაოებას.
რომ შენებრ ყველა: რჩეული, თუ გვირგვინოსანი,
სახელგანთქმული მებრძოლი, თუ დიდი მგოსანი,
ქვეყნის ბატონი, განცხრომის ძე, ანუ ძლიერი,
ადამიანი ტანჯული თუ სეებედნიერი,
რაც კი არსებობს, რაც კი ჰფეთქავს: ნორჩი, ხნიერი —
თვისი აზრებით, საქმეებით ვერ დარჩებიან,
შენებრ ოდესმე უამთა სვლაში აღიგებიან,
შენებრ ისინიც დავიწყებას ჩაჰბარდებიან,
შენებრ არარად და არყოფნად გარდიქმნებიან?

მაშ ვის შევნატრო. აწ ვინ მექნას სულის წარმტაცი?
ერთ გარდუვალის ბედქვეშა ხართ შენ და ზეკაცი!
ორივეს გელით ერთი ბოლო — სანახაობა,
ორივეს ერთი სახელი გდევთ: — არარაობა!
მაგრამ ვინ არის დღეს თქვენ ორში დამშვიდებული?
დღეს რომლის სული უფრო არის განსვენებული?
ის, ვინც დაიპყრო ქვეყანა და იქმნა ქებული,
ვინც შორს განქვრიტა ბრძნულის თვალთ ყოფა-ცხოვ-
რება

თვით იქმნა დიდი, მოუსპო კი სულს მყუდროება,
თუ შენ. საბრალო, ყველასაგან დავიწყებული,
რომელს არა გაქვს სულთქმა გულზე მოგუბებული,
არც ვისმე სძულხარ. არც უყვარხარ, არ გწვდება კრულვა,
არას მიელტვი შორეულსა, არც გტანჯავს ზრუნვა!

შენთვის ხარ მარტო და არ გესმის ამ სოფლის ბრუნვა?
თუ ჰკვდები,—მიხვალ, ვის აობლებ? შენ თავს ჰშორდები!
ძენის მცირედით აღარც ჰხარობ, აღარც ჰლონდები,
გინდა ჰყოფილხარ, გინდა — არა, ვის, ვის აგონდები?

1912 წ.

სიხლმარა თარზი

რისთვის ვინაღვლო, თუ ის ვარდი ქარმა დახარა,
დაგლიჯა მისი ფოთლები და შორს გადაყარა!?
ურგები იყო, ნიადაგი უცხომ დაბარა!
ისიც მეტია, ვინც კი მისთვის ცრემლი დაღვარა!
ნაცნობ ვარდისკენ მოგიწოდებთ ჩემი ნალარა.
მოდით ყიჟინით, მოდით მასთან! — ერმა ახარა!
დაქანცულ გულით რასაც ეძებთ, სხვაგან ვერ ნახავთ!
სხვას ყველას თვისი მიჯნური ჰყავს — თქვენსას რად
სძრახავთ?

უცხომ რაღად სცეს პატივი, თუ თვით გადალახავთ?
მოდით ყიჟინით, მოდით მასთან — იმედათ გასახავთ!
სატრფო მოგელით და ლოდინმა გული დაღალა.
მან ისეც ბევრი იტანჯა და ცრემლიც დაღვარა.
ნაცნობ ვარდისკენ მოგიწოდებთ ჩემი ნალარა!
ერთი შეხედეთ, რა ტურფაა და მომხიბვლელი!
მარტოა ობლად! არავინ ჰყავს რაინდი მცველი!
ვინც ჰყავდა, უნდოთ დაუხოცეს, ჩვენ ლა ვართ მხსნელი!
ნულარ ვაყოვნებთ, წარიტაცებს მას უცხო ხელი!
შემოკრბით მასთან ჯაბუკი თუ ბერი-ჰალარა!
მედგრად დასძახეთ ის ჩვენია, ერმა ახარა!
ნაცნობ ვარდისკენ მოგიწოდებთ ჩემი ნალარა!

1910 წ.

სალამური

გულის სიღრმიდან ამოგქერ,
გრძნობით შეგლებე, გიარე;
მე სულის კენესა ჩაგბერე,
შენ კი ხალხს გაუზიარე!
სამგლოვიარო სიმღერით
მთაბარი შემოვიარე;
წუხილს მოვთქვამდი მშობლისას,
უცხოც კი დავაიარე!

ეხ, სალაძურო, ერთგულო,
ჩემო სულო და ტრფიალო!
ურვა და ცრემლი მომბეზრდა,
ხმა უნდა შეატრიალო!
დღეს მე მწყურთან ზეიმი. ვარამი გავატიალო!
მსურს სამხთო ცეცხლად გარდვიქცე,
შენთან დავიწვა, ვიალო.
სამხიარულო ალამი
ჩემს ერში ავაფრიალო!

დაუკარ შეების სიმღერა!
დაუკარ, უნდა ვიამო,
თორემ დაგამტვრევ, ერთგულო,
ჩემო სულო და ტრფიალო!

1914 წ

გლეხის ქალი

ერთხელ ვნახე გლეხის ქალი,
შორს მინდვრიდან მომავალი;
მას ცალს ხელში ძნა ეჭირა,
მეორეში კი—ნამგალი!
თავზე კობტად შემოეკრა
მოსახვევი ფერად ქრელი;
ნაწნავეები გადმოეწყო,
მოედერა ნორჩი ყელი!
მოდოდა, თან მღეროდა
წკრიალა ხმით შოთას შაირს:
—ვღონებ ველარ გავიღონებ
ჰანგს მომხიბვლელს მე იმნაირს!
შიგ ურთავდა თვის სიყვარულს,
ავედრებდა მიჯნურს გრძნობას;
აღუთქვამდა ერთგულობას,
ნესტანივით წმინდა ტრფობას!
დამინახა, დაირცხვინა,
მას სიწითლემ დაჰკრა ფერი;
და მით იქნა იგი უფრო
მშვენიერზე მშვენიერი!

1912 წ.

მეწიქვილე

სვამს და ქეიფობს,
ქეიფობს, სვამს.
არაფერს ამბობს,
არც არა სწამს.
გულ-გატეხილი,
ის ყოველს წამს,
როგორც ვეჭილი,
ერთსა სდებს ბრალს:
კაცის ბუნებას
სხვადასხვაგვარს.
გადაბრუნებას
და სოფლის შხამს,
მუდმივი სევდით
იმედს რომ ჰკლავს.
წიქვილი ზრუნავს,
წყალი სცემს, ბრუნავს,
თეთრს ნალველს ფქვავს.
ტიკ-ტიკ-ტიკ-რაკ-რაკ;
თეთრ ნალველს ფქვავს.

1916 წ.

ჩვენი ლურჯა

პაპას ჰყავდა ერთი ცხენი,
ზაფხულობით წყალზე ჰბანდნენ;
წეკაზმავდნენ, შესხდებოდნენ,
საძოვარზეც გაიყვანდნენ.
აზიდვინეს ზურგით ქვიშა,
აზიდვინეს ქვა და კირი,
არა ჰქონდა მოსვენება,
არა ჰქონდა ღამე ძილი,
არ ითქმოდა მასზე ძვირი.

ხან ქირაზე გაჰგზავნიდნენ,
და დაჰკრავდნენ ფეხზე ნალებს;
სალამოთი შინ მოჰგვრიდნენ
დაღლილსა და განაწამებს, —
ხვალეც ვინმე გაამწარებს.
ბეგარაზე ის გაჰყავდათ,
აჰკიდებდნენ მძიმე ცალებს.
ყველა ლურჯას ეტანება,
ლურჯას ყველა ტვირთს აძალებს.
ოფლს როდისღა შეიმშრალეbs?

მათრახს სცემენ მსუქან გავას,
თუ შედგა და დაიხვნეშა.

ზამთარშიაც უნდა ზიდოს
წვიმა-ქყაპში ტყიდან შეშა.
ლურჯა — სახლში, ლურჯა — გარედ.
ჯაფა მას ვერ შეუმცივრდა;
მეზობელიც მას თხოულობს,
ნკაში წასვლა თუ დასჭირდა.
ერთხელ ლურჯას კირიც სჭირდა.

ოგი გაქირს ვერ ახერხებს,
მორჩილია ბავშვის ხელ'მი;
ლაგამს ნებით მიუშვებენ
და გზას აკვლევს ღამე ბნელში.
განთქმულია მთელს სოფელში.
ერთხელ წიხლი გაიქნია,
როს დაადგეს წელზე კეხი;
სცემეს სახრით, სცემეს ფიწლით,
დაატეხეს რისხვა-მეხი!
დაუშავდა ცალი ფეხი.

ლურჯას წელი გაეყვლიფო,
არც სწამლობენ, არც ურჩენენ;
ერთს საქმეს რომ მორჩებიან,
კიდევ მრავალს გაუჩენენ,
სამუშაოს აუჩენენ.
საწისქვილოდ მძიმე ტომრებს
აჰკიდებენ რის ვაგლახით;
თან პატრონიც ზედ შეჯდება,
კმაყოფილი, გოროზ სახით,
უჯავრდება შინდის სახრით.

ის დაღმართზე თავს იმაგრებს,
და აღმართზე კისერს წასწევს;
თუ შედგება, მხოლოდ მცირედს,
ოფლიანი ისევ გასწევს,
ცხენი ხვნეშის, ლამის დაწვეს.
ერთხელ ცრემლი ჩამოვარდა:
წელი სტიკვა, ტვირთი აწევს;
პატრონი-კი ზედ ღიღინებს,
არხეინად აღგილს ახწევს.
ცხენი ხვნეშის, ლამის დაწვეს.
დაივიწყებს ტანჯვას ლურჯა,
თუ მაძღრისად ბზე-ქერს აკმევს.

დაგვიბერდა ჩვენი ლურჯა,
საწყალს კბილი აღარ უჭრის;
ძუას მალლა ველარ იღებს,
დაღონებულს ყოფნა უჭირს.
ერთხელ გარედ დარჩენოდათ,
პაპას აღარ მოეკითხა.

და მგლის კერძი გამხდარიყო,
— მეზობელმა ასე მითხრა.

და უკვალოდ დაიკარგა,
გაუთენდა მას დღე შავი;
იმას სწუხდნენ, რომ თან გაჰყვა
საქალამნე, თხელი ტყავი.

მას მე ერთი პატივს ვცემდი,
ქერი ვუძღვენ არა მცირე;
ძენანება ჩვენი ლურჯა,
მკვდარი ველარ დავიტირე!

1923 წ.

GENESIS

წინაპრად მყავდა შანზე წარმართი,
მზეს ლოცულობდა, მთვარეს ფიცავდა;
მან აიარა მძიმე აღმართი,
თან არსებობას ბრძოლით იცავდა.
ტომით ქართველებს, ჩემს ძველს წინაპრებს,
გულში მახვილი მაინც არ ასცდათ;
წითელის სისხლით ლებადნენ სანგრებს,
მტრებთან შეტავს სთელიდნენ დიდ განცდათ.
და ძლიერ ჯარის მძლე მთავარსარდლებს
თავს ძირს უხრიდნენ მეფის დროშები;
ვინ მოსთვლის იმათ თავგადასაველებს?!
უტარებიათ ზოგჯერ დრო შვებით.
ხალხს უშენებდნენ უდაბნო ადგილს
ქვიტკირის სოფლებს, ციხე-ქალაქებს:
შეეჭეოდნენ ზეიმით ნადიმს,
იტყოდნენ შაირს, ქსოვდნენ არაკებს.
თან გადაჰკრავდნენ ღვინოს ყანწებით.
მღერდნენ: „მოგროვდით და ლხინს აწ ებით!“
მათებრ აროდეს დავიქანცებით:
ხან ჩართულ ბრძოლით და ხან ფარცხებით!
ჩემში მოგროვდა ზღვად მათი გრძნობა.
მკერდქვეშ რაც ღვივის, არ არის მტრობა:
ამას მეტყველებს სახე გაშლილი.

შუბლზე ნაკი ბედით წაშლილი,
არწივის თვალი, მზერის გამძლები! —
ერთგულს სიკვდილში დავენაცვლები.
ვმღერი რაინდულს, ავანთო მხდალი,
ბრძოლის ველზედაც გავალ თუნდ მარტო,
ოღონდ სხვას მივცე მე მომავალი,
და ცხოვრებაში გზა წარუმართო!

1922 წ.

ტყე გაჩეხილი

გაზაფხულობით ტყე სურნელს აფენს,
აჩვენებს წითლად აკოკრილ კვირტებს;
სხივებით სუნთქავს, ბნელ ღამეს ათვეს,
ძირკვების ძუძუ რძეს ველარ იტევს!
შეიფოთლება, საუბრობს ენით,
ვერხვი დიდ მუხას გადახვევს მკლავებს;
ბუმბერაზები ავსილან ღხენით,
ქარში მღერიან: ვინ შეგვაკავენს?
ნაძვი ასულა მალლა ფერდოზე
და ატყორცნილა თავგამეტებით;
უძახის სნეულს: ჩემთან ამოდი!
ჭაობში რისთვის დაეხეტები?
ერთხელ ვინილე ტყე გაჩეხილი,
გაშხლართულიყვნენ ცივად გვამები;
ცრემლი სდიოდათ დარჩენილ კუნძებს:
შვილს ვილა გაზრდის, მოკვდენ მამები!

1925 წ.

გლეხის სიმღერა

უმადურო, ბატონო,
მითხარ, რას მედავები?
ჩემი არის მინდორი,
ჩემი არის ყანები!
მახსოვს შენგან შიმშილი,
ამიცრემლე თვალები;
შენ გამცარცვე და მეც დღეს
ალარ შემებრალები!
უმადურო, გამშორდი,
ჩემი არის ყანები!
მე არ მინდა ბატონი,
ვუვლი ჩემსავ დიდებას:
ვერ ვიკისრებ ხელახლად
ზურგზე წამოკიდებას.
უმადურო გამშორდი!
მითხარ, რას მედავები?
ჩემი არის მინდორი,
ჩემი არის ყანები!

1923 წ.

მწყემსის ფარეხში

ხვალი თეოზე ლამეს ათენებს,
ფეხის ხმა მგზავრის მას არ აფეთებს.
თუ ოდნავ შეჰყეფს, თავს მიანებებს,
ძილს არაოდეს გადაამეტებს,
ფარეხს ფარულად თვალყურს ადევნებს,
მტერს სცნობს შორიდან,
რისხვას აგემებს.

მწყემსი ამდგარა დილა ადრიან.
ჭროლად შეჰყურებს ამინდს აედრიანს.
ცხვარი სძოვს ბალახს, ცივს და ნამიანს,
მეგობრად ზვალი მისდევს ნაბლიანს.
მარტი ხანდახან გამოიდარებს,
მეცხვარე ჯანლის თეჰას იფარებს.
ბატკნებს ჯერ გარედ ვერ გამოუშვებს
სანამ ჰქრის ქარი და წვიმას უშენს!

1923 წ.

სალეწი მანჰანა

ჯერ ისევ ბნელა...
მოუხშირეს მამლებმა ყივილს.
ქვაბის შემკეთი წამომდგარა და იზმორება.
ოსტატი. ცისქვეშ მწოლიარე, ზანტად იძახის:

— „ცეცხლი შეუნთე, კაჩეგარო!.. ხედავ, თენდება!“
 ვშიშობთ, ავდარმა არ მოგვისწროს,
 მთელი წლის სარჩო არ დაგვიღუპოს!
 ვმუშაობთ დღეში თოთხმეტ საათს,
 და ვეშურებით ძნების გაღწევას!
 ყვირის მანქანა და ეძახის ფიწლები გლეხებს.
 ზოგნი მოსულან დაკვალთულნი... სწევენ ჩიბუხებს.
 ქრელ ხელცახოცი თაევწაკრული ითვლის ტომარებს.
 ფიქრობს: პირველად მან გაღწეოს, იძენს ქომაგებს.
 დიდი თაიას*) პატრონს მოაქვს ბოთლით არაყი.
 ქრთამს არ იშურებს,
 ჰპირდება მუშებს მსუქან დედლებს და ინდაურებს.
 ზეთი ჩაუშვა ოსტატმა ჩარხებს.
 ლამბი**) აუბეს, წამოსდეს საღეწს.
 — რვაზეა ორთქლი! დაიწყე ჩქარა!
 — ჯერ ჩემია! — იძახის ერთი.
 მას ეცილება მაღალ-მაღალი:
 — ჯერს არ დაგითმობ თავით ცოცხალი!
 — ვინ ოხერი ხარ, შენ დაგანებო!?
 — დედას გიტირებ! აბა, გაჰბედე!
 — შე ჩემოლალავ! გუშინ მოჰსულხარ...
 მე კი კვირაზე მეტს ველოდები!
 — კოქლო!
 — ჩათლახო!
 — ქალაქის კინტო!
 — შე სახეძალლო, შენზე წინ მე ვარ!
 გინდა ქვეყანა შენ გადასქამო?
 ჩხუბი და ლანძღვა, სიტყვა უშვერი.
 — თუ ეგ ქოფაკი დაიწყებს ლეწვას.

*) თაია — ერთად დადგმული ძნების. **) ლამბი — ოასმა.

მე არ ვუშველი, მე არ ვუშველი!
შემკეთი ყვირის: ძნა, ძნა მიეცი, ამხანაგებო!
მაგრამ ვის ესმის მისი ყვირილი.
ხელთ მოიმარჯვეს სახრე და კეტი!
— რად მეცილები!? ჩემი ჯერია!
— ხომ არ გაგიუდი! ხომ არ ხარ ცეტი!
საცემად მუშტი მოუღერია!
შიგ ჩაერივნენ და ამშვიდებენ.
მანქანა წივის.... ჩარხი ტრიალებს,
ღმუის სალენი ძნების მულაპავი.
ხვითქი გადასდის მუშა-გლებკაცებს,
მტვერი და ბუქი დაღამებამდე.
და შრომა მაინც ყველას იტაცებს.
— გადასწით ნამჯას! ნუ დააგუბეთ!
— ცოტა შეაყეთ! ამოგვასუნთქეთ!
ეხვეწებიან მანქანის გამგეს.
მზემ დააქირა. კვლავ მუშაობენ.
ნატრობენ: ნეტა, გაწყდეს თასმაო,
რომ შეისვენოს ერთს წამს კაცმაო!
ერთი ცულლუტი კაკლის გრილოს შეჭფარებია,
გაფაციცებით დასდევნებიან:
— ამხანაგი ხარ! რათა გვღალატობ?! —
და გამოაგდეს, ზანტი, ფიწლებით.
— ასე ვმუშაობთ, მზეზე ვიწვებით! —
თუ დაინახეს ცაზე ღრუბელი:
შე უპატრონო, დაგვაცალეო!
ხვითქი გადასდით. არ ჩერდებიან.
კარგ ამინდს გლებნი ეშურებიან,
რომ. ზამთრის სარჩო დააბინაონ,
თვითონ იცხოვრონ და სხვაც აცხოვრონ!

მეშინ სიმღერა

როს ბნელი ღამე მოიცავს არეს
და ღრუბელთ გუნდი დაჩრდილავს მთვარეს, - -
მეშინ სიმღერა მესმის მწუხარე
და მდის თვალისაგან ცრემლი მდუღარე.
ზოგჯერ ნიავი წყნარსა სიმღერას
ყურში ჩამძახის, ვით ჩანგის ჟღერას,
მაგრამ ვერ ატკობს იგი ჩემს სმენას,
ვერ მაძლევს შვებას, ვერც აღმაფრენას.
ვაგლახ! სიმღერა არის მწუხარე
და თვალთ მიტომ მდის ცრემლი მდუღარე!
როს ბნელი ღამე მოიცავს არეს
და ღრუბელთ გუნდი დაჩრდილავს მთვარეს.
ვილაცა სტანჯავს ჩემს მშობელ მხარეს, —
მეშინ სიმღერა მესმის მწუხარე
და მდის თვალთაგან ცრემლი მდუღარე!

1905 წ.

სული დანადვლდა

სული დანადვლდა. ცა იცრემლება,
ხან კი მრისხანედ ზუზუნებს ქარი;
მთის კალთას შავად ნისლი ევლება,
კორდებს-კი მალა — ღრუბელთა ჯარი.

შორს კენესა ისმის უკანასკნელი,
ნაცნობს სიკვდილი ესუდარება,
ხელს იწვდის, მესმის ძახილი ნელი:
მებრძოლი შველას მემუდარება!
თუმც მას ვერ ვხედავ, — მსურს კი ვუშველო,
უძლურ მარჯვენას ის მიახლოვებს;
კვდება... და ქვეყნად ანდერძად სტოვებს,
რომ: მარტო შთენილს, სევდა მაგლოვებს!

1907 წ.

კახეთი

არ აგზნებია მას გული
ზექვეყნიური ალითა,
არც გამკველულა წინაპრის
სიამაყით და ძალითა,
ვისაც კახეთი—სამოთხე—
ჯერ არ უნახავს თვალითა!
აღმოსავლეთით კავკასი,
ზეცამდის ამაღლებული,
მიდის და მისდევს გრეხილი
ერთმანეთს მიჯგუფებული,
ზოგი კეკლუცად მზირალი
და ზოგიც ჩაფიქრებული!
მალლა—ღრუბელი მოშავო,
ძირს—ნისლი მიმქრალებული.
ნაპრალთა შორის მდინარე
მოქუხს და მოეჩქარება;
კლდის ძირში ვიწრო ბილიკი
ბეწვის ხიდს დაედარება,

აღვანელ თუშსა ჯომარდოს,
ფშავს, ხევსურს ძალუძს ტარება.
ფეხი დაგისხლტა—მშვიდობით!
ღმერთიც ვერ დაგეხმარება!
უბსკრული არის ისეთი,
ჩახედვა შეგეზარება!

იქვეა მთანი ყვარლისაც,
ილიას სატრფიალონი!
ბარად კახელთა ვენახნი
და გვერდზე — საბძელ-კალონი.
მთების ჯადაღმა, მთებშუა —
საძოვარ-იალალონი.
დაცხება, ცხვარი მიუდით,
მწყემსებს არა აქვთ სალონი!

ბარად რომ ჰკნება ყვაველი,
მრავალფრად მთაში იშლება!
იქ ლელე, სერი, ფერდობი
ნაზ სურნელებით ივსება.
ქიზიყელთა და მთიულთა
მწვანეზე ფარა იშლება.
შორს სალამური წკრიალებს,
გული ხარობს და იშვება!

ახლა ცივ-გომბორს შეხედეთ,
კავკასის მოპირდაპირეს;
ადით მალლა და დახედეთ
ალაზნის ქალა-ნაპირებს:
სჩანს ალავერდი ვარსკვლავად,

შენდამი სალამს აპირებს.
თვალს წარგიტყუებს მიდამო,
გულს აღტაცებით ატირებს!
აბა გახედეთ ალაზანს,
ველად რომ მიიკლაქნება!
მოდის და მოდის, თანდათან
მატულობს, კი არ აკლდება!
ალვანის თავში მქუხნარებს,
ქიზიყის დასწვრივ ყუჩღდება.
მუხნარი გაუტეხავი
იმის ნაპირებს უხდება!
ხან — ნისლი თეთრად დაფარავს,
ხან—ჯანლი შავად ქუჩღდება.
შემდეგ კი გამოიღარებს,
არე მიდამო შუქდება!

ქუძუს აწოვებს ალაზანს
გალმა-გამოღმა წვერვალნი.
წყალნი ეგრერივ მორბიან,
თითქოს თმას შლიდენ მხეველნი.
შუამთას მოწმენდილია,
დაბლა კვესავენ ელვანი.
ღვას მყუდროდ თეთრი ყაზბეგი,
თუნდ ბარად იყოს დელვანი.
კავკასიონის მთის ძირში
ღრუბლები აირევიან.
და, როგორც სიძე დანიშნულს,
გომბორსა მოეხვევიან,
გადაივლიან ალაზანს,
მზის სხივით დაიხევიან.

ზეცა ქექს, ბარი ბანს აძელვს,
ზარბაზნებს აგრილებენ.
ვიდრე იქუხებს, მეზვრენი
სეტყვას არ დაიძალებენ.

გამოიდარებს,—მზის სხივი
სველს მინდორს მოეფინება,
ნამი ციალებს მტევენებზე,
პატარძალს მოელხინება.

სჩანს ცისარტყელა ფერადი,
ღრუბლიანს, მაღალს მთაზედა.
ქალნი მოდიან წყაროზე,
სურა უდგიათ მხარზედა.
მოდინ, მოიმღერიან
მომხიბვლელს, ტურთა ხმაზედა.
ღამე ურმული მოისმის,
ორლობის შარა გზაზედა.

ქირი თუმც ბევრი უნახავს,
გულს არ გაიტეხს კახელი:
ორი მთის შუა აზრდილსა,
იქვე დარჩება სახელი.
ნანინა უთქვამს ალაზხანს,
სტუმარი უყვარს მნახველი.
დაჩაგროს ვინმემ? უმზირე,—
როგორ მოჰკიდოს ხმალს ხელი!
წარსულნი თუმცა წარვიდნენ,
აქ მათნი სულნი რჩებიან.
უწინ ნაგრძნობი სურვილნი
ხელახლად აიგზნებიან.

აწმყოა ძველთა სამაოე,
შვილნი ძეგლებად დგებიან.
ძველთა დიდებას არ ვიგდებთ,
არც წყლულნი დააძღვებიან.

ჩემი სულის სიამაყე
კახეთია, ჩემი მხარე;
მან მე ნანა მიგალობა,
მან შემეშრო ცრემლი ცხარე!
იქ ყრმა პირველ შეეხაროდი
ვარდნამბახებს ნორჩის გრძნობით;
იქვე ბულბულს მოვუსმენდი,
როს მოსთქვამდა ღამე ტრფობით.
ხშირად გომბორს მივმართავდი,
განვიცდიდი შეებას დიადს;
სერზე მდგომი, შეეხაროდი
გაზაფხულის მე განთიადს,
კაკვასიის მთის წვერლავებს
როს აღისფრად შეღებავდა,
როს თეთრს ნისლსა ალაზნისას
სხივის სვეტი უცხოდ რთავდა
და ტოროლა, ცად ასული.
ქებას გზნებით შეასხავდა—
ამ დროს ძალა ღვთაებრივი
თვით ჩემს სულში ფრთას ისხავდა,
და, რა გრძნობაც იქ მიელო,
ჰანგზე მძივად აასხავდა!
ჩემი სულის სიამაყე
კათეხია, ჩემი მხარე;
მან მე ნანა მიგალობა,

მან შემაშრო ცრემლი ცხარე.
და, როს მოგვედე, იქვე იყოს
ჩემი მიწა და სამარე!

მშვენიერს კახეთს გადავყურებ
და მის მუხნარებს,
შორს, ჩემს პირდაპირ, კავკასიონს
მზე აფერადებს;
ხან მთაში ღრუბლებს
სხივი ისრით გულს გაუხარებს.
ხან გადააფენს საღებავით
დაბასმულ ბადეს.
ალაზნის ველს-კი უკვე ფარავს
ლამის ბინდ-ბუნდი,
გრილი ნიავი თავზე დაქრის
ქალას მძინარეს;
ჩქეფს ალაზანი, მის ფართო მკერდს
არ აძევს ხუნდი,
მას, — დიდიხნიდან იკლიბაკლოდ
ტყესთან მდინარეს.

გაზაფხულობით კახეთი
სამოთხის შესადარია;
ყვავის და ყვავის, სუნს აბნევს
მალლა—მთა, დაბლა—ბარია!
შემოდგომობით ბუნება,
სხვაგან თუ უკვე მკვდარია,—
აქ ათასფერად კრელდება,
თითქოს კვლავ გაუხარია.
ქორწილი, ჟივილ-ხივილი

ამა სიტურფეს ერთეება;
მაქარი დულს და ჯადმოდის,
დღე სიამისაც თენდება.
კეკლუცნი იკაზმებიან,
გამოვლენ, კარზე დგებიან;
გამვლელ მაყრიონს ხელადით
და მწვადით ეგებებიან.

შემკული არის კახეთი
სიტურფით, მრავალფერითა:
მოვედ და დასტკბი, ერთგულო,
შეხმატკბილებულ მღერითა.
ჩაკრულოს, გრძელსა სუფრულსა
ამბობენ ყრმანი ჯერითა.
ქალწულნი ჩამოართმევენ, —
სტკბები და სტკბები სმენითა
არ იამაყოს ამ გულმა
ესდენ საყვარელ ერითა?!
დამემსხვრეს ჩანგი, თუ მუდამ
მისთვის არ იქნეს უღერითა!

დაჰკრეს საარი!
მისი ხმა წყნარი
ყურში ჩამტირის, გვამცნობს ნათდება:
გამოურკვეველს
ვეძლევი ნალველს...
— თითოც დავლიოთ, ორი გახდება!
აწ იყოს სმენა!
მოგვეცეს ლხენა!
ვიცი, კახეთი კვლავ განახლდება!

აყოს დღეგრძელი!
ერი ქართველი!
— მაშ, აბა, თითოც! ორი გახდება!
ვაშა, ღვინოს!
მოგვალხინოს!
ძალით სუსტნი აღგვადგინოს!
რა დაგვათროს,
მით გაგვართოს!
სიყვარული გულს მოგვფინოს!
ვაშა, ღვინოს!
კახურს ღვინოს!
თუ წუთიერად დარდებს ვივიწყებთ
და ღვინის ღმერთი ჩვენ გვაფრთოვანებს,
ხვალ, როგორც გუშინ, საქმეს დავიწყებთ
ზრუნვა შეიპყრობს ყრმას და მხცოვანებს,
— მაშ. აბა, თითოც ასწი,
ეგ ყანწი!
თუნდ ფეხიც გზაზე აგიბარბაცდეს;
დე, ათამაშდეს ოცნება ანცი,
და ფიქრი ჩვენი საზღვარს გადასცდეს!
მაშ, აბა, თითოც! ასწი,
ეგ ყანწი!
შემდეგ თამამად ბრძოლისკენ გასწი!

1913 წ.

ჰ ი მ ნ ი ზ ლ მ ხ ხ

I

მიწას ჩაჰკვრია თავის გულმკერდით.
იმავე მიწიდან მძლავრ ფესვებით ის აღმოზრდილა!
ვინ ამოუდგა სუსტი მას გვერდით? —
ყველა დაჯაბნა, ყველა დაჩრდილა!
ულელს გაუწევს მას მხოლოდ მსგავსი, მისივე ფანდი,
როგორც ფოლადი, ის მაგარია!
რალა გაუძლებს, თუ კი საქმეს ხელი დარია!
ხალისიანობს მხნე, მუდამ მარდი,
არა აქვს დარდი!
გამოსულია, ვით ლორი, ბოლში.
როს სამუშაოდ მინდვრად ის გადის,
ემზადებოდეს თითქოს დიდ ომში.
სახეს. ცხრაკეცად დანაოჭებულს, ჩამოსდის ოფლი:
— მიწავ! ხარ ჩემი, მაინც არ მყოფნი!!
არა ჩერდება. მზე აქერს მის ტანს!
სანამ სვეს კიდევ ერთს არ გაიტანს,
ის არ გაუშვებს ხელიდან ბარს...
კიდევ ამოჰგლეჯს ეკალს და ნარს...
ის სამუშაოს არ უშინდება!
და შესჰამს ნაწილს, როს მოშვიდება!
აუშფოთებლად სცემს, ჩეხავს კორახს.
კლერტს გადაისვრის, მიწის პარაზიტს.

გულში ღიღინებს: გაფიცებთ ოჯახს,
მიწას არ დაეთმობ, მიწას — არას გზით!
მის გასაწმენდათ და გასაჩეხად
ბევრი ვიწვალე...
ვინ შემეცილოს? დავეცე მეხად!
ქალაქს დაეურჩი: იმას ჩაქუჩი, მანქანა, ჩარხი!
მე აქ — ფიწალი!
ბარი, ნამგალი... სარწყავად არხი!
მკრელი გუთანი!
ტოლი ყევარი, ხარი მსუქანი,
რომ თავის ტყავში თითო მათგანი
ვერ ეტეოდეს! —
ულელს მიმტრევედნენ — თელას გატუსულს!
თუ იმ დროს მნახავთ გლახად ატუხულს. —
გითხრა ნამდვილი, —
თავზე დამხურეთ ქალის მანდილი!
ბიჭი არ ვიყო მე ავთანდილი!
შერცხვეს ჯაბანი,
თუ ვერ მხნეობდეს!
ლუკმას სხვას სთხოვდეს, კერას აქრობდეს!
თვით ვერ ნაგრობდეს და ვერც ღრეობდეს!
რქებს დაუკოცნი ნიშას, ნიკორას!
გავაფხვიერებ ბელტოს, იქ კორახს!...
თვალს დაუყენებ მოშურნე ზარმაცს!
ქება სთქვას ჩემი განთიადზე ტოროლას ზარმაც!

II

ჯერ კიდევ სისხამ-დილით ამდგარა,
დაუბანია წყაროზე პირი;

სამს შუბის ტარზე მზე გადმომდგარა,
მოუძებნია მას მუხის ძირი —
ჰშიან მგელივით! აქვს ხმელი პური
და შესატანად — ნიორი მწირი.
სკამს მაღიანად, დაობებულს, დიდი ხნის ხმიადს;
თითქოს მშვიერი შეექცევა შემწვარს სუკს ცვრიანს.
— ახ! ერთი კათხა წითელი ღვინო! —
მაგრამ ღვინო კი არ სჩანს ხელადით!
ვენახს ჰბარავდეს, მისი წვენი კი მას არა ჰქონდეს?!
მერე, რა შვებით, ერთის გადაკვრით,
გამშრალს ყელს იგი გაისველებდა!?
შავი გრილოს ქვეშ დაისვენებდა!
ღედის რძესავით მას შეირგებდა!
ნოყიერ საკმელს არ ინატრებდა!
მკლავი შეახმეს
მსუნაგ მევახშეს!
არ ანებებდა. იცის, იმდენი არც ერგებოდა!
ქვევრი და ქოცო ამოუწურა!
ის თავანკარა, ლალი და ქარვა
მას დაუფოლა და დაუწუნა!
მის ეშმაკობას განა ვერ მიხვდა?
ძალამ კი არა — ხათრმა გატეხა!
დავიდარაბა აღარ ასტეხა!
— ახ, ცოტა ღვინო რომ ჰქონდეს ეხლა!?
მაშინ გენახათ შავ მიწასთან ომი და შეხლა!
ხმელ პურს და ნიორს აყოლებს წყაროს...
ამბობს: არამი ნუ მომახმაროს!
ნურც მე, ნურც ჩემ მტერს,
— ნურავის! ნურც ერთს!
ოხ, ვინ მოითმენს, ნეტავი, ჩემდენს

და არ ამოფხვრის ბოროტის ჩამდენს!?
ქვეყანას ვაწვდი პურსა და ღვინოს!
ჩემის ნაშრომით ბევრი სხვა ლხინობს,
მაგრამ, ჯანდაბას!..
გავაძღობ სოფელს, ქალაქსა, დაბას!
კიდევ შევიძენ ალალ მარჯვენით! —
სამოთხეს შეეკმნით, თუ ყველანი გავისარჯენით!..
და მაინც ზრუნავს დაღამებამდე... ბარსა სცემს მიწას!
შუბლი ეკმუნის: რას ფიქრობს იმ წამს?
ოფლი ჩამოსდის... ოფლში ღიღინებს...
თვის ნამუშევარს თვალს გადაავლებს და გაიღიმებს!

III

ორ ბარის პირზე ნიადაგი გადააბრუნა.
კარგი ამინდიც ზეცამ არგუნა!
როგორც ვაჟიშვილს, დაჰხარის ვენახს.
იქ სარს ჩასჩეკავს, ხოლო აქ — მერქანს.
ღობეს ამაგრებს და მავთულს აბამს.
შეაყრის გოგირდს და შაბიამანს!
ძურწას ამოჰგლეჯს, კლერტს გადაავდებს,
ზედმეტ რქას აცლის, ვაზს არას ავნებს,
თუ არას არგებს!..
მორჩება ვენახს. სამკალში მიდის და ერჩის გულიც!
ნამგალი ელავს. მარდათ ჰკრავს ულოს;
ძნას ძნაზე აწყობს და ათეულიც
ჰსურს საღამომდე ცხრა შეასრულოს!
შუბლზე წაუკრავს საგრილობელი.
ტრიალებს, წელში არ იმართება:
როს გახურდება ჯანის მფლობელი,

მხოლოდ მაშინ თუ დაიკვალთება.

ძმრიან წყალს დაჰლევს! ძმარში პურს ჩაჰყრის
და, სადმე ჯაგთან, ერთს წუთს მუხლს ჩაჰხრის!

IV

თავის სიცოცხლეს ცისქვეშ ატარებს...

რაც თავათ არის, ისე დაზრდის შვილებს პატარებს.

ხან თუ სწევას სიცხე, ხან — ყინვა აზრობს;

მის რკინის მკლავებს ვერა-რა ავნებს,

სად შეათარებს?

ყველას იგერებს, ყველაფერს ასწრობს!

ყველაც მას ებრძვის თვით ბუნებაში,

რომელ ერთს მოვთვლი?..

გვალვა, სიცივე, თავგი, კალია;

და, თუ გაცივდა სადმე ნაოფლი, —

იმის ოჯახში ცოდო-ბრაღია!.

ასში ხუთია გლეხის გარეშე,

ამ სოფლის ფართე არემარეში!

როს მიაბიჯებს, თვითვე გრძნობს ძალას!

აზრობს და ფრთხილობს, ერიდება სხვის ხათაბაღას!

იტყვის, — და სიტყვას აღარ გარდასთქვამს!-

დასახულ მიზანს ჯერ გულში ჰმარხავს.

იგი მტკიცეა, ოდეს იზრახავს.

ბევრი უნახავს და განუცდია, კიდევ ბევრს ნახავს!

დღეს დააღამებს, ღამეს გაათევს.

არვის წაართმევს, თუ არ წაართვეს.

მიღის და. — მის წინ თავს ჰხრის ბალახი;

უცხო არ არის მისთვის ტალახი,

და ფენის გულებს უკოცნის მიწა!

მათხოვრად ხელში არვის შეჰყურებს:
თვისი საკვები მარჯვენამ მისცა!
შრომა და ჯაფა მისი ხვედრია!
უსამართლოსთან მუდამ მკვეთრია!
მას არ დაზოგავს და შეაგინებს.
ის შეინძრევა გოლიათივით, ამოიგმინებს.
და თუ გამწარდა, გაანადგურებს
ტაძრებს, სადგურებს,
განცხრომის ბინებს,
დალეწავს სკიპტრას და ციხის რკინებს!
რა შეაშინებს?!
და რასაც ერთ დროს თვით ამაგრებდა
და არ ანგრევდა —
მტვრად გარდააქცევს,
რა შეიმაგრებს,
თუ ასწყვეტს აფრებს?!
მაგრამ მას უყვარს ცხოვრება მშვიდი.
რომ ააშენოს და გასდოს ხილი!
— გლენხისა გქონდეთ კრძალვა და რიდი!

V

მას, თავისუფალს, სძულს მუქთა-ხორა.
თვით პირუტყვიც კი მან თავისთან ათანასწორა!
თავის მსგავსს რისთვის დაეჩაგვრინოს?
მოკვდეს ვაჟკაცი, იყოს ცვედანი,
თავისი ოფლი თუ სხვას შეარგოს,
ან შეარჩინოს,
თუ არ ცხვირიდან წამოადინოს!
მიწა!! კვლავ მიწა საასპარეზოდ!

ყველას ეყოფა სახნავად, ეზოდ!
აი, ეს ბურთი და მოედანი!
მოკვდეს ვაჟკაცი! იყოს ცვედანი,
ვინც ვის ჩამორჩეს, დაეჩაგვრინოს!!
როგორც ფუტკარი, ნაყოფს აგროვებს;
იოჯება, ითმენს, მტერსაც აღროვებს,
შურსაც იძიებს და მოიგლოვებს.
ის მუდამ არის, როგორც მცენარე:
მას მზე წარმოშობს, რომ აღარც იყოს!
გლები. პატრონი შავი მიწისა,
მიწამ მიიღოს და მიწამ რიყოს,
და გაუთხაროს მანვე სამარე.
ერთხელ დაჯდება,
როცა მაქრდება,
და ლურჯ სუფრაზე გააძლობს მშიერს;
ჯამს წამოავლებს დაკოჟრილს ხელებს,
და აღღებრძელებს:
ცის ნამს და ველებს,
ხარის ქედს ძლიერს,
მიწის მოსაველს, კაცის მარჯვენას,
გლების ქომავსა და მის დამცველებს!

VI

არ მოისვენებს გარუელული, მზეში დამწვარი.
შრომობს — ღიღინებს; დარდი აქვს და—მაინც ღიღინებს.
სარჩო მოზიდა; ბედნიერი სხვა ვინლა არი?
დღეს მხაირულობს. იღიმება, კვლავ გაიღიმებს!
რამდენს ღმერთს ძეგლი აუშენა და დაუმშვენა?!
ყოფილა უღვთო, კვლავ წარმართი და ქრისტიანი.

თავის შექმნილი დაუმხია, — არ ჩივის ზიანს —
დღეს მხიარულობს, ილიმება, კვლავ გაილიმებს!
ბუნების შვილი ისევ შერჩა ბუნების წიაღს!

სდგას ნიადაგზე! —

ის ხომ ყველას ნიადაგია!

ქალაქში ჰგზავნის თავის შვილებს ქარხნის დაზგაზე.

მათ ასობიანებს, ვინც კი ქვეყნად მეტი ბარგია!

ამღერებს ჩანგზე რჩეულ მგოსნებს გარდღუვალ ჰანგზე!

ჰქმნის დიდს ეპოქებს, მთავარსარდლებს, სრა სასახლეებს.

შენიც მისია და თავისიც! ყველას ხელს ახლებს,

სულ თვისკენ მიაქვს, რაც ამ ქვეყნად მოუტანია!

და, თუ ჩასთვლიმა, თავის თავსა კვლავ განაახლებს!

მაგარს ხერხემალს და ზურგს რა არ გარდღუტანია?!

1924 წ.

ღ ვ ი ნ ო

ღვინო მოალხენს

ბატონს, მოახლეს.

სუფრას ამშვენებს,

გულს ახალისებს;

ყველას თავისებს

სიზმარს აჩვენებს,

დაღლილს ასვენებს...

ვინც ყანწს აივსებს

ალავერდს მივა. —

სიტყვას აისრებს...

ზამთარიც იყოს, აღარ შესცივა.

ლალისფერია, თუ ქარვის ფერი,

კახურსა ღვინოს მე ვსვამ და ვმღერო...

და ჩემის ეშხით სხვასაც კი ვათრობ,
ლხინსა ვალვივებ, მწარე დარდს ვაქრობ!

ნადიმზე შენ ხარ!.. ქორწილში შენ ხარ!
ვერ გაიხარებს გულს მეგობარი!
ქირსა თუ ლხინში — ყოველგან მძლე ხარ!..
მიცვალეებულზე შესანდობარი!
ვინც დაგეძალა
და გამოგცალა, —
ზოგი გაგიჟდა, ზოგიც მშვიდია!
ვინც შენ დაგცინა,
სხვა ვერ აცილა,
ის ფეხქვეშ იქვე ამოგიდვია!..

ჩემს მამაპაპას დიდი სალხინო
მოუგონია, — კახური ღვინო!
და რამდენ წვეთსაც გადახუნავდნენ,
იმდენ მოსისხლე მტერსა მუსრავდნენ...
ომის წინ სვამდნენ... ჰკრეს... ავალაღეს!
მათი შეწევნით ვმღერით ვარაღეს.

ენაწყლიანო და გრძნობიერო,
შენ, ლალისფერო, გულისხმიერო!
სტუმარ-მასპინძლის გამხარებელო,
სწორმეგობრების შემომკრებელო!
გაჰკარ კიანურს... სთქვი მესტვირული,
ჩქარა, დუდუკი!.. მოვა სვირული,
ყიფიანისა... ატენის ღვინო!
ვიდრე არ შევსვა, არ დავიძინო!
ვიშ, ბროლის ჭიქებს და შემდეგ ყანწებს!..

ყოჩად! ვინც ჯიხვის სავსე რქას ასწევს!
მოდის შემწვარი... ისმის ნაური...
გადმოდგეს ტაფა და ინდაური!
შემდეგ მოჰყვება თხილი და ნუში!
თან სადღეგრძელო... ჰე, აბა, ტუში!
ცხელ-ცხელი მწვადი... ცეკვა, თამაში!
კმარა! საზანდარს მიეც შაბაში!
ლოთი ვარ მაგრამ მათზე ფხიზელი,
ვსვამ დარდისაგან და შორს ვიმზერი.
თუ გსურს, შენც დასთვერ, რომ წუთი-სოფლად*
არ იყო მარტო, საბრალო, ობლად!
ღვინო და ნინო!
თარი, თამარი...
სუფრული მადა...
კარგი თამადა,
რომ ტოლუმბაში
შეაბას სმაში. —
იმერ-ამიერ,
მრავალჟამიერ!
ჩვენ გავატენოთ, სხვამ დაიძინოს!
ვაშა და ტუში ყურძნის წვენს ღვინოს!

1915 წ.

კახეთის დედოფალი

ძღვნად ჩემს მაროს.

ყვითელ ბალში შემოსულა
სახე-მწიფე, კაბა ქრელი;
მის გულმკერდზე ორს ნაზ მტევანს
უჩინარი ეტრფის ხელი;
ვნებისაგან იქანცება...

დნება... კრთება ეშხით მწველი,
ცხოველ სიტკბოს არ იშურებს,
დაუხლართავს ყველგან ქსელი,
შიგ ებმები, უერთდები,
მასთან ხარ და მასვე ელი,
გელიმება, ჯელხინება...
სულს გიბრუნებს სუნთქვა ნელი.

ერთხელ, როცა მზე მინელდა,
სხივს გათბობა გაუძნელდა,
ხეს ფურცელი დაუსველდა,
მთას მოედო თეთრი ელდა; —
თვალწარბიანს, ქრელკაბიანს
ხილის კოშკი აუშენეს,
ყურძნის სვეტი აუკინძეს,
ესრე ტახტი დაუმშვენეს.
აკიდო და კუნწულები
გარეშემო დაუკიდეს,
შარბათის და ნექტრის წყარო
ამჩქეფარეს ყოველ კიდეს.
— დღეს თუ არა, ხვალ უთუოდ
სიძე უნდა აქ მოვიდეს.

დედოფალი ილიმება,
ბროწეულის ბაგეს აპობს,
ვაშლის ლოყებს დაჰკრავს ვნება,
„ახ, ვინ მომწყვეტს“ გულში ამბობს,
საფერავის ბნელ თვლებში
ამხედრებას ეინი ლამობს.
ლალისფერა, ქარვისფერა

სდულს და ქვევრებს ეძალება,
ჩენი გონჯა, თხის-წვერება,
ალარავის ეკრძალება —

გაღელილი, დაკვალთული,
დედოფლის წინ დაბარბაცებს,
ხან ერთს გოგოს მოუჯდება,
ხან მეორეს ხელსა სტაცებს,
მას ტიკჭორა ხელით დააქვს:
დილიდანვე გადაუკრავს:
— სიძე ბატონს მოელიან,
საზანდარი მწყობრად უკრავს!

მტვრიან თაროს ყანწებს ჰხსნიან,
ძველს მარანში ქვევრებს ჰხდიან.
ხარი დაკლეს, თხა წააკლეს.
სხვა ზვარაკსაც სულსა ხდიან.
ზოგნი ცეცხლსა აჩაღებენ,
ზოგნი ლურჯა სუფრას ჰშლიან.
ზოგმა მწვადებს მოუმარჯვა,
ზოგნი თონეს ამოხდიან.
— შუადლისას საზეიმო
დღესასწაულს გარდიხდიან.

დედოფალი დანიშნულა,
რჩეულს სიძეს მოელიან.
ქალსა გრძნობა-მოქარბებულს
ჰსურს აშლა და ჰსურს თამაში.
შესამოსი განიძარცვა:
სამკაული და მარმაში.
გონჯა მასთან დავლურს ცეკვავს,

დიპლომატომ დაჰკრა ტა'ში.
— სიძევ, მოდი! ნუ აყოვნებ!
ააჩქარე შენი რაში!
სურნელება გარს არტყია,
იბანავა ვარდის ნამში!

დედოფალი ოდნავ შეკრთა:
ეს განცხრომა რას უქადის?
გაზაფხულის ყრმა დასტოვა,
ის აღარ სჩანს, მარტო დადის.
ის ხომ მისი სატრფო იყო,
ყვავილებში აშიყობდა.
მზიან თვალებს უკოცნიდა,
მასთან ტრფობას ამაცობდა.
დღეს კი... სხვაზედ... უცხო ყრმაზე
დაუპირეს გათხოვება...
მზექაბუკის სხივის ბაჯეს
ეკონება — ეთხოვება!

მაყრიონი კარზე მოდგა,
ღვინით, მწვადით მიეგებნენ;
დედოფალმა იცნო სიძე
და ამბორით გადაებნენ!
ყვითელ-წითელ ხალიჩაზე
ლხინსა ლხინად შეირგებდნენ!
გრძლად სუფრული შემოსძახეს,
სხვას სიმღერას არ აცლიან.
თვით თამადა ჭირვეულობს —
აირჩიეს, — ველარ სცვლიან;
აქეთ მთვრალი, იქით მთვრალი,

ყახწებს გახზე გადისვრიან,
შემდეგ მაინც წითელ ღვინოს
გაქონილი ჯამით სცლიან.

განთიადი მონარნარდა.
მთები წითლად აიბურა.
ალაზანზე ნისლი გაწვა.
ცივი ცვარი მოაპკურა.
გრილმა სიომ მალლა მთიდან
ზეიმისკენ მოაშურა.
ზოჯს მაყრიონს მიეძინა
და ზოგს თვალი მიელულა.
ზოგნი ისევ ქეიფობენ,
მორიგეობს ღვინით კულა.
კიანურზე საარს სწვავენ.
ხმაზე ყველა მინაბულა.
განთიადის ხოტბა ისმის
და ოცნება შორს წასულა.
მხოლოდ გონჯა მხიარული
იქვე ხესთან ატუზულა.
მოწყვეტილა საცოდავად.
მძიმე ტანჯვით დათუთქულა.

გულმოკლული მარტო სტირის.
გამწარებულს კენესა ჰხდება.
შეუმჩნევლად სწუხს საბრალო,
მის ცრემლთაგან გუბე სდგება.
და რად სტირის? რა ალონებს?
ვის ემდურის? ან ვის სძრახავს?
საიდუმლო ერთმა იცის.

საიდუმლოდ შეინახავს.
მას სიცილი დაეკარგა,
ლხენის კოკობს ველარ ჰნახავს.
მისი სტვირი შემოდგომის
უცნობ სევდას გამოსახავს!

1914 წ.

თუშაია

აუტირელი თვალები
ენახე მე თუშის ქალისა;
მოეკლათ მთაში მიჯნური,
მსხვერპლი ვერაგის ძალისა,
გულში რას გრძნობდა ასული,
უხილავია თვალისა,
მე იმის გრძნობას ვერ მივსწვდი:
ცოდოსია თუ ბრალისა!

როს მკვდარი ნახა სუდარით,
ბაგე მოკუმა მღიმარი;
წარბები ოდნავ შეიკრა,
სახე გაცივდა მცინარი.
ღედასაც უთხრა: „ნუ სტირი,
„ვერ გააღვიძო მძინარი;
„ამისი მკვლელი აქ მოვა,
„მევე გავიგო ვინ არი!

ქალი არ იტყობს წუხილსა,
მშვენობს მნათობის სახითა;
ცხვარს რომ გარეკანს საძოვრად!

გზით ივლის დასანახითა:
წყაროსთან ახლო დაჯდება
მალლით ნადენტან ფახითა;
მას უნდა მკვლელი იპოვოს
სხვა გეზით, სხვა-გვარ მახითა!

იგი, ვით იდუმალება,
მთვარიან ლამეს იარებს;
მიჯნურის საფლავს ჩაუვლის,
გულში კი ჰფარავს იარებს.
ყრმა მის წინაშე წარდგება,
თვალი ცეცხლივით პრიალებს.
ეტყვის: „ქალაი, მიყვარხარ,
ტრფობა მწვაავს, გულსაც მიალებს!“
„შენ რომ არ ნადვლობ მის სიკვდილს,
მე ამან გამახალისა:
უწინ შენ ჩემთვის ყრუ იყავ,
როგორც კლდე მაღალ სალისა.
მე მოძმის სისხლი დავღვარე,
შემინდე ცოდო მთვრალისა;
ხმალმა გადასჭრა მთის ძირში
ან მე ერთგული, ან ისა!“

ქალმა შეხედა და იცნო თუშის ძმად ჯანაფიცარი.
მივიდა ახლოს ალერსით,
უთხრა: „ჩემი ხარ, გიცანი!“
მსწრაფლ ამოაძრო ხანჯალი, გაუპო გულის ფიცარი.
— დედავ! ეხლა კი ვიტროთ,
მკვლელს მიუტევე: ვინც არი!

ერთი კოცნა და გავშორდეთ!

...და არ ვიცი, ვერც გავიგებ
ის თანახმა თუ არი!
თუმც ბევრს ცელქობს, არ კი უთქვამს
არც ჰო და არც უარი!
მხოლოდ ოდეს გვერდს ჩამივლის
კეკლუცად და რხევითა, —
ამ დროს, ნეტა. რას მანიშნებს
მსუბუქ ხელის ქნევითა?
თვისთან მიწვევს. თუ მიცილებს,
არის გაუგებარი!
— ცელქო ქალო! ამდამ მოდი!
ნიშნას მოგცემ სანათით!
თუ არ დაჰყოფ ჩემთან მარად,
დარჩი ერთის საათით!
ერთი კოცნა და გავშორდეთ!
სხვას რას მოსთხოვ სიხარულს?
მართალი ხარ. ვერსად ვპოვებ
სამუდამო სიყვარულს.
დღეს ვართ, ხვალე არ ვიქნებით
გაგვეთხრება საფლავი!
დღეს აღერსი. ხვალ ქვითინი

მწარე და გულსაკლავი!
მაშ. მო, ამლამ, ცელქო ქალო!
ნიშანს მოგცემ სანათით!
წახვალ, იქნებ ველარც გნახო!
მოდის ერთის საათით!

1913 წ.

ღ ი ა

გაზაფხულზე ჩემი დია,
ვიდრე სხვა დროს, დიადია.
ყვავილებით მოკაზმულსა
ფერხით ფლოსტი გაუხდია;
უალერსებს ჩემს ძველს წყლულსა,
სანატრელი კობტა. დია!
ჩემთან მოდის ბინდის უამსა,
მირაკუნებს ჩუმად კარსა!
გალობს უცხო საგალობელს,
რაც ყრმას ჯერ არ განმიცდია.
ნექტარს მასმევს დამათრობელს.
სანატრელი. ჩემი დია!

ჩემკენ დახარა მან ერთხელ თავი,
გაშლილ თმის ტალღამ ორივე დაგვეფარა:
წელზე მოვხვიე ძლიერი მკლავი.
ზღვის ქაფი ეგრე არ არის ნაზი;
არც გარს ეხვევა ხეს უსურვაზი,
როგორც ის ვნებით შემომეხვია
კელქი თამამი. ქალწული დია.

ჩემს ოთახში წყნარად სძინავს,
ზედ ლეჩაჭი ხურავს მუქი;
მოქნილ ტანის სიშიშვლისგან
იფინება ირგვლივ შუქი;
გადავწიე მის თხელ საბურს,
მძინარს თვალი გავუსწორე;
გაქლვიდა. გამილიმა
და უსიტყვოდ ვეამბორე:
ცხოვრებაა ჩემი დია,
სოფლის ეშხი, სოფლის ვნება;
ზეციური სხვას დაუთმო,
თვით არჩია მიწის შვება.
თუ დაუწყე საუბარი,
რომ არსებობს სხვა ჩვენს გარე,
იგი ცეკვავს უდარდელად:
და იცინის მონარნარე.
მიტომ მიყვარს ჩემი დია,
ვით ოცნება, სხმული ხორცად.
ორ არსებას შევითვისებ,
როცა ვდგები მის წინ ლოცვად!
აღარ ვიცი ამ ორს შორის
აწ ვინ უფრო დიადია?!
უხილავი ჩემი ლტოლვა,
თუ ხილული, ნორჩი დია?!

ერთხელ ეტლით შორს წავედით:
გვიმართავდნენ დღესასწაულს;
რა ვიცოდი, იზრახავდნენ
ბოროტსა და ბნელს სასწაულს?
ღვინის ნაცვლად მისცეს შხამი.

მაზე უგეს ჯადობნელი.
შინ დაებრუნდით, დიამ მითხრა:
ეძიეო ჩემი მკვლეელი.

ახ, გზაში რარიგ იტანჯებოდა.
„მიშველე რამე“! მეხვეწებოდა!
ვერას ვშველოდი, გული მწყდებოდა;
მკლავზე მწოლარეს სული ხდებოდა.
ნაზის ხელებით მკერდს მეკვრებოდა.
ტურფას არ ჰსურდა გამშორებოდა.
ო, დიავ! გუშინ მისთვის ხარობდი.
რომ ხვალ მზე აღარ გაგთენებოდა?
მან მითხრა: ამას მე წინად ვგრძნობდი ::
მას ჩემი ბედი შეშურდებოდა.

სტჟვა და კიდეც მოსწყდა სოფელს,
დღეს ვატარებ მისთვის შავებს;
მიწად მყოფი თვის მეტოქეს
ველარაფერს დაუშავებს!
მოუსვენრად ვტეხავ ღამეს,
დილით ვდგები გულით მკვდარი;
თვალით ვეძებ ჩემს გოგონას
და ამაოდ. აღარ არი!
მარტოდ მყოფი გულში ვტირი,
არას აჩენს გარედ სახე,
მსურს გავიგო, თუ ვინ უმტრო,
ვინ დაუგო მიჯნურს მახე!
ერთხელ დილით ბარათს ვიღებ,
მით დამატყდა მე თავზარი:
ვსცან, ყოფილა დიას მკვლეელი
ქალი. მისივ მეგობარი!

1912 წ.

მოღალატე ლეილა

მხარზე სურა შემოიდგი
და გამოჰყე წყალზე დობილს:
იქ თეთრ ქვესთან მინახულებ
სიყვარულით ლახვარ-სობილს.
მზის ჩასვლისას მოცქრიალდი:
დარჩი მთვარის ამოსვლამდე.
გულს ლოდინით ნუ გადმილევ-
თუ გსურს შარბათს შენთან ვსევამდე!
შემოიდგი მხარზე სურა
და გამოჰყე წყალზე დობილს!
თორემ ტანჯვა გადამიტანს
სიყვარულით ლახვარ სობილს!

აგერ, სერზე გადმომდგარა
და დობილთან მოდის მღერით;
დაპირება აასრულა —
შემომცინა გულმა ჟღერით!
შიშველ ფეხზე ფლოსტი ეცვა
ანასხამი ფერად მძივზე;
ბროლის ყელი მოედერა
უფრო ტურფა ნათელ სხივზე!
მას დობილი ჩამოშორდა...
ჩემკენ მოდის იგი მღერით;
სურა დადგა — ჩემთან დაჯდა
— გული გვიცემს ორთავ ჟღერით!

შეუმჩნევლად უკვე მთვარე
ტყის წვერიდან ამოცურდა.
ჩვენ თეთრ ქვასთან კვლავ ვისხედით,
განშორება აღარ გვსურდა.
ყვავილებში თავი მივდეთ
და განცხრომით ვნეტარებდით!
მე. მიჯნური და ბულბული
სამნი ერთ დროს ვატარებდით!
შორს დობილი იძახოდა:
უკვე მთვარე ამოცურდა!
ყურადღებას არ ვაქცევდით.
განშორება აღარ გვსურდა.

და მიწყნარდა ყველაფერი.
მხოლოდ წყარო თვის ხმას ადგა.
ერთი ვინმე ყრმა უცნობი
უცბად თავზე წამოჯვადგა.
და ხანჯალმა გაიელვა...
წამოიქრა ქალი მნათი:
შევეუძახე: რად ჰკლავ? ვინ ხარ?
ვინ მოგგზავნა მუხანათი!
„მან ჩემ ფიცსა უღალატა!“
სთქვა და ბუჩქებს მიეფარა.
ქალს სიკვდილი შავს თვალებზე
ლურჯის ფრთებით მიეპარა!
და მის შემდეგ. როცა მთვარე
იკრიცება ბამბის მკლავად,
იმ თეთრ ქვასთან ვიღაც სტირის
ხმა-გაბზით და გულსაკლავად.

1914 წ.

მ ა ჯ ლ ა ჯ უ ნ ა

კოშმარი.

ჰეი, ვინ ხარ?

ამ ბნელ ღამეს აგრევია გზა და კვალი!

რად სისინებ? მემუქრები?

რა მიმიძღვის შენთან ბრალი?

ვაგლახ! რატომ არ თენდება?

რად არ ყივის ან მამალი?

საათიც კი აღარ რეკავს,

სანთელს უკრთის შუქი მკრთალი!

— კარს ნუ მიმტვრევ!

ვერ მიგიღებ: კაცი იყო, თუნდა ქალი!

მაშ გაბრუნდი ისევ უკან

და პატივი შენს თავს იდე!

...სულო ჩემო! სულო ჩემო!

აღსდექ, სევდას განერიდე!

ბნელში ვზივარ! შიში მიპყრობს!

გულს თრთის და მიკანკალებს.

ვიღაც მიმზერს გაშტერებით,

აბრიალებს ცეცხლის თვალეხს.

ჯადოა თუ მაინე სული?

ეურჩება ძალთა-ძალებს?

ძვლებს თითებს ჩემკენ იშვერს.
რად ილესავს ეგრე ბრკყალებს?
ჰეი, ვინ ხარ? რა გასურს ჩემგან?
ცივი მზერა რას მავალებს?
რად მომისპე მყუდრ.აება?
ნუთუ უნდა მსხვერპლად მთვლიდე?
...სულო ჩემო! სულო ჩემო:
აღსდექ! სევდას განერიდე!
თვალს დავხუჭავ, აღარ გიმზერ:
პირქვე ლოგინს დავემხოზი.
გულით წყევა ამომხდება,
შევიქმნები შენი მგომბი!
და თუ ჩემებრ დევნილი ხარ,
ვფიცავ სიყრმეს — მოგენდობი.
თუ ამ ჩანგმა მოგიწვია
და დასტოვე მისთვის კიდე,
აჰა, იგი დავამსხვრიე,
ვერ გამოსცეს მან ხმა კიდე!
წადი! ან გზა მე დამითმე!
მსურს მარტოკა ლამე ვლიდე!
ყინვის სუნთქვით რად შემხუთე!
ო, ნუ მარჩობ. ამხსენ რიდე.
...სულო ჩემო! სულო ჩემო!
აღსდექ! სევდას განერიდე!

თან წაიღე ოქრო-ვერცხლი,
ოლონდ დამხსენ მაგ ზღვა ნაღველს.
რაც ოცნებით შემიქმნია.
მასაც გიძღვნი სასტიკ მსახვრელს...
თუ რამ გითხარ მკვეთრი სიტყვა:

შემინდე მე ამაყ მძრახველს!
არ მიდიხარ? მაშ რა გინდა?
მითხარ, მითხარ რას მთხოვ კიდე?
...სულო ჩემო! სულო ჩემო!
აღსდექ! სევდას განერიდე!

1912 წ.

პაკლაჟურა და მლთერო

ბანჯგვლიანის ცხენის ფეხით
პაკლაჟურა მობაჯბაჯებს;
კისერი აქვს მხრების სისქე,
ქშინავს, ძლივს სდგამს მსუქან ლაჯებს.
სქლად ბალანი ტანს უფარავს.
სადღაც ხილი მოუპარავს.
აბრიალებს კატის თვალებს.
ხელს გადახვევს ვნებით მთვრალებს,
ათამაშებს ტყეში ქალებს.
სალამურსაც თვითონ უკრავს.
ერთს ლეჩაქი დაუბია,
ეხლა წელზე შემოუკრავს.
ორი დღეა დაჭეიფობს,
მაგრამ მაინც არ ამთქნარებს.
ნდობით ტუჩებს აცმაცუნებს.
მწვეტი წვერით დაცანცარებს.
ერთხელ ნახულს დაიწუნებს,
სხვა მეორეს შეაცთუნებს. /
ვერა ჰნახავ მას კმაყოფილს,
ან მოკაზმულს. ან შემკობილს!
ეხლაც დადის და ვის ეძებს?

ვის შეუკრავს სავალ გეზებს?
კანრისხდეს თუ მოეფეროს?
ტირიფის ქვეშ ელოდება:
ტყის მიონას — ქალს ელთეროს!
მდინარესთან მიახლოვდა,
სუნთქვით მკერდი აუჩქროლდა.
იქ მას დაჰხედნენ სულ სხვა რძლები.
გაუცინეს, დაედევნენ;
„მაგარია შენი ძვლები“...
და თავთავის მხარეს სწევდნენ.

გულ-მკერდი აქვს ჰაპლაცურას
მკრელი. როგორც ცულის პირი;
ზოგს ეჯახა. შეაშინა,
ზოგიც გასხლტა ანატირი.
ძალით მაინც მას აკოცეს.
ტინის გზნებით გააოცეს.
ტყის ბანჯგვლიანს სულ სხვა უნდა,
მრავალიც რომ გადმტეროს;
თუ კი ნატვრა აუსრულდა
და შემოხვდა ცელქს ელთეროს,
ხელს შეუკრავს მისივ თმებით;
შეაყვარებს თავსა ვნებით!
და შეასწრო უცბად თვალი:
წყაროს პირად იჯდა ქალი
და მის გვრდით სხვა ტყის კაცი
რქებიანი, როგორც ვაცი.
ფეხაკრეფით მიეპარა
და მეტოქეს უთხრა წყნარათ:
„ანუ დასთმე შენის ნებით,

ანუ ეხლავ გამიმკლავდი!“

დაეტაკნენ ორნი რქებით!

შენისთანას ტყვედ შევკრავდი!

--- შენისთანას ერთს წუთს ვკლავდი!

პაპლაცურა დაეჯახა,

მკერდი ჰკრა და მოგვერდული;

წუთში მტერი დაბლა დასცა,

რქით ნაწლეებ გაფათრული.

მსხვერპლს დაჰხედა მფეთქავ გულზე

და ელთეროს ხელი სტაცა;

შემოისვა მაგარს ზურგზე,

მუხის ტყისკენ ჯაიტაცა!

პაპლაცურა ტლინკავს სტვირზე,

ელთეროსაც ათამაშებს;

მაჯლაჯუნა დოლის ნაცვლად

ხელებს ურტყამს მსუქანს ფაშეებს.

ჯმუნს ბაბაჯუნს ასლოკინებს

და ჩამოსდის დორბლი ლაშებს.

ვილაც მკვეთრად წივის, კივის

პით ამხნეებს ქაჯთა დასებს,

კუდიანი აღარ აცლით,

დადის და თან აწვდის თასებს.

ჩხინკა მეთად ქირვეულობს,

უბედობს, ხელებს ასაესაეებს.

ბაიყუნა გაიცინა, —

ნეტა იაუ რას მოასწავებს?

ის უთუოდ ვისმეს ნავსავს

და ფიალას ბოდმით ავსებს!

ერთი კინკა პირქვე ბლუნავს.

იღმანქება, პირს ასაქმებს.
პაპლაცურა ისევ ტლინკავს,
ელთეროსაც ათამაშებს;
მერამდენე ლამეს სტეხავს?
მთვარე ღრეჭით დაჰკაშკაშებს!

ერთი ფხიზლობს და არ ღრეობს.
განგებ დახტის, განგებ ანცობს;
გულში რაღაც განზრახვა აქვს
და განზრახვას არვის აცნობს.
ბაიყუშმა იქნებ იგრძნო,
ნეფიონის ლხენა არ სწამს?
და იმიტომ გაიცინა
და სიცილით ყველას ნავსავს?!
დაიქანცნენ ამდენ როკვით.
ზოგი ძილის ქადებს აცხობს;
მასპინძელიც სადღაც მიწვა...
უცნობი კი გეგმებს აწყობს.
მეორე დღეს ისევ სძინავთ,
პაპლაცურას ხელს ვინ ახლებს?
მას ელთერო გაჰპაროდა,
ლხინი ველარ განაახლეს.
და მას აქეთ ისევ ეძებს,
დაბარბაცებს კლდე და ღრეში,
ველარ შეხვდა ის ელთეროს
ვერც წყლის პირად და ვერც ტყეში!

ა გ უ ნ ა

პაოლო იაშვილს.

ზაკაბუკით, მოდის ხტუნვით,
მას ყვაველი რქებს უმშვენებს;
ხელში ტიკით, ცეკვა სრიკით
გზად მიმავალს ლხენის კოშკებს აუშენებს
ლამაზ ტანადს შეაჩერებს
და მსხვილ თვალებს ჩააშტერებს.
სვამს, იცინის, სხვასაც ალხენს.
ჩახლეჩილით შემოსძახებს!
მოაშიყეს ყველას ამხელს.
და გიჟური გატაცება!..
თავბრუს ასხავს, არა სცდება!
სალამურს რომ ტუჩებს ახლებს,
ქრიაშული გულს მოწყენილს განაახლებს.
სიცოცხლე და მისი გემო
მასში არის, მას განაგებს.
ერთს დაანგრევს აშენებულს
და მეორეს თვითვე აგებს.
მეფე არის და ხუმარა! —
აღერსია თვით მუქარა!
ლანდალები — ტყის ქალები
თავს იყრიან... ერთი ცეკვავს...

ხალ ჟიხზე ექვხით რეკავს!
დასასრული ვინ სად ნახოს?
აზღვარიც კი გადალახოს...
სოდის ხონჩა ხილით სავსე,
ღვინის ღმერთი დაბარბაცებს;
ამბობს: ჩემს სულს დაემსგავსე,
ყოვოს ხელში აიტაცებს
და ფერხულით, ხელჩართულით
ღამეს გასტეხს. დილას ავნებს;
იომილს ჩუმად შეაპარებს
ქახინჯებს და გულით მავნებს!
აგერ, ტყიდან გამოდიან
მემოსილნი ლეჩაქებით;
პათ აგუნა სალამს აძლევთ,
ახსენიებს ყველას ქებით.
ამერ ქალიც მათში არის —
აიყვარული დაუშრეტი;
ღრუბლებიდან ჩამოსულა
ბრძოლის ღმერთი, როგორც სვეტა!
ბაკი-ბუკით, მოდის ხტუნვით!
პათ აგუნა ღვინით ალხენს,
შეყვარებულს თვალს ჩაუკრავს,
მის ცელქობას გამოამხელს.
სალამური აღარ სწყდება
მღერის. სტირის. დაბარბაცებს.
ნატრულობენ: რომელ ლანდალს
შორს ბურანში გაიტაცებს!

1922 წ.

თეთრი ალი

მზით აღანძულს წითელ ტბაში
თეთრი ალი კონტად სცურავს;
როს გამოვა ქრელს ნაპირზე,
სოსანის ფერს საბურს სწურავს.
მუხის ტყიდან თბა გამოდის
სალამურის კოჭლი დაკვრით;
სხვა ქაჯებიც მას მოსდევენ
თამაშით და ბუქნის ჩაკვრით.
ოხუნჯს რქებზე ეუვანი აქვს,
იცინის და სხვას აცინებს;
ერთ ტყის გოგოს თვალს ჩაუკრავს
და მეორეს გააცილებს.
მაჯლაჯუნა იჭყიტება,
არ იღებენ სტუმრად ლხინში;
იგი ყველას ეჯავრება,
ელანდებათ ღამე ძილში.
თეთრი ალი ჩუმად არის,
არ ებმება მათ ფერხულში;
ღმერთს კოპალეს შეხვედრია,
ჩარჩენია ტრფობა გულში!

1922 წ.

უძილო ღამე

უძილობის ქრელი ქინკა
თვალზე მაზის, ვიტანჯები;
სიბნელიდან მეძახიან
ავსული და აღჭაჯები:
— გარედ გამო! გამო გარედ!
მაჯლაჯუნა ჩემს ლოგინში
დაქყეტილი შემომიძვრა;
ყინვის ოფლში აგვანკალდი,
ჩემი ტახტი მთლად შეინძრა —
ყელში მიჭერს,
მკოცნის მწარედ!
ბაიყუში კუდიანი,
თხიწვერა და ბანჯღვლიანი
ჯადო კბილებს აკაპუნებს.
ერთმა საათს ხელი სტაცა,
შედგა, აღარ აკაკუნებს.
ერთიც ქვაბში ღრეჯით ჩაძვრა,
აგორებს და არახუნებს.
ერთი სხვენზე გადამძვრალა,
კრამიტს ამტვრევს და წრეს ავლებს;
კატას ხელი წამოაველეს.
უკბინეს და შეაჩხავლეს.
ის როკაპი დაღრეჯილი

წამდაუწუმ კარებს ალებს;
თავს შემოჰყოფს, ისევ გაჰყოფს,
თანაც მესვრის ჩემსავ წალებს.
ამბობს: ადექ! გამო გარედ!
კლექიანთან! ბრუციანთან
სხვა საწოლი მოგიგვარეთ!
სხვა საცოლე მოგიყვანეთ!
ნუ იძინებ! გამო გარედ!
ჰინკა ცეკვავს, საზიზლარი,
ჰინკა იშვერს მალლა ხელებს;
არც ბურანი! არც სიზმარი!
არც მაციებს! არც მაცხელებს!
წივილ-კივილ-ჟრიამულით:
გულზე ხტიან, მკერდზე ხტიან:
საბანს მხდიან, თვალებს მთხრიან,
გაწვდილ ხელებს მომიხრიან,
ლამის სულსაც ამომხდიან!
ბარბაცებენ, თან უსვამენ ბეზარ სრიკას!
ნეტა ერთი ხელს ვტაცებდე
ჩემს თვალებში ჩამძვრალ ჰინკას!
რომ აღარ სთქვას: გამო გარედ!
ახ! ვინ მკოცნის ასე მწარედ?!

1922 წ.

ჩემში — ჩემს იქით

ვინ არაკუნებს ამ ციხის კარებს?
ან ვინ იძახის ძველ გმირთა გეარებს?
ვინ მიხმობს გარედ? ვინ მობოროტებს?
ქარი ხომ არ სტეხს ძველ მუხის ტოტებს?
— მსახურო ჩემო! არ გესმის? ადე!
ნუ თუ დაგხურეს გრძნეულის ბადე?

რჩეულმა გმირმა გზა თუ არია,
ან იქნებ უცხო მას გვირგვინს სტაცებს?
მაშ ერთხმად ეს რა გლოვა-ზარია?
ან რა აღელვებთ ჭალარა კაცებს?
იქნებ ანაზღად მტერი დაგვეცა?
ალამი ჩვენი წმინდა დაკეცა?
ჩემთან აფრინეს შიკრიკი თადე!
— მსახურო ჩემო! არ გესმის? ადე!

იქ ვილაც ამტვრევს გაცრეცილ მინებს!
ვერ გადმოუვა მოაჯრის რკინებს.
უხმე თეთრ დარაჯს! ვილაც დამცინის,
რომ მე ამ რიგად შემიპყრო შიშმა:
ჩემში იმტყუნა რაინდის ჯიშმა!
ციხის კარებთან ვილაც სდგას შავად,
სხვას არვის ენდო, ნახე შენ თავად;
— მსახურო ჩემო: არ გესმის? ადე!

უცნობი ხელი ფარდას აბრუნებს,
ქრუანტელს მივლის, გრძნობას აბრუნებს.
მსურს დავუყვირო და ხმა მიწყდება.
მსურს რაღაც ვკითხო, მსწრაფლ მავიწყდება!
— მსახურო ჩემო! არ გესმის? ადე!
ხომ არ დაგხურეს გრძნეულის ბადე?

ციხის კარებთან ჯერ არ ნახული:
შავის პირბადით სდგას დათალხული,
ჩემსკენ მოიწვდის ნაცრისფერ მკლავებს
და თან ქვითინებს, ისველებს კავებს!
ვინ არის იგი? ან რაზედ ჰგოდებს?
კიდევ ჩემს გარდა ვის ალაშფოთებს?
ჩემს ობოლ ბაღში ქარი სტეხს ტოტებს,
შავს ამბავს მოსთქვამს და მამბოროტებს!

1919 წ.

სიკვდილი სარკეში

შემომეჩრდილა თამბაქოს ბოლი!
ჩემის სახის წინ გაავლო ზოლი!
ამ დროს ოცნებამ ვერვინ მიჩვენა სხვა ჩემი ტოლი...
ჩემს გონებაში სხვადასხვა ხსოვნა მთლად ამერია.
ბოლი კი თეთრად თავს დამტრიალებს, როგორც ფერია.
მსურდა მეფიქრა ან წარსულზე, ან მომავალზე...
თვალი შეჩერდა უცნაურს რკალზე.
მალლა არ მიდის: ჩემ წინ გრძელდება...
შეიკუმშება ისევ თხელდება...
შემდეგ სიფრთხილით შემომეხვია, შემომებუნდა:
თითქოს მოველი რაღაც სასწაულს...

გრძნეულსა ვინმეს თუ რამე უნდა —
მე რა შევიტყო ბოლის ნიშნებით?
ეხ! ვიცი! მისებრ ეჭრებით, ვიშლებით!

ვფიქრობ და ფიქრი მევე მლალატობს!
სჯაჭვავს ერთსა და იმავ კალაპოტს!
ჩემ წინ სარკეში მე უნდა ვჩანდე,
სულით თუნდ არა, მას სახით ვგავდე, —
მაგრამ ჩემს ნაცვლად ბოლის რკალებში,
თეთრი სიკვდილი სდგას წინ სარკეში
და მიცქერს იგი მკვეთრად თვალებში,
ჩემებრ თამბაქოს მძიმედ აბოლებს.
ისიც ოცნებას თვის გულს აყოლებს.
შევკრთი, რა ვნახე ის ჩემი სახე,
წამოვდეგ, გული ზედ მივაჯახე.

ვგრძნობ: ჩვენ ერთმანეთს არას დავუთმობთ,
ჩემს მოფიქრებულს იგი ასრულებს:
მითხრა: შენი ვარ! მე შენს სარკეში
გარდავქმნი მუდამ ყრმებს და ასულებს!

1919 წ.

უზრძნის აკიდო

უზრძნის აკიდო მწიფე, ნარნარი
მოაქვს შავთვალას, ლამაზ პატარძალს...
გზა გასავლელი უძევს შამბნარი.
იქ ვინ დახვდება?
რა გადახდება?
გული ვნებისგან ვისი ივსება?
ქალის აკიდო, ვით სუსამბარი,
ნეტა თუ ვისგან მოისრისება?!

წინანდელს მიჯნურს იმ აკიდოსთვის
ყმაწვილი თავი, სჩანს, განეწირა,
ყურძნის აკიდო ხელთ არ ეჭირა!
ათქვირებული ლალის მტევნები,
განთიადისას ბინდის მთენები,
ლეჩაქის ქვეწე მკერდზე ესვენა;
იმის შერბევას ვერვინ გადმოსცემს:
ვერც სხვა მნახველი და ვერც ეს ენა.

ვით მონადირე კლდის სახუნდარზე
ნადირს მოელის და ნიშანს ხელავს, —
ისე ქაბუკი შამბიან გზაზე
პატარძალს ელის და გულით ღელავს...
ერთმანეთს შეხვდნენ — ხმას არ იღებენ
უსიტყვო სიტყვას გრძნობით იგებენ.
ქაბუკმა უთხრა: მომეც აკიდო,
გულთან რომ ლეჩაქს დაუფარია!..
ქალმა ღიმილით უსაყვედურა:
„მისი პატრონი ჩემი ქმარია!
„თუ შენ გიყვარდი, რატომ არ სჩანდი,
„რომ გრძნობა ჩემთვის შემოგებურა?
„ეხლა ხომ იცი, სხვას მივე ფიცია...
„მე ჩემი ბედი არ მსურს წაგვიდო!..
„მასთანვე მიმაქვს ყურძნის აკიდო, —
ძალით აკიდო შეიპყრო ხელში
და პატარძალი შერცხვა იმ რთველში!
მან დანიშნული სულ აღარ ნახა.
არც რამე სიტყვა სხვას დააბარა.
აღაზანს ამცნო, ვინც ის შელახა,
და საიდუმლოც მას მიაბარა.

1918 წ.

თეთრი რაინდი

ოქროს ბაღში ლურჯ ტბას სძინავს,
ქარი სწეწავს ვერხვის სიმებს,
შავის მოთქმით სულს ამძიმებს,
წარსულ გრძნობას ბოდმით სძირავს!
იქ ღამურა მიმოფრინავს,
უპატრონო ციხეს ნანობს;
ბუ გაჰკივის, კრულვას ამბობს,
მოხუც მეფის სული გმინავს.
იქ, იმ ტბასთან ვარდი ჰყვავის,
მას ყორანი თავს დასჩხავის.
ჰსურს დაჰფლითოს, თუმც მას ჰფიცავს!
მაგრამ ვინმე ჩაჩქანსხმული,
თეთრ რაინდათ სახელთქმული
სდგას უძილო, ხმალით იცავს!

1916 წ.

ორი მხედარი

თავადის ასულს უყვარს მსახური;
ნიშნობაც ჰქონდათ, შესვეს კახური!
ქალი ვაჟისას ბეჭედს ატარებს.
ვაჟს აღარ სძინავს, გული ნეტარებს!
სულ სხვა სასიძოს მამა იბარებს,

ქალსა მშვენიერს ის ჩაიბარებს.
ქალმა მოიხმო სატრფო რჩეული;
უთხრა: სხვა მოდის ჩემთვის წყეული!
ან იგი მოჰკალ, ან ჩემი თავი!
ჩემზე მშობლებმა ჩაიცვან შავი!
შუალამისას მტკვართან შეება
გაფითრებულსა ვაუკაცს მხედარი,
გათენებისას შინ მოასვენეს
გულგაპობილი ორი ცხედარი!

1916 წ.

ბ უ რ ა ნ ი

იმ ჩემ სიყრმის გაზაფხულზე
უცხო სევდა მაწვა გულზე...
მას ვერ ვცნობდი,
მხოლოდ ვგრძნობდი.
ვერ გამეგო, ჩუმად ცრემლებს ვისთვის ვღვრიდი?..
ვისი მქონდა კრძალვა-რიდი!
ნუთუ ვინმე შემეყვარდა, ვინმე უფრო ჩემზე დიდი?
ბაღში მარტოდ გავივლიდი...
გასართობად ჩამოცვივნულს
ყვითელს, დამჰქნარს ფოთლებს ვთვლიდი.
და იმ ფოთლებს ჩემს დრო-მოჰმულს
ნააზრს, ნაფიქრს ვამსგავსებდი,
რომლით ერთ დროს ჩემს ძველს მიჯნურს
სიხარულით აღვაგვებდი!..

მოგონება წარმიღებდა,
სულ სხვა კარებს შემიღებდა..

თვალით ჩემს სულს ჩავსწვდებოდი,
შევეკრებოდი:

მუდამ ჩემ წინ ვილაც იჯდა,
ბედისწერის ფურცელს სკრიდა.
ჩონჩხა-ხელით მწარედ მსჯიდა.

და ვუთმენდი...

და ვუსმენდი:

ცივს განაჩენს მომისჯიდა!

ის უკმეხი, გულის მტეხი, რისხვა შავად დანატეხი,
კრელს თვალს თვალში გამიყრიდა.

ვიყავ მარტოდ... წვიმა სცრიდა,

ქარი ტოტებს დაბლა ჰხრიდა;

ყვითელ ფოთლებს მოაცლიდა

და გულმკერდზე მომაყრიდა.

და იმ ფოთლებს ჩემს დრო-მოკმულს

ნააზრს, ნაფიქრს ვამსგავსებდი,

რომლით ერთ დროს ჩემს ძველს მიჯნურს

სინარულით აღვაესებდი!

...ბოლოს, ბოლოს იმ თვლემიდან

ერკვეოდა ბლანდი ფიქრი.

— ბედო ჩემო! საყვარელო!

მითხარ, მითხარ საით მიჰქრი?

მტანჯე შენი გადამკიდე,

უჩვენე კი ჩემს ნავს კიდე!

შეცდომილი დავალ სოფლად,

შავს ცხოვრების გზაზე ობლად!

ნუ გამწირავ, შემინახე,

დასასრული თუ ვერ ვნახე.

ის ყვავილი ისევ ისე

ველარას გზით შევითვისე...

მაშინ ავდექ თვით მოვსრისე —
მიტომც სიყრმის გაზაფხულზე
შავი სევდა მაწვა გულზე.
სული ჩემი ძველებურად
გულთან ერთად ცრემლებს ჰღვრიდა
და გულმკერდზე იმავ ბალში
ქარი ფოთლებს მომაყრიდა!
და იმ ფოთლებს ჩემს დრო-მოკმულს
ნააზრს, ნაფიქრს ვამსგავსებდი,
რომლით ერთ დროს ჩემს ძველ მიჯნურს
სიხარულით აღვაესებდი!

დღეს კი, ჩემო სულის ტოლო,
ზღაპარს აღარ უჩანს ბოლო!
შენ ხარ ზღაპრის დედოფალი,
გრძნობა წმინდა, ნატვრის თვალი,
მორცხვი, ნორჩი ქართლის ქალი,
რჩეული და პატარძალი,
ვის ზენარი თან სდევს ძალი!
თუმც იმ დღესაც წვიმა სცრიდა,
ქარიც ფოთლებს მომაყრიდა,
მაგრამ შენკენ ბედს მოვეყავდი!
დანიშნული შენთვის ვყავდი!
დათალხული, მგლოვიარე
მოველ. გნახე. შეგიყვარე!
და შევფიცეთ ერთავ მტკიცეთ,
საყვარელო, სულის ტოლო!
ზღაპარს აღარ უჩანს ბოლო.
და ჩემ სიყრმის გაზაფხულზე
აღარ მაწევს სევდა გულზე...

ის ფოთლებიც ისევ მსდევენ,
როგორც სულსა შენი ფიქრი...
— ბედო ჩემო, მასთან მივალ,
ბედო, მომყე, მასთან მივქრი!

1916 წ.

სად მიჰქრის მხედარი?

დაბურულ ტყე-ღრეში გრიგალი ჰქრია!
მთაბარი ზანზარებს, გრიალებს, თრთია!
მერანი მხედრისა კიხვინებს, რბის!
ოშხივარს ნესტოდგან ფრუტუნით ყრია!
მძლავრითა ჩლიქითა მიწასა სთხრის.
სად მიჰქრის მხედარი? რა უნდა, ვის?
შეჰხედეთ, კოშკია თხემზედა მთის!
იქ რძალი ზენარი სარკმელთან ზის..
გაჰყურებს მიდამოს, მწარედა სტირს!
რა ნაღველს შეჰყრია, რა სევდა სჭირს?
— მიჯნურსა მოსტაცეს, ტყვე არის ის!

1912 წ.

რანი ოღელი

ტურფა რანი შიშველ ტანით
ტყეში დადის, ტყეს ამშვენებს.
თავის სახეს მხოლოდ ერთხელ
მყუდრო ტბაში მოგვაჩვენებს.
იქ ბანაობს შუადღისას.
მთვარის შუქზე თმას ისველებს,
დილით ბივა ყვავილებთან.

დაქანცული მოისვენებს!
გულს უფარავს მას ლეჩაქი
და ომასაც ხშირად იხდის.
ზოგჯერ დალის ესტუმრება,
დაცქრიალებს, ზეიმს იხდის.
მუდამ ამჩნევს: გონჯი რუხა
უკან დასდევს, მისკენ მიხტის.
ის ნახევრად ცხენკაცია,
აბეზრებს და თავბრუს ახვევს.
ხან შეპყრობას დაუპირებს,
ტორებს ასწევს, ძუას არხევს.
კისერს მკერდზე ძოიღერებს,
ქაფიანსა ვნებას ამხელს.
როცა ტბასთან დაინახავს,
ჰსურს ქალს ეცეს, გაიტაცოს.
ბოღმა ახრჩობს ღმირს ოდელის,
ნუ თუ კიდევ დაიცადოს?
დღე და ღამე ვერ ისვენებს,
რა იზრუნოს? ან რა სცადოს?
ტყეში შეხვდა და ელვასებრ
ლახტი სტყორცნა, მოხვდა რუხას,
შეიბრძოლნენ, დაბლა დასცა
და მიაღრძო ბებერ მუხას.
 ენლაც რუხა იქ აბია
და დღე გადის რაოდენი?
ზეიმობენ უღრან ტყეში
ტურფა რანი და ოდელი!

1922 წ.

მ ი ო ნ ა

ულრან ტყის პირად ქრელ კონას ვკრავდი.
ცოცხალ ყვავილის გვირგვინებს ვწნავდი.
ბუჩქიდან ბუჩქზე გადავდიოდი
და თან ვმღეროდი, ბედს არ ვჩიოდი.
ხმა შემომესმა: შენში ვცხოვრობ, ვარ განუყრელი,
ჭირში თუ ლხინში სანეტარო და სანუკველი!
— ვინ ხარ?
— მიონა!

კვალდაკვალ მივყე, გავტეხე ნავსი.
და შემიტყუა უტეხ მუხნარში.
ირგვლივ სიჩუმე. ხეებზე ხავსი.
მეხმაურება გამოძახილით სხვა ვილაც არსი!
— მე ვარ მიონა! არ ვჩანვარ ბარში. —
შენი თვისტომი და თანაარსი!

ძილი ფრთას შლის... ირგვლივ ბნელა.
სიო სცრის და არხევს ფოთოლს;
ნაძვს ნიაფი ნანას უმღერს,
მარტო შთენილს, სულით ობოლს.
ჩუ! საბრალოდ ვილაც კენესის...
ვისი ხმაა, ან ვინ ჰგოდებს?
ცოდვებს აქ ვინ ინანიებს?
ვის რა სტანჯავს, რა აშფოთებს?

ახ! მიონა! გიციან! გიციან!
მე შენს ლოცვას მოვკარ ყური;
რად წამგლიჯე? რად მომტაცე
ორძალი და სალამური?

მიონა! მიონა! მიყვარხარ! ჩემი ხარ!
მოფრინდი! შენც ჩემებრ ტანჯვასა სჩვევიხარ!
მიონა ტყის ქალი, ოცნების შვილია!
შიშველი, სპეტაკი, დალალით შლილია!
ვისაც კი უმღერა ნანინა გრძნეული,
მას შემდეგ ტყვედ არის, ვით მონა, ძლეულის
ჩემს გარდა ასული, ვერცა ყრმა იხილავს;
მიონა მაცოცხლებს, სიკვდილით მომხიბლავს.

მუხის ტოტებში... ქარი სისინებს.
მგზავრს არ მასვენებს, მიწყვეტავს სიმებს.
ვილაც მსხვერპლს ითხოვს. გულს შუა უპობს!
და ამზადებენ ალქაჯნი კუბოს.
ვაგლახ, ვიგრძენი და ავკანკალდი!
შავს სამარესთან მარტო მე ვჩანდი!

1910 წ.

ა მ ი რ ა ნ ი

შავს ცხენზე მჯდომი, ვით ელვა მალი,
უცნობი დაჰქრის, ვერ ასწრობს თვალი!
დაჰქრის, თან დააქვს მას ცეცხლის ალი,
ხელში უჭირავს შიშველი ხმალი!
ძილს უფროთხობს ქალაქს! ძილს უფროთხობს სოფელს!
უყივის გამირულ საქმეთა მყოფელს!

უძახის თვისტოდს და განუყოფელს!
რატომ საჯაროდ არ გვეჩვენება?
ხორციელია, თუ რამ ჩვენება?
ნუ თუ არ ვიცით მისი სურვილი?
ვინ უნდა იყოს პირმობურვილი?
ჩაჩქანასხმული და შეჭურვილი?!

თურმე გულს ბოღმა ველარ ეტია...
ამირანს ჯაჭვი აუწყვეტია!
ჩვენს შორის დაჰქრის, ვით ელვა მალი,
ამოწვდილი აქვს შიშველი ხმალი!
ვის უნდა მოხვდეს? — ვაჰ! მისი ბრალი!

1914 წ.

მე ვუმღერ მხოლოდ...

ჩემში ჩემთვისვე კერპი აღვძარი,
მას აფუშენე ოქროს ტაძარი.
მას სხვა ვერც მოსწვდეს, ვერც მოეკაროს,
ვღგევარ და ვუმზერ ჩემს ვრცელ სამყაროს...
იქ მსოფლიოა: თვითონ მე ჩემი.
არაფინ მოსჩანს სხვა დანარჩენი.
თვალის შეხედვა სიკვდილსა ჰკვეთავს...
მე ვუმღერ მხოლოდ საკუთარს ჩემს თავს.

სულ ვერ მიცნეს, ოდეს მნახეს!
უცხო ადგილს უნაყოფოდ
დაეძებდნენ ნათელ სახეს.
ახლო ვიყავ, ვძულდი ყველას,
ქვა-ტალახი მომაყარეს;
როს დავშორდი, შემიყვარეს!
დღეს მე შორს ვარ!

ნულარ ჰგონებ, კვლავ მიყვარდეს...
სული ჩემი აღარაფერს არ იღარდებს.
შორეული მატკობს ზღაპრით!
ეს თვით მე ვარ უქრობ ლამპრით!

რარიგად ვკოცნი ჩემს ჯადო თვალებს,
როცა სარკიდან მომელანდება.
იმ ჟამად ვტოვებ მე ცოცხალ გვაშებს... —
ჩემს სულში მზეა, აღარ ღამდება!
წვერვალზე ბროლის კოშკი ავმართე,
ვესაუბრები საკუთარ ღანდებს;
ჩონგური ჩემი ჩემთვის მოვმართე...
თავს მოვისპობდი, რომ ვინმე მგავდეს!..
მუდამ ვარ ერთი და ვუმღერ ჩემს თავს!
ჩემი შეხედვა სიკვდილსაც ჰკვეთავს!

1911 წ.

ოქროს ზრელი არწივი

ოქროს ქრელი არწივი, შავი რკინის ფჩხალებით,
დამცხრალ მთვარის წარბებით იგი ნისკარტ-ნამგალა —
ზის კლდენადულ ციცაბზე, იწვის მსხვილი თვალებით...
ყივის... მღერის: მზისა ვარ! ყიავ! ყიავ! განგალა!

გული თეთრი ზღვის ქაფზე. ყელი სწორე, აღმართი,
წყალში ეტრფის თვის სახეს და სულშია წარმართი.
თავს გვირგვინი ადგია ძვლებისაგან ნახლართი.
მისთვის მისაწდომია საიდუმლოდ ნამართი!

უშრიალებს ოქროს ფრთა ძიებისთვის მოსულ ლოთს.
სამსხვერპლო აქვს ღრუბლებში, თავის თავზე ლოცულობს,
განუსვენეს უყივის, ვინც ქაობში დამპალა!

მზისკენ ჰაერს მიაპობს: ყრუ ხარ! ყრუ ხარ! განგალა!
რისთვის მღერის არწივი მთებში მარტო განდგომით?
— მას აქ ტოლი არავინ ჰყავს, ჰხარობს ნების აღდგომით!
ამაყი და ზვიადი შეეპყრება მგოსნის სულს
და მონის სისხლს მოუკლავს, მცნებად მისცემს: მინდა!
მსურს!

გავაფრინე არწივი შავი რკინის ფრჩხალებით;
ძველი მრწამსი დაღადრა, დასწვა ცეცხლის თვალებით.
მისი მწვეტი ნისკარტი სისხლით ჯერ არ დამბალა.
ყივის... მღერის: გარდიქმენ! ბლუ ხარ! ყრუ ხარ! განგალა!

მას არ ესმის შეზღუდვა გულის ნება-ზრახვისა;
ერთს განიცდის სიამეს, მძებნელია ახლისა!
უნდა თვითონ შეიტკბოს, არა სჯერა ნახვისა!
იგია და თვისი მე სრულყოფილის სახისა!

მას დაბლიდან სუსტები აგონებენ ზნეობას.
ენაშლილი ნავარდობს, უქმედ იდგენს მზეობას.

აფრინდება ლაქვარდში და იქ ზოტბას მიაგებს
თვით უკედავი უკედავებს, მნათობებს და ციაგებს.
მკაცრია და ჯანსალი, ფრჩხალებითაც მანგანა;
ყივის: მძულხარ! მარტო ვარ! მინდა! მინდა! განგალა!
1916 წ.

ისე არ ვიმღერ....

ისე არ ვიმღერ, ვით უწინ მღერდნენ
წინამორბედნი ჩემის დიდების;
თვალებში რჩეულს შემომამაჩერდნენ
ბრძენ მახარობელს დიდ იდეების.
მე ვარ ბოროტი და ვარ კეთილი!
ცხადი მიზანი გამოკვეთილი!

ვმღერე, ჩახლენით და ვმღერი ტკბილად,
ძძიძე ლელვის დროს და ძილის პირად.
ქალწულის გულში სიყვარულს ვთესავ
და ხან სიძულვილს გრძნობებში ვლესავ.
რომ ავძრა შფოთი, სიწყნარე მსურდეს.
ნება უდროოდ არ დაძაბუნდეს.
არ შევიბრალებ, მახინჯს სულს ავცრი.
თუნდ გადაუხმეს უმაღვე ძირიც;
შურის ძიების ღმერთი ვარ მკაცრი!
ლექსებში მგოსნებს ვასწავლი ჯირითს.
სისხლით ვწერ გლოვას! სისხლით ვწერ სიტკბოს.
და ბედიც მუდამ შარა გზას მითმობს!
ძველზე ვაშენებ სხვა კოშკის კედელს!
მისი დიდება თვალს მოსკრის კერეტელს!

1909 წ.

A L T E R E G O

როს მარტო ვრჩები, ვილაცასთან ვსაუბრობ მუდამ...
მოვა და ჩემს წინ მაგიდაზე ჯდება თამამად;
ფიქრს გამინათებს, თუ დღიურის სევდით შევსულრავ
და მღირიყორობს, როს მირჩევენ სუფრის თამადათ.
არ მსურს ბოროტი და მეგობარს იგი მაძულებს;
ვინც კი მძულს, გულში სიყვარულის სახედ მაჩვენებს.
ჩემთან აცეკვებს გარდაცვლილებს, შავად ჩაცმულებს...
ჩემს თვალებს უმღერს და დასცინის სხვა დანარჩენებს.
რა მიზეზია: მას გავუბობი, ვარ მაინც მასთან,
როგორც თერთმეტი დარცხვენილი იოსებ ძმასთან?
სხვას ჩემი ზრახვა რომ არ მსურდეს გავუზიარო,
ის შემიჯდება, შუბლზე მიწერს იეროგლიფებს;

და მას არკვევენ... მინდა აზრი დავუზიანო,
მაგრამ ჩამძახის: სთქვი, გამოტყდი! თან კოცონს მინთებს!
ოხ, მეგობრებო! ვინაობა მან ჩემი იცის,
მხოლოდ ის დარჩა ჩემში ჩემთვის შეუპყრობელი.
მუდამ ცხოვრების მაგიდასთან პირქუში მიზის:
მალმერთებელი, დამცინავი და თვითმგმობელი!

1923 წ.

LISIS POETIK

მე ჩემი სახე დავასვენე ვრცელს კაბინეტში,
სადაც აჩრდილნი ირევიან შუბლშეკრულ მგოსნის;
მაინც ვარ ერთი და ვერ ვარჩევ ჩემ თავს თვით ღმერთში,
ჩემს ნაგრძნობს ლანდებს სასოებით რამდენი ჰკოცნის!
მიკვირს ასეთი უდიდესი მე მარტო რად ვარ?
თანამედროვის ოცნებაც კი ვერ მომწვდენია!
იქნებ დაეცა სხვების მოდგმა და დიდი ვჩანვარ?
ჩემი ეპოქა იქნებ ჩემგან აღსაღენია?
ლიკანთროპიულს სნეულებით არავინ გლოვობს
და მე ეხარხარებ მხიარული, როგორც აგუნა;
დაპატარავდნენ. გულმანებთან ვეფხი არ ომობს,
თვით პოეტების ხსნაც კი ბედმა მე ერთს მარჯუნა!
დალილა ჩემო! თმებს ვერ შემკვეც, ვერც მატკენ წყლუ-
ლებს!

არც სვეტს შევანგრევე, რომ მით შემდეგ დამრჩეს სახელი;
დემარხიუსი უკან დამდევს და ჩამჩურჩულებს:
მათ არა აქვთ-რა! ისევ შენ ხარ დიდი კახელი!

1923 წ.

ო რ ე უ ლ ი

და როგორც უწინ, დღესაც ისევ სევდა მაწუხებს...
რა დარდი დამაქვს ჩემს საქეჯნად? — ვერ გამიგია!
ჩემს წინ სდგას ვილაც უჩინარი, მიკერს მარწუხებს
და მეუბნება: უნდა აქო, რაც შენ გიქია!

ვინ არის იგი? ნეტავ მითხრა, ვინ მიპასუხებს?
დიდიხნის ცხედრებს მუდამ ვმარხავ, ისევ დგებიან.
მან შეაშფოთა სხვის საფლავიც ქვადანადები;
მკვდრებიც კი ისევ გააცოცხლა... გზაში მხვდებიან...
მათ გამოიცინეს ჩემი ფიქრი გულში ნადები!

ო, ის ლანდები, ნეტა მითხრა, რად არ ჰქვებიან?

რომ მივდიოდე სასეირნოდ, უმიზნო ზრახვით,
უცხად აზრს იღებს ჩემი გრძნობა და ნაღვლიანობს;
წინ მელობება და მაკროთლებს ის თავის ნახვით.

ცა მოკიაფე იბურება და ავდრიანობს.

უკან ვბრუნდები გულჩამკვლარი, ფერმიხდილ სახით.
მივალ, სარკეში ჩავიხედავ, იქ მეცხადება!

მე ვიციანი და ის კი თითქოს მისაყვედურებს;

იქნებ დავხიე სალოცავი, მისი ხატება?

ან და გარდავეც მთლად უღირსებს და უკეთურებს?

ნეტა ვიციოდე, თუ სასჯელად რა გადამხდება?

ჩემთან სუფრაზე ყანწებს სცლიან და აზარფეშებს...

მინდა ჩავება მეგობრებში მეც გიჟურს ნავარდს;

მე მათი სიტყვა, საღვთგონლო ვერ მანუგეშებს;

ცარიელ სკამზე ჩემ წინ ჯდება, მაგონებს ვარამს...
და ვილაც ჯაფრობს ველურის ხმით, ილესავს ეშვებს.
სახლში მარტოკა ჩავიკეტავ ძილის დროს კარებს,
მინდა მივეცე მოსვენებას ქანცმილეული;
მაგრამ ფანჯარას მირაკუნებს: ამოგთხრი თვალებს!
ის საყვარელი, ის მტანჯველი, თუ გინდ წყეული
მაფრთხობს, მიძახის: აღზდექ, აღზდექ! ნუ გაკანკალებს!

ჩემს სულთან ხშირად ის მოსულა, როს მძინებია,
და ატუზულა ჩემს პირდაპირ, თვალებ წინ ახლოს;
ბურანში წასულს შიშისაგან გამღვიძებია,
ჰაინც მას ვხედავ: ხელებს იწვდის... ჰსურს მკერდს შე-
მახოს!..

ნეტა ვიცოდე, ასე სხვასაც ასდევნებია?

ჩემ წინ ცხოვრება სცენა არის, იხდება ფარდა,
გონებამ იცის, ვნახავ მრავალს სანახაობას,
მაგრამ, ვაი, რომ სხვას ვერ ვარჩევ იმ ლანდის გარდა!
ყველგან ის არის! ჩემსას ამხელს არარაობას!
თვალის ცხელ ისრებს გულში მასობს, დღე გამიმწარდა!
რა უნდა ჩემგან? რისთვის მტანჯავს ვით ბოროტ ცოდ-
ვილს?

ნუ თუ აჩრდილის რჩეული ვარ, რომ მუდამ მოდის?
სიზმრად თუ ცხადად, შინ და გარედ არ მაძლევს სავალს.
შეუბრალებლად დროს მიწამლავს, დროს გარდამავალს...
ის ორეული ნეტა სხვასაც ასდევნებია?

1917 წ.

G U L M A N N

მათ გადასჭამეს არაბეთის მიდამოები
და, როგორც მძორში ბუზის ხსნილი, ისე მრავლობენ;
დღეს მეც ფეხებში მედებიან მწირი გნომები,
როგორ დაამხონ გოლიათი, — მუდამ წვალობენ!
ჩემს უნებურად ისრისება მათგანი ზოგი.
პარაზიტებმა მოუმატეს გველის სისინიც!
კიდევ სდგებიან! მრავალია უგვანო ჯოგი!
ვინც არა სჩანდნენ, — მოესივნენ ჩემს სულს ისინიც.
ქვეშქვეშა მზერით, მოცრეხილნი, კუზიანები
გასაქურდველად ჩემს საუნჯეს ეტანებიან;
მათის შხამისგან მე ნაწრთობი ვერ ვზიანდები,
კრელს თვალს შევხედავ და ცახცახით იპარებიან.
ო, რომ ხანდახან სიბრაღული არ შემიპყრობდეს,
ხომ ჩემი სუნთქვა გადასწეავდა იმათ ბუნაგებს?!

ვითომც პოეტებს, მწირ გულმანებს, ლეშის მსუნაგებს!

1920 წ

ჩემს უმიღებ

მე მეძახოდნენ მგოსნების თავადს,
ჩემი თვალეხი სწევადნენ ზამბახებს;
როს სული ჩემი იწყებდა ნავარდს,

უცბად სტოვებდა სევდიანს ბალებს.
ნათელი გრძნობა ესწრაფებოდა
გულის თქმას უცნობს და უზენარესს,
მაგრამ უქმური ჩემ წინ დგებოდა,
ვით წინ დაუდგან კუბო მოზარეს.
და დავრჩი მარტო ჯვარედინ გზაზე,
იქ მოველოდი ჩემზე მძლეს უფრო;
ჯერ არ მოსულა... მოვა ჩემს ხმაზე,
მინდა შევესწრო და ლხინს ვესუფრო.

ჩემს შემდეგ მოვა ვრცელს მიდამოში
სიცალიერის ამოსავსებად;
ჩემებრ შეამკობს სიბრძნის სამოსი,
მძებნელს გარდაქმნის თავის მსგავსებად!
მაგრამ ის მაინც უკმაყოფილოდ
ჩაუვლის სოფელს მდუმარე განცდით;
თუნდ იავარდით გზა მოუფინოთ,
არ დაბრუნდება, ერთხელ თუ ასცდით!

ჩემს შემდეგ მოვა შავის ფიქრებით.
ტანჯის დემონი ედგება მხარში;
მის სულს ჩაჰხედავთ და გაფითრებით!
ჩემს შემდეგ მოვა სიძე-ბატონი:
თვის პატარძალსაც მოუფრენს რაში.
დიდ სასახლეში შევლენ მარტონი.

კედელზე ნახავს ჩემს ობოლ ჩონგურს,
სიმებ-დაწყვეტილს, მტვერმოკიდებულს;
ის ახალგაზრდა იცნობს იქ წარსულს
და ცრემლს დააფრქვევს გულზე მიდებულს.
სდგას მის პირდაპირ ჩემი ტაძარი.
იქ მივა... პორფირს შენ მოგაბარებს;
მას მუხლს მოუყრის, ვინც მე აღვძარი...

ლოცვას საქეჯნად შემოაპარებს.
მე იმ ლოცვაში მომელანდება
თავდავიწყება, ჩემი ბურანი;
ახ, მას კი რარიგ დაულამდება,
არც ჰყავს მერანი და არც ქურანი.
ჩემს შემდეგ მოვა! იყავით ფხიზლად!
ძველი კერპები არ აღადგინოს!
მაშინ იქნებით თქვენ ყველა სიზმრად...
ქრისტეს მონებში იღმერთებს ნინო!

1920 წ.

თუ გსურს სიცოცხლე...

თუ გსურს სიცოცხლე, — იტანჯე კიდეც!
შემოუცურდი ცხოვრების ტალღებს;
შენ თვითონ ჰპოვე და — სხვასაც მიეც!
გრძნობას ნუ ასდევ, გონების წამლებს!
ჯვარედინ გზაზე ნუ გაჩერდები,
სხვა შენზე აღრე დაწინაურდა;
ბევრის ფიქრისგან გადაშენდები,
აჰყე, სიმღერა თუ ახმაურდა!
ბევრი გზა არის ალთქმულ ქვეყნისკენ,
უსწორ-მასწორო და ეკლიანი;
და ყოველ მათგანს შავ სიკვდილისკენ
მიჰყავს მებრძოლი ადამიანი!
ვიცი, — შვილებსაც ტანჯვას გადავცემთ,
ალარ ექნებათ სავსე მარანი;
ვიდრე საერთო მტარვალს არ დავცემთ...
ეხ. ვსთქვათ მანამდის ჰარიარალი!
დარდიან გულზე ნუ მღერით მოთქმით,

ძმებო, ჯერ ხიდი არ ჩაგეტეხია!
ბევრი წასულა, რომელ ერთს მოვთვლით?
ბევრსაც კისერი აქ მოგრეხია!
გადარჩენილა ერთი ათასში,
ის აღარ ფასობს, რაც კი გვშორდება;
ვცოცხლობთ ტანჯვაში! ვიბრძვით ტანჯვაში!
რაც იყო, კიდევ განშეორდება!

1908 წ.

ხ ა ლ ხ ს

ბევრჯელ ბძოლაში გული სისხლით გაგიბანია!
რისხვა და შიში, მწუხარება აგიტანია!
სიკვდილს პირისპირ შეხვედრიხარ, შეუპოვარი.
თამამად მდგარხარ, არ ნახულხარ ჭირში მგლოვარი!
ზოგჯერ, დაკოდილს, ცრემლი სულ არ გადმოგდენია,
ზარსა და გრიგალს შენს ყრმა მკერდზე გადურბენია.
ოჰ, ნეტა იმ დროს: მოუსვენრად იმყოფებოდი,
ნაწრთობ სიცოცხლით სხვის სიცოცხლეს ეკვეთებოდი!
ძოვსულვარ შენთან! ვეწაფები შენს დარდს, სიხარულს!
არ გიქადაგებ არც მშვიდობას და არც სიყვარულს!
ცეცხლსა და მახვილს ხელში გაძლევ, სისხლში დაფერილს
იყავ სასტიკი! გზას შეუდექ ეკლით დაფენილს!
თავის განწირვის გრძნობა ერთგულთ გაგვიზიარე,
გასრისე შენი მოძულე და — გადაიარე!
ისე არ მოვკვდე არ აღვმართო დროშა ძლევისა!
ისე არ მოვკვდე, არ დასძახო ჰიმნი ზღვევისა!
განა შეჰფერის, მთის არწივი შიშით კრთებოდეს?
განა შეჰფერის, ვეფხი თვისით იმარხებოდეს?
არა! არ მინდა, მყუდროება ზეწრად გეხუროს,

შენი ცოცხალი პირისაზე სევდით გებუროს!
მიყვარხარ, ოდეს გხედავ თამამს, ჩვენს ტურფა ზენარს,
გრძნობით, სიცოცხლით დაუცხრომელს და მოუსვენარს!
შენ შემოგხარი, როს ხარ მტკიცე და სულით ურჩი!
მუდამ შენ გიმღერ, შენთვის ბრძოლას თუ გადავურჩი!

1908 წ.

ვინც მისთვის სტირის...

ვინც მისთვის სტირის, სატირელი თვითვე გამხდარა!
ჰეი, მამაცნო! ჰხედავთ, ჟამი ჩვენი დამდგარა!
რით ვერ გაიგეთ? მოგვაჩვენეს... — ის არ მომკვდარა!
აბა, შეხედეთ, ცხოვრების ეტლს ვინ მოაქროლებს?
ცოცხალის სახით, თვისი ნახვით ყველას ათრთოლებს!
მარად გვაფხიზლებს! რას გვიბრძანებს? სად შეგვაბრძო-
ლებს?

წინ ვინ გადუდგეს?! თავი რომელს მოსძულებია?!
ლამაზ დედოფალს ქორწილის დღე გასთენებია!
გზა — მის მაყრიონს! გუგუნის ხმა ველს მოსდებია!
ხვალ ბრძოლის ველზე ვაგვირგვინებთ, ვერ გაგიგია?
დასძახეთ მედგრად: თავდადება ჩვენი რიგია!
და ვადღეგრძელებთ! სიხარული მარად იგია!
მაშ, ვილა ჰგოდებს? სატირელი თვით რად გამხდარა?
ემანდ ჯაბანი დააჩუმეთ, — გლოვით წამხდარა!
რით ვერ გაიგეთ? მოგვაჩვენეს! — ის არ მომკვდარა!
ყრმანო, მამაცნო! ზეიმის დღე ჩვენი დამდგარა!

1909 წ.

ნ ა ხ ვ ა მ დ ი ს

როს მამულს ვუთხრა: „გტოვებ, მშვიდობით“!
გულმა საბრალოდ ცრემლი დაღვაროს;
სხვამ მის გარეშე, შორს გარდახვეწილს,
ვერ მცეს ნუგეში, ვერც გამახაროს!
მახსოვს, ყრმობისას დაენავარდობდი,
თავს მეფედ ვგრძნობდი გადაშლილ ველად;
ვიმეგობრდები მინდვრის ყვავილებს,
და მათ ვუმღერდი ხმასანატრელად.
დილის სხივს ნათელს და მაცოცხლებელს,
ჩემს ვერხვს რომ აღრე აძლევედა სალამს,
ნისლს გადაპენტილს მალალ ქედისას,
ვინ აღმართავედა მთებზე თეთრს ალამს
და იმ ალაზანს, სად ჩემი სახე
დანაღვლებული იხატებოდა,
იმ ტაძარს წმინდას, სად კრძალვით მსხვერპლი
წინაპართაგან იწირებოდა,
იმ არეს ფურჩვნილს და ყვავილოვანს,
სად გულის სატრფო მელიმებოდა, —
ვერ დავივიწყებ. ვიდრე ძგერს გული,
ვერც ვუთხრას ენამ: გტოვებ, მშვიდობით!
მხოლოდ: ნახვამდის, ტკბილო ქვეყანავ!
კვლავ გიგონებდე შორიდან ტრფობით!

1910 წ.

არავის ველი

სდუმს ღამე ბნელი. არავის ველი!
მიყუჩებულა ტყე, მთა და ველი.
ვზივარ მარტოკა, ცა დამცქერს ვრცელი!
არავის ველი!.. არავის ველი!..
ვისთვის მიფეთქავს გული მგზნებარე?
ფიქრი რად სდგება საფლავს მდებარე?
თითქოს ჩემს ღუმილს ბოლო ეღება,
წმინდა სამოთხის კარი მეღება.
ვინა სთქვას, იყოს იგი სიზმარი?
ჩუ!.. ვილაც მოსჩანს ნაზად მღიმიარი....
ნაცნობი სახე!... სხივთა მფრქვეველი...
მოფრინდა ჩემთან ელვა-მრხეველი...
— შენც სტირი, მზეო? თვალი გაქვს სველი?! —
გაჰქრა ოცნება... არავის ველი!

სულ სხვა აღთქმანი ჩემს გრძნობას ჰფერავს,
სხვა გვარი ჰანგი ჰაერსა ჰსერავს.
მხოლოდ, არ ვიცი, ვინ მსჯის საზარი,
ვინ ჩამორეკა მწუხარე ზარი?
მუდამ მარტო ვარ... სევდა მკლავს მწველი.
არავის ველი... არავის ველი!

ვით გაზაფხულის ნორჩი სოსანი
მზისკენ ისწრაფის მსუბუქ-ფრთოსანი,
მაგრამ ვერ ახწევს — ცრემლად იფრქვევა,

ქცნება ობოლი, ტანჯვით იღევა, ---
ისე ეს სული, ზრახვით ეღვარე,
მოუსვენარი, მუდამ მღელვარე,
ილტვის სოფლიდან, მიეჩქარება,
ხან ზღვას, ხან გრიგალს დაედარება.
ჰსურს იდუმალსა ფარდა აჰხადოს,
ჰსურს წმინდა ლოცვით მზეს შეჰკლადოს, ---
ამ დროს დალილი უკუ ვარდება,
იმედი ტკბილი მსწრაფად ქარდება.
კენესა მომესმის უკანასკნელი:
არავის ველი... არავის ველი!

განა თუ ცრემლს ვღვრი? იგი დამშრალა!
ვიცი, ჰნეტარებს სატრფო შევთვალა!
მხედავს განდევნილს, ის არ მწუხარებს:
მას ჩემი ტანჯვა ცივ გულს უხარებს.
დღეს ღრუბელია მოზარე-მთქმელი:
არავის ველი... არავის ველი!
ეჰ, ვის ვუყვივლო? ვინ არის მხსნელი?
გაწყდა ნაქარგი, ფერადი ქსელი,
აღარც შიკრიკობს ნიავე ნელი.
ჩემს სულს ეხატვის. ვაჰ. ცოდო მცველი:
სადღაც სრიალებს სიკვდილის ცელი;
არავის ველი... არავის ველი!..

1911 წ.
ციურჩიხი.

გამოთხოვნების უსტარი

უკვე დავმარხე სალოცავი ჩემი ღვთაება,
„აწ განუსვენე“ უგალობეთ, ერთად შემოკრებით!
სულ არა ვნაღვლობ. არც თუ ცრემლი გადმოიღვრება,

დაე სხვა მგოსანს მიესალმოს, მე კი... მშვიდობით!
ვისთვის აჟღერდი, ჩანგო ჩემო, ესრედ ტრფიალით?
რად ამჟღავნებდი დაფარულსა სულის სიმღერას?
რად დასწვი სიმნი მთრთოლვარენი ციურის ალით?
აბა, მიხედე, ვის უტკობილი საამოდ სმენას!
ვაი ჩემს გრძნობას ადრე. დანთქმულს, ვაი ჩემს ლაღადს!
ვაი ჩემს ტაძარს ჩამონგრეულს, გაცამტვერებულს!
ტიალს მინდორზე ვუმზერ გათხრილს უდროოდ საფლავს,
და ჩემს მომავალს გლოვის ძაძით ჩამობნელებულს.
უკან გაგატანთ თუ ოდესმე რამ მომიზღვენით,
გეტყვი: გამშორდით და ზიზღს მომგვრის თქვენზე ჩი-
ვილი;

კვალად შემამკობთ და შემაქებთ ცბიერის ენით...
სასაცილოა, თავსა მედგას თქვენგნით გვირგვინი.
აშენდა ზღუდე! ჩემი ხსოვნაც განიავდება
და დავივიწყებ, რომ ოდესღაც თქვენ გეკუთვნოდით;
უკვე დავმარხე სალოცავი ძველი ღვთაება,
„აწ განუსვენე“ უგალობეთ, ერთად შემოკრბით!

1909 წ.

იხმინე ვისაც...

არა ერთი მზე ჩაესვენა ჩემის სულისთვის,
არა ერთს იმედს გავუთხარე შავი მიწა მე;
შემომქედ ხელით დავამსხვრიე ადამთა კერპი,
როს მან მრისხანედ შემომძახა: ღმერთად მიწამე!
ქაობის გროვა რა შეშფოთდა, იწყო სისინი,
ერთმანეთს ბოღმით სამდურავი გაუზიარეს;
მსურდა გასრესა, მაგრამ იხსნა ღრმა სიძულვილმა:
ძველი ბილიკი გესლის ნთხევით გადაიარეს.

მათ უკან მიჰყვნენ მეგობარნი, ხოტბის მძებნელნი,
დღეს პირფერობის ჩანგს აელერენ, იცრემლებიან;
დამპალს ფუტუროს მიჰმართავენ, თავს აფარებენ,
მხოლოდ და მისგან ღამით მკრთალ შუქს ელოდებიან.
ჩემი გრიგალი არყევს მათსა ხეს ცნობადისას;
ცოცხლად დამარხულთ ძეგლებს უნგრევს და ანიავებს;
ჰშიშობენ:—სულში ჩამომხედონ—ნათელ უბსკრულში,—
რადგან იქ მარად გარდამქნელი ცეცხლი პრიალებს.
ისმინე, ვისაც ყური სმენად თან დაჰყოლია:
მძულხარ, ვიდრემდის თვით სიძულვილს არ შეიყვარებ!
ვიდრე მონის სულს არ ჩაჰკლავ და არ მოინანებ,
ვიდრე თვით შენში სრულ სამოთხეს არ დაიმყარებ!
მანამდის კიდევ თქვენთვის მხოლოდ სიკვდილს ვქადაგებ.
დე, გაიმარგლოს ბალი, ესრედ აწ გულსაკლავი;
ახლო მომავლის სხივით შემკულ განთიადამდე,
განწმენდის ნიშანს ჰლაღადებდეს ცივი საფლავი!..

1908 წ.

რისტვის ღამისხნე

ცხარე ბრძოლაში დაკოდილი ვეგდე მარტოკა!..
თავს დამჩხაოდა ხმა — ავყია, შავი ყორანი;
გამვლელ-გამოვლელს ჩემი კვნესა სულს არ უკრთობდა,
არც ხელს მიწვდიდა გულზვიადი ადამიანი!
ვილუპებოდი... და სიკვდილი ნანას მიმღერდა...
ვეგრძნობდი ამ ჟამად ჩემს სისუსტეს, არარაობას;
თითქოს სიკვდილში განვიცდიდი სრულს ნეტარებას;
მაგრამ ვნაღვლობდი. რომ ვსტოვებდი მტანჯველ ცხოვ-
რებას!..
ამ დროს მხოლოდ შენ შემიბრალე, მსწრაფლ გაჩნდი ჩემ-
თან...

თვალთაგან ცრემლი დაეპკურა მკერდზე ჭრილობას;
სიცოცხლის ძალა კვლავ შთამბერე ნაწი ალერსით,
ფრთები შეასხი ღრმა ტანჯვისგან დაქანცულ გრძნობას!..
წამოვდექ ზეზე... კვლავ გავცოცხლდი... სული ამაღლდა!..
მაგრამ შენ ტურფავ, ველარ განახე, დაჰშორდი სოფელს!
ჰაეროვანო! სიკვდილიდან რისთვის დამიხსენ,
თუ შენი ცრემლი მოსწამლავდა მთელს ჩემს სიცოცხლეს!?

1907 წ.

ნ ე ტ ა მ ც . . .

ნეტამც ვარდი არ ჰკნებოდეს,
ნარნარი და ფერად თეთრი!
ნეტამც გრძნობას არ იღნობდეს
სატრფოს სიტყვა, სიტყვა მკვეთრი!
არ შესწყვეტდა ჩემი ჩანგი
ტკბილად მღერას, ტკბილად ჟღერას,
აღაფრენდა სიმთა ჰანგი
უიმედო გულის ძგერას!

1905 წ.

ნ ა ვ ი

შემოჯარულა ღრუბელთა გუნდი,
ზღვას დასწოლია, ვით ხელებს — ხუნდი!
ხან გაჰკრავს ელვა, მიაპობს მეხი,
ტალღას ერთეება კლდე მონატეხი.
მიწა ინძრევა... ზეცა ირყევა!..
თითქოს სამყარო რისხვით იმსხვრევა.
ხან კი გრიგალი წამოუქროლებს,

წყალს ლახტს გადაჰკრავს და შეასრბოლებს.
 გაბმით ზუზუნებს და ყრუდ გუგუნებს...
 ეხ, სად, რომელ ნავს გადააბრუნებს?
 ამ დროს მეც უნდა აუშვა ნავი,
 აბობოქრებულ ზღვას მივცე თავი!
 აფრა ფრიალებს! ქარი გრიალებს.
 ტალღა წინ მისწრობს და მაგვიანებს!
 მესმის: ტირიან, იხოკვენ თავპირს:
 — ვერ გადავალთო გადაღმა ნაპირს!
 — ნიჩაბს მოუსვით! გაშალეთ მკლავი! —
 თამამად მიჰქრის ობოლი ნავი.
 ბევრჯელ ღელვაში მოტანებულა,
 ბევრჯელ ტალღიდან იგი ვნებულა,
 გარდუტანია მას ბედი მწარე...
 მაინც უნახავს ალთქმული მხარე!

1910 წ.

მყუდროების შავს ტალღებზე

მყუდროების შავს ტალღებზე
 შავი ნავით მივცურავდი;
 თალხი მერთყა შავად მხრებზე,
 შავი ცრემლით მოვნამავდი!
 ნიჩბის მოსმით ტალღა თრთოდა,
 როგორც თრთოდა გულში დარდი,
 ნელი ჩქეფა მე მამცნობდა
 ერთხმოვანად: ოჰ, აჩქარდი!
 მივიღტოდი, ვით მქროლავი,
 არნახულის ნახვა მსურდა!
 ახ, არ ვიცი, ჩემი ნავი
 ზღვაზე რით ვერ გადაცურდა?!

1908 წ.

ჩემს სამსხვერპლოსთან

ჩემს სამსხვერპლოსთან თავშიშველი მიველ ადრიან.
ცეცხლის სიტყვები. ჯერ უთქმელი. გულმკერდს ლადრიან.
ახალს რას ვიტყვი? ან ახალი რაში მდგომარებს?
ძველს სახეს ვუცვლი და ვატყუებ ბნელში მჯდომარეს.
თვალს რად ვუხვევდი ჩემს მლოცველებს, იმ უგუნურებს?
მგოსანი ცრუობს და სიცრუის კერპს ასადგურებს!
ყველაზე დიდი მაიმუნი ის ზეკაცია,
რომელს აღიდებს და აღმერთებს ერთხმად ნაცია!

1910 წ.

ღ ა ლ ი

ღმერთების პანთეონი.

ულრან ტყის მეფეს ბობლიას,
სახე მოლუშულს, ავდრიანს,
გადმოუწყვია თათები,
ქრელად ოქროსფერ ფაფრიანს;
გაბმით ხარხარებს, შესძახის
მუხნარ-ნაძვნარებს აფრიანს,
ქორწილს აპირებს ქალისას!
ფურ-კამეჩს დაჰკლავს ზაქიანს.
სახელად ჰქვიათ პატარძალს
დალი ლამაზი სახისას;
გულს სიყვარული უდაგავს

ძე-ხორციელსა ნახვისას.
მაჰანკალია აგუნა,
ლოთი თხის — წვერებ-ნაცარა.
ჰყავს დამქაშები დამკვრელად:
ჩხიტა, ბუცო და ცანცარა.
სხვა თუ ბევრს დააღვივნებს,
იკოდეთ, საქმე დაცარა!

რაკი გაიგეს ამბავი
ქორწილიაო დალისა,
ეშურებიან მოვიდნენ
ღვინო დალიონ ლალისა.
ტყეში რომ მღლებმა გამოხრეს,
ის რაშიც გაცოცხლებულა...
კუდიანები შემსხდარან,
ბერიკაც მათთან ხლებულა,
რქიანი დევი ბუტბუტებს.
იქ, სადღაც დიდი ხეგია.
როკავს ჯაგებზე ხტომისგან
კაბა მთლად შექოხეგია.
საფლავებიდან მგელკაცი
ლამით მკვდრებს აღარ ალაგებს.
ბუ გაბერილი ფრჩხალებსა
აძრობს ვულ-მკერდში ჩანაგებს.
წყლით გამომსხდარან გველ-კუენი,
ჯოჯოს თან ახლავს ამქარი:
ძაღლების ღმერთიც მობრძანდა
ფრთიანი ალაშქანტარი.

მარტო ვობია ცის ღრუბლებს
თავის ნებაზე განაგებს.
გულში სწყინს — დალი თხოვდება,

სხვა როგორ უამხანაგებს?
ბოლოს იმედობს: მას დარჩეს,
საქმეს მოიგებს წანაგებს.
არ მივა იმათ ქორწილში.
დაჭშლის კი ლხინის ბანაკებს.

ბობლია ზის და იცინის,
ნეფიონს მოელოდება,
რა იცის, ნეფეს მოჰკლავენ
და გული აუგლოვდება?!
იმისი ქალი სხვასა ჰსურს,
სხვაზედვე გაუთხოვდება.
მაშ რისთვის დარბის როკაპი,
კაბა რად შემოხვია,
ლამაზ ქალისთვის ჯერ სისხლი
ხომ არვის დაუნთხვია?

დალი, ლეჩაქის სამოსით,
ნაწნავებ შემოხვეული,
გამოსულიყო ტყის პირად,
სად მუდამ იყო ჩვეული.
წყალს ჩასტიროდა, მოსთქვამდა,
ეძახდა თავის დობილებს;
მდინარის ასულს ლივლიას,
კიდევ სხვა ქალებს ცნობილებს.

შეიტყვეს მისი წუხილი.
მოცურდენ ლამაზ-ლამაზნი;
წყლის ლანდალები, ცელქები,
როგორც ქურციკნი, გავაზნი.
ჰკითხეს: „რა გაგკირებია?
გვიამბე გარდასავალი!
აქ ვერაფერი გიშველით,

იქ, ჩვენთან მოგცეთ სავანი!“
— დებო! არ იცით, მნიშნავენ!
ცოლი ვიქნები მეფისა!
ვილაცა ქაჯთა უფროსზე.
თვალიმც კი გამოეფისა!
წადით, უთხარით ვობიას,
მოვიდეს, ჩემთან იაროს!
ან წამიყვანოს თავისთან,
ან მომკლას, დამაიაროს!
ინყუზას როგორ გავყვები,
სული ვერ მიეთვისება.
ის არის ჩემი რაინდი,
გრძნობა სიამით ივსება!
წავიდნენ ნახეს ვობია.
წამოსადეგი ვაჟია.
ღრუბლის სარეკი ეჭირა,
სახე-ნათელი კაჟია,
უთხრეს: „შენ რომ ხარ ღრუბლებში
ღმერთობით განახარები.
ტყის დედოფალი დალაი
იქ ნახე განამწარები!
ნიშანი მოგვცა მოგნახოთ:
„მოვიდეს, ჩემთან იაროს,
ან წამიყვანოს თავისთან.
ან მომკლას, დამაიაროს!“
ვობიას დიდად ეამა
ჯერედ ამბავი დალისა,
მერე სტუმრობა რძლებისა
და ზღვათა დედოფალისა!
დასხა და გაუმასპინძლდა.

სუფრა მიართვა მრავლისა.
უთხრა: ჩემს გულში განა თუ
ბოლმა არ იდგა ალისა?
უყურადღებოთ დავსტოვე
ჩემი ღრუბლების გუნდები.
სოფლის ტაროსი იცვალა,
ეხედავ და ამას ვრწმუნდები.
წვიმა ვერავის მივარგე,
მიჯნურის სევდა მერია;
მის ოცნებაში გართულსა
სხვები მზრახავდნენ: შტერია!
რაკი დასტური მივიღე,
მე ვიცი მოსაგვარები;
ჯერ ერთმა შევეძლო, ინყუზას
დავლეწო მკვიდრი ფარები.
არა და — სხვასაც მოვიმხრობ,
შეიბნენ ჩვენი ჯარები.

გამოეთხოვნენ სტუმრები
ქანდაკებრ გამოსახულნი.
თვით გამობრუნდა, მოიხმო
თვისი ერთგული მსახურნი.
ერთს უთხრა, ნისლას სახელად,
თეთრპერანგ შესამოსიანს:
— წადი. მომგვარე კურატი,
მწყემსს რომ დაუდის ქოსიას.
ჯანლოს კი უთხარ შევშუბლას,
ლაშებდაშეებულს მებორგეს:
— ფრთები შეისხი, ისწრაფე,
შეატყობინე მეგობრებს:
ანთარსა, — მინდვრის მეველეს.

საქონლის მფარველს, ჯოგისას.
ამრას და აბზას — მეომრებს,
თვით შენც იაზრებ ზოგისას.
ხახმატ, ლომისას, კოპალეს
მრავალ ომშიგან ნაცადებს.
სტიქიონთ მეფეს აფიას,
შენ იცი, კოშკში სადაც ძევს,
ღვინის ღვთაებას აგუნას
თავის დასტით და სწორებით.
უმისოდ ლხინი არ ვარგა,
გულა სავსე აქვს ქორებით:
ყველას უთხარი, მოვიდნენ,
განამზადა-თქო ზვარაკი.
ომის ღმერთს — გულანს — მავედრონ,
ეს არ ეგონოთ არაკი.

ვერ დაეკირათ ზვარაკი
მწყემსებს თავჯამოდებულებს,
ზოგს ხელი ეღრძო, ზოგს ფეხი
იმის დევნაში ქებულებს;
ხარია ლალად ნამყოფი,
ტყავშიაც ველარ ტეულა.
საცრის ოდენა თვალები
რისხვად და ცეცხლად ფრქვეულა.
წინა ფეხს მიწას დაარტყავს,
დამფრთხალი კისერს იღერებს.
თითქოს იგრძნოო სიკვდილი,
ღმუის და ყველას იგერებს.
მოაგდეს, სადაც სამსხვერპლო
მზად იყო შეშებ-წყობილი.
შორს ხეივანი ვაზისა

ფერად მტევნებით მკობილი.
 იქვე ხავსიან ლოდებზე
 ისხდნენ სტუმრები, ხარობდნენ,
 ზოგი ვობიას საქმისთვის
 გულით ხმამაღლა ცხარობდნენ:
 „რა გახდა ქაჯი ინყუზა!“
 ამრა და აბზა კმარობდნენ.
 წამოდგა თვითონ ვობია
 ზვარაკის შესაპყრობელად.
 ფანდი აიღო სასროლი
 სიცოცხლის ჩასაქრობელად.
 ერთხელ ესროლა, გაუცდა,
 შერცხვა და გაბრაზიანდა.
 მეორედ გაჰკრა, წამოსდო,
 რქები ხარს დაუზიანდა.
 შებღავლა: „რა გსურს, პატრონო“,
 გასწია, გაძალიანდა.
 ვობია ჩასვა კოჭამდის,
 ყველა მნახველი ჰკვირობდა.
 „ფანდსა გაგვიწყვეტს, წაგვივა!“
 ვილაც ხმამაღლა ყვიროდა.
 მსახურმა შუბი ატაკა,
 სისხლი დაიქცა, იღვარა.
 იქ მარტო მწყემსი სტიროდა,
 სახე ცრემლებით იღარა.
 შვიდს გაუჭირდა აწევა
 და მისი ცეცხლზე დადება!
 კოჭლმა უშველათ ბოლო დროს,
 სხვას როგორ დაუვარდება!
 კიდევ მოვიდნენ სტუმრები

დადლილნი სიარულითა.
დასხდნენ და სუფრას შეექცნენ
ლხინით წრე-გადასულითა.
„მასპინძელ კარგად მასპინძლობს
გულითა მხიარულითა!“

აილო ყანწი ვობიამ,
ყველანი მოიხსენია;
ომის ღვთაება აღიდა,
სთქვა თუ: ჩემს გულში სენია!
გუდანსა მსხვერპლი შევწირე,
მისდა მაქვს სავედრებელი.
სად ჯამიკირდეს, მიშველოს,
მყოს შურის მაძიებელი.
ყველანი ერთად წამოდგნენ,
ერთხმად წარმოსთქვეს გალობით:
— გუდან! ვობია ამარჯვე,
მას გადმოხედე წყალობით!“
კვლავ დასხდნენ, ქეიფს შეექცნენ,
ღვინომ შიგდაშიგ აღუნა.
მოვიდა თავის ამალით,
სიმთვრალის ღმერთი აგუნა.
ყურძნის მტევნები ეკიდა,
ხონჩა მოჰქონდათ ხილითა.
უკან მოსდევდნენ ქალები.
შვენოდენ თმითა შლილითა.
მიონა. ვინკა და ირონ
ვნებითა ღელვიანები.
ცეკვავდნენ ჟინის აღმძვრელად,
მღეროდნენ: მოგეზმანები!
ჩხიტომ. ბუცომ და ცანცარამ

აგუნას კილო უმართეს,
როს შუალამე შეიქმნა,
ქინაშლილობას უმატეს!

ცეცხლი თანდათან ჩანელდა,
მთვარემ ივახშმა გვიანა!
ქალთა სიცილმა ბუჩქებში
მიდამო დაახმიანა.

ვინ ვის კალთაში ხარობდა,
აშის გარჩევა არ იყო.
ღმერთი ქალწულის დევნაში
ღრმა ხევში გადამხტარიყო.

ზეცა აინთო ალისფრად,
სხივით დაიჭრა ქედები;
ყვავილის ეტლი გამოჩნდა,
შიგ ებნენ თეთრი გედები,
ხელში ეჭირა ლამაზ ქალს
ოქროს სიმისა ღვედები.
ვობიამ იცნო ასული,
სთქვა: იგი ომერ ქალია.
გუდანის ტურთა მიჯნური,
მალალ ღმერთების რძალია!
მფარველი სიყვარულისა,
თვით სიყვარულის ძალია.
სალამი მისცა მდაბალი,
თუმცა ნახევრად მთვრალია!
ომერმა უთხრა: ქაბუკო!
ვარ მოგზავნილი მთხრობელი;
ომის ღვთაებამ გისმინა. შენი მტრისაა მგმობელი.
აჰა, ეს ხმალი გადმოგცა
სიცოცხლის ჩამაქრობელი!

უნდა შეება ინყუზას
ხვალე სიმამრთან მიმავალს.
სხვა დროს ვერ აენებ, ციხეწი
თუ იგი თავსა მიმალავს.
მეორე დილა გათენდა,
საომრად ემზადებიან;
ამრა და აბზა აჩქარდნენ,
ერთ აღილს ველარ ღგებიან;
კოპალეს კეტი უჭირავს,
განა თუ მცირე ჩალიკი?
აგუნა მთვრალი იძახის:
მოდით, მე ვიცი ბილიკი!
თან ტიკპორასაც დაათრევა,
ბუცოს გადასცა ჩირი-კი.
აფიას მხარსა უმშვენებს
მინდვრის მეველე ანთარი;
ლომისამ რაზმი დააწყო,
ქაჯეთს შეებას მზათ არის!
ჩასაფრდნენ უღრან ადგილას,
ინყუზას ელოდებიან;
შორს მაყრიონის ხმა ისმის,
მახარობლებიც ჩნდებიან.
უკან მოსდევენ ქაჯები,
ტანად სხვადასხვა გვარები:
ვობია ნეფეს გადუდგა:
„საქმე მაქვს მოსაგვარები.
დალის შენ როგორ გაგატან,
თუ ცოცხლად დავიარები?
გინდა შემეები მკლავდამკლავ,
გინდ მოვიხმაროთ ფარები“.

ინყუზა ბრაზით აივსო,
 ლახტი ესროლა გრეხილი;
 — გიჩვენებ ჩემსა ურჩობას,
 გარბოდე კისერ-ტეხილი.
 ზათქით ეკვეთნენ ერთმანეთს,
 იძროდა ქვა და ხეხილი!
 კოპალე მისდგა მაყრიონს,
 ეშველებოდა ანთარი.
 აგუნა იქაჰებოდა:
 ღვინოს არ სვამენ, დაჰკარი!
 ინყუზამ ხმალი გადმოჰკრა
 და მიაშველა მას ფარი,
 ვობიამ შემოუქნია,
 მიახტა როგორც აფთარი!
 თავმოკვეთილი ინყუზა
 შეხტა და ისევ დაეცა.
 დაიხრიალა საბრალოდ,
 რალა პასუხი გაეცა.
 თავი გრძელ შუბზე ააგეს,
 გუდანს მადლობა უხადეს,
 დაღს და ვობიას ქორწილი
 ზეიმით გადაუხადეს.

1919 წ.

გედის ძახილი

ჩაკვდა სივრცეში გედის ძახილი!
 ნეტა ვინ ჩასცა გულში მახვილი?
 აწ დაკოდილი, მარტო ეული
 ტიაღს მინდორზე გღია ძლეული!

არავის ესმის მისი კვილი,
კედება. ყუჩდება მძიმე ტკივილი!
ჩაკვდა სივრცეში გედის ძახილი?
ნეტა ვინ ჩასცა გულში მახვილი?
ჩაკვდა შენს გულში ჩემი ძახილი,
აღერსის ნაცვლად ჩამეც მახვილი!
ახ, ვყოფილიყავ ნეტამც მე გედი!
ტიალ მინდორზე დამთქმოდა ბედი!
შევმქვალულიყავ უსაზღვროებას,
არასდროს მაგ შენს ამოებას!

1909 წ.

3. გაფრინდაშვილს

მოჩვენების კუნძულზე
გიყვარს შენ ოფელია;
და ლანდები უფსკრულზე
მუდამ-დღე მოგელიან.
ხმა სწყურიათ პოეტის,
ჟღერა შენი გაისმის;
მომღერალო სონეტის
და ალისფერ დაისის!
ორეულმა აგანთო.
დაგწვა იმავ დღესავე;
მინდა ეხლა გაგართო. —
ჩემს სულს ენათესავე!
მაჩაბელი გაწუხებს.
ფიქრი გარდასულებზე;
და მოგიქერს მარწუხებს
ახლად აშლილ წყლულებზე.

ამაყი ხარ! თავაზი!
ბასრი ხმალი ორპირი!
შენ ხარ სულით ლამაზი.
აშორდიას პორფირით!

1923 წ.

ტიციან ტაბიძეს

შენ ხარ თამადა პოეტებში მარცხნით — გადაღმა!
სადაც კი შენი სუნთქვა მოხვდა, ძველი გადახმა!
გძულს დაახველოს ავლაბრული ლექსი დაბახმა.
ღრმად დაიმჩნიოს ქალღეიას სულმა შელახვად.
გულში ესობი და არ გიყვარს არსად გადახრა.
ყარაჩოლული შენმა კრელმა თვალმა გადახრა.

მოარღვევს „ცხენი ანგელოზით“, წითელ ავშარით.
წმინდა ტაძრიდან გამოსდევნე კინტო — აშარი!

გიყვარს ტფილისი, როგორც ერთ დროს უყვარდა ბესიკს,
როცა მეფის ქალს ის უმღერდა გაბაანთ კილოს;
შენც ხომ ხანდახან მოწყენით ხარ, — არავის ესმის!

მაშინ ვსევამთ დარღზე ორთაქალის ბალებში ღვინოს;
ორბელიანი მოქეიფე რჩება გადაღმა;
ლხინში რომ მაინც ტოლი გვყავდეს, ნეტა, მანახვა!
თვით მალარია შენი სუნთქვით სისხლში გადახმა.
კახეთის სიძვე! არგონავტი ოქროს ვერძებით —
ეს თვითონ შენ ხარ! ამოდ კი სხვაგან ვეძებდით!

1923 წ.

გიორგი ლომიძეს

შენ გაქვითილხარ პოეზიით, ვით ლოთი ღვინით.
მგოსნურს სიმთვრალეს უღარდელი შეიქცევ ღვინით.
ფურცლისფერ სახით მიაბიჯებ დამწვარს კალოზე,
ეძებ ძველს რაინდს შენსავ მოდგმის სასაფლაოზე.
სცნობენ შენს ძახილს, ვით სცნობს ხოლმე მიმინო სავათს.
სალამს გაძღვევენ ცხადს სიზმარში ძველთაგან თავადს!
დამსხვრეულ გვირგვინს მოგართმევენ დაჩონჩხილ ხელით.
ვიღაც აჩრდილი თუჯისფერი გამოდის ხვრელით: —
ოქროს თასს გაწვდის ცრემლით სავსეს, სკლი — გადას-
დიხარ.

დღეს ხარ სოლომონ! მსაჯულებას ვეღარ ასდიხარ!
ხან უერთდები გულგახსნილი წარმართ დიონისს,
ხან სისხლი გიმღერს თეიმურაზ ბაგრატიონის!

1919 წ.

დღეს ჩვენი

დღეს ჩვენ ბევრნი ვართ, ჩამოვწორდით ძველსა დროებას,
ვდღესასწაულობთ სულით. შობას და განახლებას;
რაღა ხელი აქვს ჩვენთან ნაღველს ან მუყდროებას!
ის უკვე მოდის! ვინ შეხვდება, ვინ ეტყვის ქებას?
ვერა ვსცემ პატივს. ვისი ყოფნაც დაკნინებულა!
იქვე ქედს იხრის, სადაც ერთხელ შეგინებულა!
როს ანგრევს. ჰგონებს მისგან ხალხი აშენებულა!
აზროვნებითაც მონურია ძველი სოფელი!
განწმინდის ცეცხლი! ცეცხლის ალი დაუნდობელი!
დაე, შიგ მოჰყვეს უსასო და ჩვენი მგომობელი!

ბაღდად

არსენ ჯორჯიაშვილზე

ბალის პირდაპირ გასკდა ყუმბარა...
ხალხს მოაშორა რისხვა, მუქარა!
ეტლი ავარდა მალლა ჰაერში.
თან აიყოლა ზეცის ჰაერში.
ხალხს მოაშორა რისხვა, მუქარა!
ბალის პირდაპირ გასკდა ყუმბარა!
არავის ესმის იმ დროს მუდარა!
სახეზე გამვლელს აძევს სუდარა.
ბალის პირდაპირ გასქდო ყუმბარა!

ორნი შეიპყრეს რკინის კარებში.
მაშინლა შესწყდა რბევა, თარეში!

ერთი კი იცნეს — არსენა არის!
ჯორჯიაშვილი, მამაცი გვარის!
მეორე — უცხო, მზისაგან შავი,
ჩოხის ამარა, მოსული ფშავით!

გადაუწყვიტეს არსენას დასჯა....
ხოლო მეორე უვნებლად დარჩა!
მას სახლში აღარ მიუხარია!
არსენას ბედი მისთვის მწარეა!

დღეს გაუშვებენ ფშაველ მათიას...
და სოფელს ამცნობს მომხდარს აქიას!

არსენა ეტყვის ჩათხრობით, მწარედ:
— მე საიღუმლო საქმე მაქვს გარეთ!
დაგიძახებენ და შენს მაგიერ,
მათია ჩემო, მე გამატარე!
გწამდეს ეს ფიცი მეტად ყველაზე:
რა დროსაც გაჰყავთ სახრჩობელაზე, —
აქვე გავჩნდები. რომ არ გამსაჯონ,
არც ჩემ მაგიერ შენ აქ დაგსაჯონ!

აღარ დასკირდა დარაჯს ლოდინი...
ფშავის სახელი კიდევ ახსენა;
ჩოხაში კოხტად გამოწყობილი
მას უკან გაჰყვა წყნარად არსენა!

რა საქმე ჰოქნდა გარეთ არსენას?
მან მიაშურა გაღმა არსენალს.
იქ ნახა მიტრო, უთხრა სათქმელი...
მოხუცს ჩაუქრა ხელში სანთელი!
ძველს მუშას ცრემლი არ უნახია,
არსენამ გული მისი დახია.
ანიშნა, სადაც იარაღია:
— თედოს სარდაფში, მარჯვნივ მარხია!

და გამობრუნდა. მოეჩქარება.
არსენამ იცის სწრაფი ტარება.
ქალაქის ნაპირს, ლარიბ უბანში,

ყველა ძილშია, ყველა ბურანში;
შეალო კარი. შეჰკივლა დედამ.
ლამის მოიდნოს მოხუცი ელდამ.
გულში ჩაიკრა შვილი არსენა.
სიხარულისგან ცოლი ქვითინებს.
თვის პაწიაზე ქალი უთითებს,
ბავშიც ეკვრება, ნორჩი არსება.
— „უკანასკნელად! უკანასკნელად!“
ამ დროს არსენაც ცრემლს ვერ ასცდება!

გული უღელავს ფშაველ მათიას.
სწუხს და წუხილით ღამე ათია.
როგორ მიენდო უცნობ ქალაქელს?
თან ეკვობს, მაგრამ ეკვს კი არ ამწელს.
მხოლოდ წარბები შეუჭმუხია.
ოჯახზე გული შეუწუხია.
— რომ იყოს ვაჟი გაზრდილი მთაში,
ან აქ მენახოს ქალაქად, ბარში, —
თავი გასწიროს განაფიცისთვის...
მშრომელ ხალხისთვის, მშობელ მიწისთვის, —
მესმის, მიენდო და ღირსიც იყოს!..
ბარელმა კაცმა მე გამაბრეყოს?..
დედასა მტრისას!..

თან გულში ჯავრობს!
საკანის ახლოს ღეხი ხმაურობს.
იქ ნამთვრალევი რუსი ახველებს,
და მით ტუსალებს თითქოს ახელებს.
— მაგრამ ის ფიცი? ძმად შემრგებია!...
ჩუ! რა ჩხარუნებს? — ბორკილებია!..
ნუთუ ვაჟი, აცი შეიპყრო შიშმა?

მაშ რალად არის იგი ფშაველი?
დააბრიალა მთვრალივით გიჟმა,
მიდის ამაყად, როგორც შამილი...
ჰკვირობს ჯალათი!... ჰკვირობს მნახველი...
თუმც ის არ არის ჯორჯიაშვილი,
მაინც შერჩება გმირის სახელი!
როგორც ლომს, გული არ გასტეხია.
წარბებშეკრული, ის უკმეხია!

სახრჩობელაზე აჰყავთ მათია.
არ სჯერა, ნუთუ ეს მართალია?
ერთხელ გაფითრდა... რა დამართია?
ვერ გარკვეულა... რას მაცდურობენ?
ვაჟკაცთან ასე რისთვის ხუმრობენ?

—

ცაზე რიჟრაჟის სხივი ანთია.
და ხმა მოესმის: „აქ ვარ, მათია!
ფიცი არადროს გამიტეხია!
ძმაო, გაფასებ მეტად ყველაზე!“
არსენა ფშაველს გადაეხვია,
თვითონ ავიდა სახრჩობელაზე!

1927 წ.

ცოლი რუსთაველის

გაცილვის ნაღიმი.

(თავი მოუყრიათ შოთას მეგობარარჩევებს და ნათესავ-მახლობლებს. ზოგნი სლფრას შემოსხდომიან. ზოგნი აშლალან, ზოგსაც მუსიკაზე ფერხული ჩაუბამს *).

სიხლწრა. შოთა მიდის, შოთა გეტოვებს,
გადაივლის უცხო მდელს;

უვნებელი დაგვიბრუნდეს —
ბისთვის შევსვამთ სადღეგრძელოს!

მეგობრების სიყვარულმა

იქაც გული გაუმთელოს;

ძმებო, ასწით აზარფეშა!..

შოთა ჩვენი აღღეგრძელოს;

სიბრძნის შუქით შემოსილი

დაუბრუნდეს საქართველოს;

ძმებო, ასწით აზარფეშა!..

შოთა ჩვენი აღღეგრძელოს;

(სამეფო კარის წარმომადგენლები შოთას „დასტურს“ უკითხავენ და პარკით ოქროს გადასცემენ).

უხუცუხი. თამარი დასტურს გიბოძებს,
განლიო უცხო მხარენი;

*) ამ ტექსტზე პროფესორმა დ. არაყიშვილმა ხელახლად დაა ძღუწვა თავისი ოპერა „თქმულება შოთა რუსთაველზე“.

საღაროც ოქროს მოგიძღვნის,
შემდეგაც დაგეხმარებით.
სამეფო კარის დარბაზმა
საქმე საქვეყნო არჩია;
ახალგაზრდებში პირველი
შენ ერთი ამოგარჩია!

ხორღ. შოთას სიკოცხლე! მრავალეამიერ!

უხუცესნი. შენზე ამყარებს დიდს იმედს
მცირე, მოყმე და მცხოვანი;
გზა წაგემართოს, დაბრუნდი;
ქვეყნისთვის სახელოვანი!

ღმდა. (აგრემლებული ავგაროზს გადასცემს, ჰკოცნის).

შვილო, ატარე დედის სახსოვრად...
ეს დაგიფარავს ზღვათა ღელვისგან!
გზის ხიფათისგან, ცეცხლის ალისგან!
ბოროტი კაცის ავი თვალისგან!
მოშურნე მტრისგან.... დამილოცნიხარ!

მამა. შვილო შოთა! მშობლებს სტოვებ,
ემგზავრები უცხო მხარეს;
ეს ქვეყანა მოგენატროს.
შეევედრე მზეს და მთვარეს!
ისევ იმათ გაგინათონ,
შუქი გფინონ გულმწუხარეს;
თან გაგატან მშობლის ლოცვას,
გრძნობით გამთბარს და მხურვალეს!
მოერიდე ცრუ მეგობარს,
სიბრძნე იყოს შენი ფარი;
ნუ იქნები გულზვიადი,
თავდაბლობის აღე კარი!
ჩასწვდი სულის ვითარებას:

ეს ცხოვრება რაგვარ არი?
და თუ ხალხსაც ასახელებ,
გავცოცხლდები ერთხელ მკვდარი!
ხორღ. მრავალუამიერ! შოთას სიცოცხლე!
შოთა. დღეს, მეგობრებო, ვილხინოთ,
გულით და სულით ვიამოთ;
ხვალ ველარ მნახავთ თქვენს ახლოს,
საზღვარი გადავიარო!

(საერთო სიმზიარულე და აღტაცება. კვალუცი ქალები სხედასხვა
სახსოვარს სთავაზობენ და უმღერიან).

ჰალეზი. შენზე ამყარებს დიდს იმედს:
მცირე, მოყმე და ცხოვანი;
გზა წაგემართოს. დაბრუნდი
ქვეყნისთვის სახელოვანი:

(ერთი მშვენიერი ქალი — ნინო, გულდაწყვეტილი უმზერს და ბო-
ლოს ესიცი მიუახლოვდება, ზოიხნის ძვირფას რიდეს და შოთას
ყელზე შემოახვევს).

ნინო. თან ატარებდე სახსოვრად,
მიჯნურის მოსაგონებლად;
ამოიღებდე, ნახავდე,
გულისა გასაყოლებლად.
სიხარულს, სევდას, ჩემს გრძნობას
თან ვატან, არა მრჩება-რა;
ნიშანი არის სინაზის,
მკოცნიდა, სახეს მეფარა!
ფიცით მოგიტხრობ, ძვირფასო,
შევირთო თუ კი სხვა ქმარი;
სიცოცხლეს მოვწყდე უდროოდ,

გამეკრას მიწა სამარი;
თვალს დამიბნელდეს სინათლე,
ბედიც აღთქმული დამევესოს;
ბაგე ვარდისა დამიკენეს,
ჟიალა შხამით ამევესოს!

როდესაც ბაღში გავიდე,
წენ იქ არ ჩამოიარო;
ამბავი ვკითხო ჩემს ლერწამს,
სევდაც მას გავუზიარო!

შოთა. უცხო მხარეში ვარსკვლავებს
შეეხედავ — მომაგონდები;
ბინდისას მთვარე ამოვა;
შენს სახეს დაველოდები;
ღრუბელს დავაწერ მოკითხვას,
ჩემო, ნუ დამილონდები!

ვერ დავვაშორებ მანძილი.
შენს ამბავს მამცნობს ნიავი;
დაგიბრუნდები შენს მიჯნურს
გულით უცვლელი, მზიანი!

ნინო. შენი სიცოცხლე მეყოფის
ჩემად იმედად გულისად;
მომიგონებდე, გახსოვდე
სხვა ქვეყნად გარდასული სად?
შენმან მზემან, თავი ჩემი არვის ჰმართებს უშენოსა.

შოთა და ნინო. უშენოდ ჩემი სიცოცხლე
ჯაი, რა დიდათ ძნელია!
(წოთა თითზე ბეჭედს უკეთებს).

შოთა. შენ ხარ მიჯნური, ხარ დანიშნული
მე შენი სახე გულს მისვენია;
კვიცავ ზენაარს, არ დაგივიწყო.

ოცნების საზრდო ერთი იქნები!

ნინო. შენ არ გატეხა კარგი გქირს
ზენაარისა ფიცისა;

ჩემი სთქვი, რა ვქნა ბედქმნილმა,

მზე მიმეფაროს მე ცისა!

და მიკვირს ჩემი სიცოცხლე,

ესრე დარჩენა მრთელისა!

შოთა. მშვიდობით ნინო! იყავ მშვიდობით!

ნინო. მშვიდობით შოთა!

ხორო. მშვიდობით ჩვენო შოთა,

მისდიხარ უცხო მხარეს;

გისურვებთ გამარჯვებას,

კეთილად დაბრუნებას!

დელია რანინა!

არ დავიწყება მოყვრისა

აროდეს გვიზამს ზიანსა!...

(აცილებენ. მღერიან. დედა კვლავ ლოცავს. ნინო ტირილს იმაგრებს, მაგრამ, როდესაც შოთა მოფარდება, სახეს ჩამალავს და ჭვითინებს. დობილები ანუგეშებენ).

ათინიდან დაბრუნების შემდეგ.

და ამის შემდეგ განვლო რამდენიმე წელმა. შოთა უკვე დაეა-
კაცებულია. „ვეფხისტყაოსანზე“ მუშაობს. შუშაბანდიდან მოსჩანს
ბალი.

შოთა. გული ბრძოლას მოუქანცავს,

ბედი სასჯელს აგვარიდებს;

სიცოცხლესაც მოგვიშხამავს,

გვამხოვს კიდევ და გვამდიდრებს.
ერთხელ გრძნობით აგვამღერებს,
მოგვიწოდებს დრო ნეტარი;
დაეშურე ამ საწუთროს,
შესვი სიტკბო და ნექტარი!

— რაცა ვის რა ბედმან მისცეს.
დასჯერდეს და მას უბნობდეს;
კვლავ მიჯნურსა ღიჯნურობა
უყვარდეს და გამოსცნობდეს;
ყოველს მისთვის ხელოვნობდეს,
მას აქებდეს, მას ამკობდეს;
მისგან კიდევ ნურა უნდა,
მისთვის ენა მუსიკობდეს;

მსწრაფლ გაირბენენ ნეტარნი ღრონი
და მყუდროებას შესძრავს ქუხილი;
მგოსნის ნაზ სულსაც ბრძოლა მოჰქანცავს,
დევნა მოიღნობს, სევდა-წუხილი;
ბედი თვის ბრჭყალებს არ დაგვარიდებს,
იგი თუ გვამხოვს, იგივე გვადიდებს!

ტკბილად მოვმართე ებანი,
შევუწყე ჩემი ვნებანი!
ჩემმა სიმღერამ ბედითმა
ვერ მომცა სულის შევებანი!
ვინ იცის, რა სთქვან შემდგომად.
ვინ დაიბონა ნებანი!?

— აწ ჩემი სცანით ყოველმან
მას ვაქებ, ვინცა მიჭია;
იგია ჩემი სიცოცხლე,
უწყალო, ვითა ჯიჭია!
ცხოვრება დაუნდობელი

წამია კაცთა თვალისა;
სამარადისო შენ მომეც,
ამგზნებო, ციურ აღისა;
მიყვარხარ და ვერ გაიგებ,
წმინდაა გრძნობა, ცხოველი;
შევენება მხოლოდ შენშია,
ძომაკვდავთ მიუწვდომელი;

(„ვეფხისტყაოსნით“ გატაცებულია. ჰხედავს თავის გმირებს, თით-
ქოს უახლოვდებიან და აგვირგვინებენ).

ლანდშტი: დიდება მალალს ზეშთამგონებელს!

დიდება სულის განმანათლებელს!

დიდება უკვდავს და მარადიულს!

შოთას დიდება!

ნებით ძლიერით,

ხმით მშვენიერით

იმედს აუგზნებს გულით დაცემულს!

შოთას დიდება!

შოთა. ჩემი გმირები, ჩემი ოცნება

ნესტან! ტარიელ! ესოდენ ცხადათ!

(„ვეფხისტყაოსნის“ გმირების წინ გამოჩნდება ვინმე ასული და-
თალხული. იჩოქებს. ხელიდან ნიშნობის ბეჭედს იძრობს და შოთას
გადმოუგდებს. ჩვენება ჰქრება).

შოთა. ვიცან აჩრდილი, იცრემლებოდა;

მისთვის მე გული აღმენტებოდა.

ის გრძნობას მიმხელს და არ მივიწყებს,

თითქოს იღუმალს შურსაც იძიებს!

(შემოდის რუსუდან — ცოლი რუსთაველის, ტანავი და წარმტა-
ცი მშვენიერების. ხმა, მოძრაობა, ლიმილი, თვალთა ელვარება —
ვნების ამშლელი).

რუსუდან. შენ ეტრფი მხოლოდ „ვეფხის ტყაოსანს“,
მე კი რა ტანჯვით გელოდებოდი;
აბა, მიმზირე, შენი მეუღლე
გარე მოაფენს სიტურფის სხივებს!
შენი მოპყრობა ასე უგულო
გრძნობას ჩამიქრობს და გამიციებს;

შოთა. რუსუდან ჩემო!

რუსუდან. მე შემოგვედრებ მხურვალე ალერსს!

შოთა. მეუღლე ჩემო!

რუსუდან. მეუღლე? ხა, ხა!

შოთა. შენი სიცილი?

რუსუდან. მწყურვიან სიტკბო ჯერ არ ნახული!

ჰხედავ, ცეცხლს ვაფრქვევ...
და თვალნი ვნებით აღმენტებიან;
შენის წყურვილით იბნიდებიან...
შენ კი?..

ახ შოთა! —

მე მოგიტხრობ უცხო ზღაპარს,
დაგაძინებ ტკბილის ნანით;
დაგავიწყებ, თუ გაქვს სევდა,
და სულს გავბან ციურ ნამით!
სიხარულის სხივს დაგაფრქვევ,
დაგატკბობს და მიგაყუჩებს;
სიამეში გაეხვევი,

დაგიკოცნი გრძნობით ტუჩებს!

შოთა. ზღაპარი ხარ იღუმალი,

ვნებით სავსე დედოფალი;
დამპირდები — მომატყუებ,
ასევე მოხვალ ეშხით მთვრალი!
სიკეკლუცე მომწონს შენი

და მაგიტომ შეგიყვარე;
მიწიერი შენში ღელავს,
ზეციური უკუ ჰყარე!

რუსუღან. დღეს უცნაურს მიმღერ ჰანგებს,
კიდევ მალხენს და მალონებს;
ჩათხრობილი შენი სიტყვა
თითქოს ცოდვებს მომაგონებს...
და არ კი ვიცი....

ჩემი ალერსი მკვდარს გააღვიძებს...
შოთა. (რუსუღანს თითქოს იცილებდეს).

ნუ გამიწყობები...
რუსუღან. რაზედ?
შოთა მიედივარ!

მიწვეული ვარ მეფის ნადიმზე...
რუსუღან. შენ თამარს ეტრფი, მიტომ ისწრაფი...

მე მარტო მტოვებ?
ახ! გულო ჩემო!

შოთა. მე ვეტრფი მაღალს მშვენიერებას,
რაც არ მოგიძღვნის სამაგიეროს;
საკუთარს გულში ცეცხლად ენთება,
რომ ჩაუმქრალმა გაბედნიეროს!
მე ვეტრფი მაღალს, რომელს ვერ ჰხედავს
გრძნობა და ჟინი ყოველდღიური;
ვეტრფი. რაც ცოცხლობს სამარადისოდ,
იგია სუნთქვა ჩემი მზიური!

(რუსუღან ღელვას იკავებს).

რუსუღან. აქ უნდა დარჩე! მე მსურს...

შოთა. რა ექვი გიპყრობს?

რუსუღან. „იგია სუნთქვა შენი მზიური“...

და ეგე წიგნიც შენ იმას უძღვენი!...:

დავხევე!

(„ვეფხისტყაოსანს“ მივარდება და ისვრის).

შენს ჩანგს აუღერებ მის სადიდებლად...

შენი ცოლი კი?...

ეაღერებ თინათინს, ნესტანს...

ჩემთვის კი ლესავ შხამიან ნესტარს!

(შემოდის მსახური აბდულ არაბი).

აბდულ არაბი. კიდევ მთხრობელი!

(შემოდის მთხრობელი).

მთხრობელი. შემოკრბა ყველა დარბაისელი

და თამარ მეფე შენ ერთს მოგელის!

რუსუღან. (თავისთვის).

რატომაც არა!

ო. გულო ჩემო, დამცირებულო!...

შოთა. მოხსენდეს — მოვალ!

რუსუღან ჩემო! შენ ვერ გაიგებ...

ტყუილად ჰგონებ.

მიწვეული ვარ, რომ მომისმინონ...

„ვეფხისტყაოსანს“ დაუგდონ ყური...

(შოთა „ვეფხისტყაოსანს“ აიღებს და გადის. მთხრობელი უკან მისდევს. აბდულ არაბი სდგას გარინდებული).

რუსუღან. რატომ შენს ბატონს უკან არ გაჰყე?

ნუ თუ თამარი შენ კი არ გიწვევს?

ხა! ხა! ხა!

(აბდულ არაბი წასვლას აპირებს).

შესდექ!

მომიახლოვდი!

დაემხე ჩემ წინ!

იმ დღეს რა გითქვამს?

აბდულ. შე, ქალბატონო?

რუსუდან. შენ! მონაე! ვითომც მახინჯი ვიყო....

ჩემი სიტურფე არვის ხიბლავდეს....

ქალური ვნება დამშრალი მქონდეს....

აბდულ. ვფიცავს, არ მითქვამს...

რუსუდან. მაშ, აბა, რა სთქვი!

აბდულ. მე? არაფერი! ვფიცავ ზენაარს...

რუსუდან. ცუდი არ გითქვამს? მაშ კარგი რა სთქვი?

აბდულ. სულ არაფერი!

ვფიცავ, ზენაარს! ცილს მწამებს ვილაც...

რუსუდან. არც კარგი გითქვამს, არც ცუდი. მონაე?

მაშ არც იტყოდი, შემთხვევა გქონდეს?

აბდულ. ბევრს! ბევრს, ბატონო!

ვიტყოდი, ჩემი ქალბატონი ნათელი მზეა...

ვიტყოდი, ცოლი.... მე რომ...

აბა, რა ვიცი, რას ვიტყოდი?... სად შემიძლიან?

მე... მე? მიბრძანე... მოგემსახურო!

რუსუდან. მომიახლოვდი!

შენს შუბლს თუჯის ფერს თვალყურს ვადევნებ!

შენს თვალებს მუდამ ვაკვირდებოდი,

უცბად მნახავდი; უცბად კრთებოდი!

ეგრძნობდი, შენს ბატონს ვერ მიბედავდი.

მაგრამ ტრფობისთვის მუდამ ღელავდი!...

მართალი არის?

აბდულ. (ჩუქეაშია).

გთხოვ მაპატიო! და ნუ შემრისხავ!

ჩემს უნებურად თუ გამომქლავნდა.
გულში დაფარულს ტანჯვა-სიხარულს
ისევ ფარულად ვმარხავ სიყვარულს!

მონა ვარ თქვენი მე უსახური,
მუდამ ერთგული შავი მსახური!

რუსუდან: მაშ მე გიყვარვარ?

აბდულ. გთხოვ მაპატიო! თქვენთვის არ მითქვამს,
და ნურც ჩამითვლით დანაშაულად!

რუსუდან. მეც რომ მიყვარდე?

აბდულ. ახ! ქალბატონო!

რუსუდან. იყავ დღეს მონა ჩემი სურვილის,
მონა ერთგული უშრეტ წყურვილის!

შენ მძლე ხარ მკლავით!

შეგიტკბობ მაღვით!

მინახულეებდე მარტო მყოფს ღამით!

გადასწი ფარდას!...

(აბდულ სარეცელის ფარდას გადასწევს. რუსუდან კიბეზე შეჩერ-
დება. აბდულს უმზერს. ანიშნებს. თავდავიწყება).

დაე სტკბებოდეს იქ ჩემი ქმარი!

აქ ვიყო შენთან მე ეშხით მთვრალი!

(შემოდის ნინო).

ნინო. მეგონა თუ ჩემი იყავ,

შენ გიცადე, მოგელოდე;

მოხველ, მაგრამ ჩემთვის უცხო,

მოთქმით უნდა თავს ვიგლოვდე!

ეს ბეჭედი მსურს გადმოგცე, მე აღარ ვარ დანიშნული;

სანუგეშოდ ცრემლი დამრჩეს, სევდით გული გაისრული!

(თვალს შეასწრობს რუსუდანს და არაბს).

აშას რას ვხედავ?

შოთას ლალატობს?

აი, სასჯელი! შურის ძიება!

ბედმა მიუზღო სამაგიერო!

ვინ ეტყვის შოთას? თვალს ვინ აუხელს?

საზიზღარ ამბავს მას ვინ გაუმხელს?

მე უნდა შევძლო... ჩამოვხვევ ნილაბს! (გადის).

რუსუდან-აბდულ. ო, ტრფიალების მყუდრო საეანვე!

ო, სიყვარულის ტკბილო ნექტარო!

ერთად სიკვდილი, ერთად სიცოცხლე!

ერთად ვატაროთ დრო სანექტარო!

შოთას დიდება.

(დიდუბე. ხალხის მოძრაობა. ბურთაობა, ჯირითი. გაივლის ჯარისკაცები: ..თამარ მეფე და ლონტქარი... საზეიმო სუფრას შლიან.

შუაში ტახტი).

ქარის-ქასი. დღეს დიდებით ვაგვირგვინებთ
სიამაყეს და ჩვენს მგოსანს;

გადაუხდით დღესასწაულს;

ვინ სიამით მარად გემოსავს!

ხორო. აქ ყოველ მხრიდან მოსულან

შვილნი ერისა რჩეულნი;

განთქმულნი გვირნი ბრძოლაში,

ხმალში ვერვისგან ძლეულნი;

აქვე არიან სარდალნი.

მუდამ ზარხდომას ჩვეულნი.

პარის-პაცი. უამბე იმ დღეს რაც მოხდა,
სანამ აქ მობრძანდებიან;

მეფანდურე. იმ დღეს შოთამ წაგვიკითხა
თვისი „ვეფხის ტყაოსანი“!
არც გვინახავს, არც გვსმენია,
არც გვყოლია სხვა მგოსანი!
ვის ვეძახდით სახელოვანს,
დღეს შოთასთან აღარ მოსჩანს;
ყველას ჩრდილი მოაფინა,
მას ბუნება მალლით ჰმოსავს.
ჩვენს ხალხს გულში ჩასწედომია;
ენა-ტკბილად მოუბარობს;
ხელთუქმნელი დიდი განძით
ვამაყოფთ და სულიც ჰხარობს!
ბრძანა თამარ დედოფალმა:
„ზეიმს გიხდით სასახელოს!“
მიტომ არის, მოუყარა
თავი სრულად საქართველოს!

ბუნდი. დიდება შოთას, დიდება!

(საყვირის ხმა. თამარ ტრახტევანით. მოსდევენ: დავით სოსლანი,
უცხო ელჩები, შოთა და სხვ. ცერემონია).

ხორო. სხივით მალალო მნათობო,
შენ, ოქროს მზეო, ზენაო;
სიტყვა მქვერო და ძლიერო,
დამწველო, ლამაზ ენაო!

მეორე ხორო. მზე მოგვეახლა, უკუნი
ჩვენთვის აღარა ბნელია;
ბოროტსა სძლია კეთილმა,
არსება მისი გრძელია!

თაშარ. კილით-კიდემდე ჩამოვარდა ერის სიმშვიდე-
დღეს ხალხს სწყურია საზრდო სულის, გონიერების;
პატივსაცემად გაუუმართე შოთას ზეიმი! (შოთას).
შენი ლექსები ოდეს ხალხშიც დაიმღერების,
იმ დროს დიდებით ამალღდება ერი ქართველი!
ჯილდოთ მოგიძღვნი დაფნის გვირგვინს, თილისმა ბეჭედს;
სულის მეფეხარ და მომცემი უსაზღვრო შვების!
ვაქებთ შენს სახელს! იყავ სიბრძნის მარად მართველი!
(შოთას დაფნის გვირგვინს ადგამენ. საპატიოდ ჰმოსავენ. დავით
ხმალს შემოარტყამს. თამარი ბეჭედს გადასცემს).

ერის დიდებას, თილისმას გრძნეულს
დღეს შენ გადმოგცემ მგოსნებში რჩეულს!
იგი ძვირფასი ამანათია,
წინაპრებს ჩანგი მოუმართიათ!

ჰალეხის ხორო. ვაქებდეთ მგოსანს!

სიამით გვმოსავეს!
მის ჩანგს დიდება!
სული ბრწყინდება!
მარად ინთება!
შოთას დიდება!

ორივე ხორო. რა გვესმოდის მღერა შენი

სმენად ყველა მოვიდიან;
სანეტარო ციურს ჰანგებს
ისმენდიან, გაჰკვირდიან!
შენი ტკბილი ნაუბარით
თვალსა ცრემლი აღარ სდიან;
ვაშა! ვაშა მალალ მგოსანს!

თაშარ. გთხოვთ დაბრძანდეთ! გმართებ შეება,
სიამე და აღტაცება!

ხორო. სმა-ქამა დიდად შესარგი,
დება რა სავარგულია;
მეფეთა დიდი სიუხვე
ელემში ალვად რგულია!
უხვსა შორჩილობს ყოველი
იგიც-კი. ვინ ორგულია!
რასაცა გასცემ შენია,
რაც არა — დაკარგულია!

ღამით. ვიღებ ფიალას და მოგილოცავთ,
პირველ მგოსნისას ვსვამს სადღეგრძელოს;
შემდეგ ადგილის, სად აღიზარდა,
დიდება ხალხსა და საქართველოს!

ხორო. დიდება ჩვენს ხალხს, დიდება!
— თამარს ვაქებდეთ, ვაქებდეთ!

იგია მალლით რჩეული;
ვინცა ისმინოს, დაესვას
ლახვარი გულსა რხეული;
აქვს საქონელი ურიცხვი,
არვისგან ანაწონები;
მისცა გლაზაკთა სიმდიდრე,
ანთავისუფლა მონები!

თამარ. შენთვის ზეიმი გავმართე,
სტუმრებიც დამირჩევია;
შენ სდუმხარ, რუისთაველო,
სევდა რად დაგიმჩნევია?
შენ ტარიელი არა ხარ,
კრემლი მას დაუფრქვევია!
გაჭრილსა მიჯნურისათვის
ტანჯვა ვერ დაუძლევია!
— მიჯნურსა თვალად სიტურფე

მართებს მართ ვითა მზეობა;
სიბრძნე. სიმდიდრე, სიუხვე,
სიყრმე და მოცალეობა,
ენა, გონება, დათმობა,
მძლეთა მებრძოლთა მძლეობა;
ვისაც ეს სრულად არ ახლავს,
აკლია მიჯნურთ ზნეობა!

შოთა. თითქოს ჩემს გულში ჰკითხულობ:

მჭირს საქმე სავაგლახია;
შენი მზერა და სიახლე
ლხინადვე დაძისახია.
გამქარეებელი სევდისა,
მართ, ვითა მუფარახია;
ვექვობ, სცნა შენცა ამართლო,
ჩემი სულთქმა და ახია! —
ბოლოს დავრწმუნდი, სიცოცხლე
მიუნდობელი, მწარია;
სასურველს მიზანს ვერ მისწვდე.
ბუნებაც მრავალგვარია!
— რაცა ვის რა ბედმან მისცეს
დასჯერდეს და მას უბნობდეს;
ერთი უჩნდეს სამიჯნუროდ,
მხოლოდ მისთვის მუსიკობდეს! —

თამარ. მისი სახელი თინათინ,

მართ ოდენ მარტო ასული;
სოფლისა მნათი მნათობი,
მზისაცა დასთა დასული.
მან მისთა მჭკრეტთა წაულის
გული გონება და სული;
ბრძენი ჰხამს მისად საქებრად

და ენა ბევრად ასული!
თუმცა ქალია ხელმწიფედ,
მართ ღვთისა დანაბადია;
ლეკვი ლომისა სწორია,
ძუ იყო, თუნდა ხვადია!
ვარდთა და ნებვთა ვინადგან
მზე სწორად მოეფინების;
დიდთა და წვრილთა წყალობა
ნურცა ჩვენ მოგვეწყინების! —

მომთა. თანამედროვეს სიამეს ჰგვრის ჩემი ხსენება,
რადგან შევიტკბე და ვიმღერე შენი მშვენება!
ჩემში ერს უყვარს შენი სახე, თამარ დიელო,
თამარ სპეტაკო და ნარნარო ივერიელო,
ჩემის დიდების საუნჯეო, სოფლად ძლიერო!

— ჩემი აწ სცანით ყოველმან,
მას ვაქებ, ვინცა მიქია;
ეს ნიჩანს დიდად სახელად,
ჩემი სიცოცხლეც იგია!
მელნად ვიხმარე გიშრის ტბა
და კალმად მინა რჩეული;
შვენების სარკედ გარდვიქეც,
იმაჟ შვენებით ძლეული!

ზაფხულის პირო, წმინდა ნებით მარად ციერო!
შენ! თამარ! თამარ! საუნჯეო, სოფლად მზიერო!

ხორო. რა გვესმოდის ტკბილი მღერა,
სმენად შენთან მოვიდიან;
სანეტარო ციურ ჰანგებს
ისმენდიან, გაჰკვირდიან!
შენა ტკბილი ნაუბარით
თჳალსა ცრემლნი აღარ სდიან;

ვაშა! ვაშა სულით მნათობს,
შადლი შენდა მოგვიხდია!

(ბალეტი. ცეკვის დროს შემოდის ნინო, ვაჟურად გადაცმული. შო-
თას ყურში).

ხმაფვილი. მგოსანო! სტკბები დიდებით,
შენს სახელს შეეფერება;
სახლში კი ცოლი გლალატობს,
ირღვევა ბედნიერება;

შოთა. რას ამბობ, ყმაწვილო!?

ჩემს სახლში ლალატს რა უნდა?

ხმაფვილი. მომყე, გიჩვენებ, გაიგებ... (გაყავს).

ჰენის ტალღები.

რუსუდან. დღეს წადილი აგვისრულდა!..

აბდულ. ჩვენს სიყვარულს მალვა უნდა...

რუსუდან. მაგრამ უფრო სიტკბოს შეგეძენს,

თუ იმატა სულის ღელვამ;

დავეწათო მაგ შავს ბაგეს

და ამანთოს თვალის ელვამ!

აბდულ. მზეო, დამწვა შენმა ეუხმა

და ალერსი ცნობას მპარავს;

მე შენს მონას გამიმზადებს

სალალობოდ მორთულ კარავს!

რუსუდან. ველარ დავთმობ მაგ ბნელს თვალებს,

შენ წარილე გრძნობა სრულად!

აბდულ. ჩენი გაყრა მოინდომოს,

მტერი დაგრჩეს გაბასრულად!

რუსულან. უმრეტი ვნებით,
ცეცხლის გზნებით
აინთე გრძნობა!
თავდავიწყებით;
გატაცებით
ვიგეგე ტრფობა!
ქსელში გავები
და თვალები
ჟინით ელვარებს;
შენთან დავები
მძლე მკლავებით
გული ნეტარებს!
შენი სიცოცხლე მეყოფის
იმედათ სიყვარულისა;
ვპოვე წამალი გულისა
აქამდე დაკარგულისა!
მოვკრიფე ტკბილი ნაყოფი
ედემში ალვა რგულისა;
გადამავიწყე ნალველი
დროება გარდასულისა!
აბღულ. ობოლი ვიყავ არაბეთს,
სოვდაგარს მოვემსახურე;
პატარა ჩამსვა ხომალდში
ცრემლი თვალთაგან ვასხურე!
შემოიარა ქვეყნები,
მრავალჯერ ტვირთი ამკიდა;
კოლხეთის ნაპირს მოადგა
და ერთ ვაჭარზე გამყიდა!
აქ გავიზარდე ვაჟკაცი,
აქ ვარ მრავალის მნახველი;

თქვენ რო მიყიდეთ, იმ დღიდან
აღარ მტანჯავდა ნალველი!
შენი შევენება ვიხილე,
მონა რას გაგიბედავდა?
მაგრამ ეს გული სურვილით
და სიყვარულით ღელავდა.
მიყვარხარ, ვფიცავ ზენაარს,
მონა ვარ უერთგულესი;
მიბრძანე, როცა მოგძულდე,
ან დანა დამკარ ულესი!

(ყმაწვილს შეშოპყავს შოთა და აცქერინებს).

შმაწვილი. მგოსანო! დასტკბი! ხომ ჰხედავ?

შენს სახელს შეეფერება!
ეგ არის შენი გვირგვინი,
ოჯახის ბედნიერება!
კოლმა გაგცვალა მსახურში,
მეტი-ლა გამოშტერება?
ხა! ხა! ხა!
ესეც ხომ არის საზეო
მომცემი აღმაფრენათა:
ძნელად სათქმელი, საქირო,
გამოსაგები ენათა!
პირველს მიჯნურს შენ უმტყუნე
და შეირთე, ბილწი, მრუში;
ამჯობინე მისი ხვევნა
და უგულო ტლაშა-ტლუში!

შოთა. ო, გრძნეულო! რა მიჩვენე?

გადაუხსენ პირი წყლულსა:
ავსა კაცსა ავი სიტყვა

ურჩევნია სულსა, გულსა!

რალა ჩემი სიცოცხლე.

თუ კი თან ახლავს ბნელია?

შავაწვილი. მე ბრალი სულ არ მიმიძღვის,

ცოლი აუგის მქნელია!

შოთა. რომ არ მცოდნოდა ამბავი

გულსა ვერ მომიწამლავდი;

შავაწვილი. მეც უნებურად ვიხილე

და ველარ დაგიმალავდი!

შოთა. მოგიღებ ბოლოს მთხრობელო!

შე ავის მახრობელო!

რისთვის მომწამლე?

შავაწვილი. ნუ თუ არ გსურდა შენ თვით გენახა

ესრეთ ოჯახის ბედნიერება?

შოთა. რად მჭირდებოდა შენი მხილება!

(ხანჯალს იძრობს. ყმაწვილი შეჰკივლებს. უკან დაიხევს. ამ ბრძო-
ლაში ქუდი მოვარდება, თმა ჩამოეშლება. შოთა სახტად რჩება).

ვინ ხარ? ვის ვხედავ?

ნუთუ შენ — ნინო?

(შოთას ხანჯალი გავარდება).

ნინო. გახსოვს, გარდმომეც ბეჭედი ქალწულს?

რად არ იხსენებ იმ ნეტარ წარსულს?

თითქოს ერთმანეთს შევეფიცეთ კიდეც!

მოწმეს უხილავს, განგებას მტკიცედ!

რომ დაბრკოლება ჩვენ ველარ გვძლევდა.

გაყრას სიკვდილიც ვერ შეიძლებდა!

ათინას წახველ, გასცილდი საზღვარს,

რომ დამიბრუნდი, გულში მცემ ხანჯალს?

ალარ გიყვარვარ, ვარ მე გმობილი

შენგან უდროოდ ლახვარ სობილი!
რა დამრჩენია სიკვდილის გარდა,
ჩამომეფაროს სიცოცხლეს ფარდა.
აი, მე თვითონ!
მშვიდობით შოთა!

(ხანჯალს სტაყებს და გულში ჩაიცემს).

—მე სიკვდილი აღარ მიმძიმს,
შემოგვედრებ რადგან სულსა;
მაგრამ შენი სიყვარული
ჩავიტანე, ჩამრჩა გულსა!
მოგშორდები სამუდამოდ,
მიწა შესჰამს მძიმე წყლულსა;
ნუცა მტირ და ნუცა მიგლოვ,
ჩემო, შენთვის განწირულსა!

შოთა. სულზედ უტკბესო! ო, რა ვიღონო,
რომ გამოგტაცო სიკვდილის ბრკყალებს?
რისთვის დამსაჯე ესდენ სასტიკად?
რალა აღმადგენს? რა გამახარებს?
აღარ ძგერს გული, მე რო ვუყვარდი,
უმინოდ დავსცქერ მის ღია თვალებს!
იუნდაც ვიცოცხლო უნდა ვსვა შხამი!
გლახ სინანულის დამიდგა ეამი!
გული საბრალოდ უნდა იწოდეს,
ტანჯვის მიზღუნი არვინ იცოდეს.

(შემოდის დარბაისელი).

დარბაისელი. ეუცნაურათ შენი წამოსვლა!
გთხოვენ....

შოთა. ამუნელ! ძმა ხარ ჩემი მეუღლის...

აღარ არსებობს ჩემთვის ლხინი... ჩემთვის დიდება!
სულიც დამძიმდა...

ამუნელ. ამას რას ვხედავ?.. სისხლი?..

შოთა. იქ რაღას ჰხედავ?

ო, უმიზეზოდ დაისაჯა ავი მთხრობელი!

ამუნელ. ააახ! ჰეი, გვიშველეთ!

შოთა. ვის ძალუძს შველა!? ო, აღარავის!

იქნებ თვით მე ვარ დამნაშავე!? ვარ!.. ვარ!..

ცხოვრების ზჯაზე მე ბრმა ვიქენ და შეცდომილი.

რათ დაისაჯა ყრმობის ერთგული?

და სიყვარულის ფიციტ შეკრული?

(გადის. შემორბის სასახლის ამაღა. რუსუდანი სდვას გაფითრებული. გვამი გააქვთ).

ამუნელ. რუსუდანი, რა ჰქენ?

ო, რატომ რისხვა არ დაგვატყუდება

და შენთან ერთად მეც მტვრად არ მაქცევს?

ნუთუ შენ მართლა?...

რუსუდანი. მეც მომისმინე!

ამუნელ. მრუშო დიალო!

მე თუნდ შეგინდო, არ შეგინდობს შთამომავლობა!

რუსუდანი. დანაშაული არ მიმიძღვის!

ამუნელ როსკიპო ქალო!

შენ დაამდაბლე ჩვენი სახელი,

გვარი და ჯიში! ო, სულმდაბალო!

ქარის-ქასი. (შემოდის. არაბს).

სასჯელს გადაარჩი!

მაგრამ... რიყრაყი არ უნდა იყოს,

უნდა განშორდე ამ ქვეყნის საზღვარს!

რუსუდანი. მეც მომისმინეთ!

ამუნულ. აჰათ ხანჯალი, გული გამიპეთ!

ო ჩემი გვარი შერცხვა საქვეყნოდ!

რუსულან. მეც მქონდა გრძნობა!

სიყვარულით მეც ვინთებოდი!

ის ჩემს მუდარას... ალერსს ვნებიანს...

რად გაუბოდა!?

ის შექმნილ ლანდებს რად შეეტრფოდა?

სურვილს იკლავდა ვისდამი გრძნობით? —

თამარისადმი მიძღვნილი გრძნობით!

მას უყვარს იგი! მე ეს ვიცოდი!

ხოლო ჩემდამი ცივი იყო.... ცივი... უგულო!

თუ მას სხვისადმი ტრფიალება ეპატიება....

მე, მისზე ცოლმა, არ ვაპატიე...

თავი იმართლოს თქვენს წინაშე... და ჩემს წინაშე...

შური ვიძიე...

ვის შეუძლიან გამასამართლოს!

იდუმალ გრძნობებს შეახოს ხელი...

მეც მაქვს უფლება ისეთივე...

ამუნულ (ხანჯალ მოღერებული)

მოკვდი, რად სცოცხლობ!

მრთა. (უცხად შემოდის)

შეჩერდი!

ჩემის მიზეზით კმარა ის სისხლიც!

კმარა რაც მოხდა!

ძველად ელადის განთქმულს რაინდს აგვირგვინებდნენ.

ამ დროს აცნობეს ცოლის ღალატი!

მოჰკლა მთხრობელი.

რაინდს მოესპო სულის სიმშვიდე...

დადის, თან დააქვს გული მწუხარე!

დადის, სიცოცხლე გამწარებული.

იცი, ვინ იყო ამბის მთხრობელი?
იცი, ვინ ადრე დაესამარა? —
რაინდის სატრფო, ყრმობის ერთგული,
და სიყვარულის ფიციტ შეკრული!
რაინდმა იგრძნო დანაშაული.
გადაიკარგა გულით მწუხარე;
ის ღღესაც დადის მიუსაფარი.

თუ მეც საწუთრომ დამამხო,
ყოველთა დამამხობელმან,
ლარიბი მოგვედე ლარიბად,
ვერ დამიტვიროს მშობელმან,
ჩემი ამბავიც დასრულდეს,
ვითა სიზმარი ღამისა!
უკვალოდ გადავიკარგო
სტუმარი ერთის წამისა.
გარდამხდეს გარდასაველი,
ნახეთ: სიმუხთლე ჟამისა!

უმთას ბეჭედი

(მონასტრის ზღუდე. ჯგუფად ბერები საიდუმლოდ ლაპარაკობენ).

- ჩემი წამალი ვერ შევლის...
- მოხუცს თვალი-ლა უნთია!
- უკურნებელი ნალველი სტანჯავს...
- სიცოცხლის დღენიც დათვლილი არის...
- შენი კურთხევა გადმოუვლინე, ჰოი ზენაო!
- იმ დღეს მიმიხმო, ვგონებ ქაბუკი თაღე ვეგონე...
უბიდან რალაც შეხვეული მან ამოიღო...
- მეუბნებოდა რალაც ანდერძს... მე არ მესმოდა.
- მთლად ყურადღებად გარდავიქეც...
- რომ შემომხედა — უმალ დაჩუმდა...
- მთხოვა: ჩემს მხლებელს დამიძახეო...
- მეც გამოვბრუნდი....
- დიდებულ კაცის ტანჯვაც მუდამ დიდებულია!
- მიზეზი ვკითხე...
- მერე. რა გითხრა? რა გიპასუხა?
- მისი პასუხი დუმილი იყო.
- მე შევამჩნიე...
- რა შევამჩნიე?
- ლამეს ათენებს, დღეს აღამებს იდუმალ ფიქრში.
ჩათხრობით იტყვის: „ვაჰ სოფელო, რაშიგან ხარო!“
- ეგ ჩვენც ვიცოდით!

— არა!... მისმინეთ!

— მას ბეჭედი აქვს საუცხოვო თვალმარგალიტით...
ვზვერავდი ერთხელ... და...

— გვითხარ, გვითხარ!

— შეკრული არის აბრეშუმებში...

ხან ამოიღებს და ჰკოცნის... თითზე იკეთებს...

ისე ისროდა სხივებს, თითქოს ვარსკვლავი იყოს...

თვალი რომ მოეკარ, მომაჯადოვა...

ამანთო რაღაც იღუმალებით...

— ალბად მაგიტომ მომაკვდავს არ ჰგავს,
ღვთიდან განწირულს...

როცა ახლო ხარ, ჰგრძნობ მოწიწებას!

ღვთაებრივს ახდენს შთაბეჭდილებას!

როცა საუბრობს, ასე გგონია,

ნათელს აფრქვევდეს, გიტაცებს ფიქრით.

ოცნება გიპყრობს, გულს ახალისებს!

უთუოდ დიდი გვარისა არის,

და დიდი განძის მატარებელი!

წარსულიც უნდა მას რთული ჰქონდეს!

— თვის ვინაობას მაინც რატომ არ გაგვიმელავენებს?

სადაურია? სიდან მოსულა?

— საქართველოდან! თამარის ქვეყნით!

შემოუვლია მთელი ქვეყანა...

— რისთვის დასტოვა სოფლის სიამე?

-- არაფერს ამბობს!

— ჩუმად! ძმებს მოჰყავთ!..

შოთა. (შემოჰყავთ. მოხუცი. მოტეხილი. თვალეზანთებული
თითქოს ამ ქვეყნიდან გადაფრენა სურდეს. ეტყობა, უკანასკნელ
დღეშია.)

დღეს თავს კარგად ვგრძნობ... არაფერია...

ლიბანიის ნიაფი მოჰქრის... არა? ასე ვგრძნობ!
სულს მწარე სევდაც განეშორა მალლის ბრძანებით!
სად არის თაღე, ჩემი მხლებელი?
გთხოვთ, დამიძახოთ!

(ერთი ბერი გადის)

ბერი. სჯობია, ისევ შინ შევიყვანოთ!

შოთა. რაო? არ არის?

ბერი. ეხლავ აქ მოვა!

შოთა. მოვა!.. ვინ მოვა?

განა გაიგეს ჩემი აქ ყოფნა?

უკანასკნელად კიდევ ვნახავდე...

ჟამი ნეტარი, ყრმობის ჟამი კვლავ მაგონდება!..

ჩემს თვალს ეხატვის სანუკველი, ტკბილი წარსული!

(ლაპარაკს ჰრევს. თითქოს ჰბოდავდეს.)

აგერ, სასახლე! სადაც ბრწყინავს დედოფლის სკიპტრა!

ხალხი ეხვევა მას გარშემო... ისიც იქ არის!

ის...

და რად მინდოდა მე იმ ჟამად დაფნის გვირგვინი,

თუ იმავ დღიდან დაჰკარგავდა სული სიმშვიდეს?

მე საწუთრომან დამამხო

ყოვლისა დამამხობელმან...

ბერი. ჰბოდავს!

მეორე. შენი კურთხევა გადმოუვლინე, ჰოი ძლიერო!

უცვლანი. შეუნდე მონას!

ბერი. ნებით, თუ უნებლიეთ შეცოდებანი!..

შოთა. შეცოდებანი! შეცოდებანი!

ის, რაც არ ვიცით, არც გვაშფოთებს...

და თუ გავიგეთ...

ნურც გადაცყვებით მღელვარე გრძნობას...
ბრალი მიუძღვის განა იმას, ვინც ავს გახარებს?
რად დაისაჯა უმანკო მსხვერპლი!

(შემოდის თადე. მიუახლოვდება შოთას. მის წინ სდგას დაღვრემილი.)

თადე. შენ მომიხმობდი!

შოთა. კაბუკო, თადე! მადლობას გწირავ...

შენ იყავ ჩემი უერთგულესი თანამაგალი!

დე. საიდუმლო აწ კი გამჟღავნდეს...

უნდა დაბრუნდე...

ცხოვრების გზაზე შეცლომილ ვარ მწირი გონებით ..

შიში და ძრწოლა მომიხდა მე, დამფარა ბნელმან...

(უბიდან ამოიღებს ბეჭედს და გადასცემს.)

არ მსურს თან ჩამყვეს კუბოში...

შენ იცი... შენ ერთს მოგანდობ,

ტრფიალის ამანათია;

თადე! ეს არის თილისმა,

ჩანგი მით მომიმართია.

კვლავ დაუბრუნე თამარ-ქალს,

მისდამი დავრჩე მოსავი,

თან ვერ წავიღებ ხალხის განძს,

სხვაც უნდა მღერდეს მგოსანი!

ანდერძად ბეჭედს დავტოვებ,

რაც მე აქამდე მებარა;

და ვის ხელშიაც აღმოჩნდეს

მოიხსენიონ ნეტარად!

საქართველოსკენ ისწრაფე

წვერვალი გარდუვალთა:

სხვას არვის ანდო, მიმღები

მარტოდენ დედოფალია!

დავითის გადმონაცემი

საუნჯე იღუმალია!

მშვიდობით; თაღე!

(თაღე ეთხოვება. შოთა ტახტზე მიესვენება. ბერები გალობენ:
„ცხოვრების გზაზე შეცდომილ ვარ მწირის გონებით!“ შოთა ჰხედავს ჩვენებას: მკერდ გადახსნილ წინოს სისხლი ჩამოსდის. შოთას საყვედურით უმზერს.)

ვინ არის? ჰნახე?

სიზმარი იყო?

ცხადი სად არის? ან სინამდვილე?

და ან სიზმარი როდის იწყება?

მე რასაც ვხედავ, რატომ ვერ ჰხედავთ?

ნუთუ ეს მხოლოდ ჩვენება არის?

არა! მე იგი მესაუბრება!

ვხედავ ჩემს სახეს გადაღმა მხარეს...

იქ, როცა ხალხი ზეიმს გამართავს.

მეც იქ ვიქნები...

თითქოს მათ ეხლაც ვესაუბრები...

ო, მძიმე ტვირთო... მარადიულო!

საუკუნეთა იღუმალებავ,

რად ვხედავ ცხადად? ამბობენ კი სიზმარიო!

ეს არის ხილვა!

აგერ, ის ჩემი ყრმობის არიფი!

ო, მეგობარო! ტრფიალო ჩემო!

საბრალო მტანჯავს!

ჩემი ბუნება ორად გაიყო.

ერთი შეეტრფო უკვდავ შევენებას,

მეორე მიწას აღარ ჰშორდება!

ჰხედავთ? ის არა! თადეს ხომ ხედავთ?
მიღის!... მიიტანს? აგერ რიონთან...
რატომ შეჩერდა? გზას ველარ აკვლევს?
რა დაემართა? გარს ეხვევიან....
უმუხთლა ვინმემ?
ეს ცხადია, თუ მხოლოდ ჩვენება?
იმ გლების ქოხში...
გარს ეხვევიან...
თადე! ისწრაფე!
მიმღები მხოლოდ დედოფალია!
ვერ დაიჭირავს სიკვდილსა
გზა ვიწრო, ვერცა კლდოვანი!
არა!.. თადე! თადე!
მე თუ გშორდებით, თქვენთან ვტოვებ სულის სიმღერას!
ვიცი, ოდესმე განახლდება გამოძახილით!
ნათელ მომავალს ჩემი სიმღერა ტრფობით შეხვდება!
ჩემი სიმღერა უნდა შეხვდეს დიდ საქართველოს...
იქ შორეულში...
ოღონდ ბეჭედი არ დაიკარგოს...
თადე მიახწევს... თადე! ბეჭედი! ნუთუ დაკარგა?
მიმღები დედოფალია!
ვის დარჩეს ჩემი ბეჭედი?
ვინ უნდა იყოს რჩეული...
მივდივარ სადღაც...

1909 — 1923 წ.

გავლილი შარა

ცრემლებს ვერ ვამხელ, სიცილიც მზარავს!
ვუმზერ გადაღმა ჩემს გავლილ შარას.
მეც, როგორც ვაჟას, ჭალარა მფარავს!

მწამდა, ეპოქის ვძრავდი კუბოებს,
ძეგლებს ვუდგამდი საუკუნოებს.
თვალს ვუსწორებდი თითქოს დიდ შოთას
და მარადიულს ვწირავდი ლოცვას;
რაც შევქმენ, თურმე, მეტი ბარგია,
ვის რალად უნდა, ვის რად არგია?

წმინდა გრძნობებით ავმლერდი ბავში,
მერანის ნაცვლად მეპყრა ხელთ რაში.
რძალი შევმოსე მშვენიერებით,
კოშკი ავუგე ყურძნის მტევენებით.
შვების თავადი ჯერ კიდევ მოსავს
სულის გარდამქნელს სისხლის ფერ დროშას.
მიესწრაფება კარგა ხანია
უსაზღვრო მიზანს ბერდო ზმანია.
ქართლის გლახს მამაცს და უგვირგვინოს
ვუმღერე ჰიმნი მძლე მაყრიონთან;
კოლხეთის ასულს მე შევახვედრე
რენოს მიჯნური ახლოს რიონთან!

არ გადავტეხე ლატავრას ხმალი;
ხელისუფლება — მშრომელთა ძალი!
ხან თუ ვგოდებდი, სხვას ვამხნევებდი,
ავშალე ხალხი, როგორც დევები!
ყოველდღიური ვფერე ოცნებით,
(ხომ უიმისოდ ვერ გაცდებოდა!)
თურმე, რაც შევქმენ, მეტი ბარგია!
ვის რალად უნდა, ვის რად არგია!

ძმებს ვემხრობოდი, რისხვით აშლილებს —
არსენ და არჩილ ჯორჯიაშვილებს.
ვერ დავიტირე, ეს არ მამშვიდებს!
(ო, რად ვიგონებ ამბავს მაშინდელს!)
ვიჯექ ციხეში — საპყრობილეში,
სიკვდილიც ვნახე იმ ცივს დილეგში!
მე გლები, დავრჩი ჯანსაღი სისხლის,
ვსთქვი: ნესტანს ციხით, აბა, ვინ იხსნის?
მიწას მივმართე, გლების ვისმინე,
გავხდი მე თვითონ იქ მეწისქვილე.
თურმე, რაც შევქმენ, მეტი ბარგია!
ვილას რად უნდა? ვილას არგია?

ჩემს თანატოლებს ვიცნობდი მგოსნებს!
გოლვამ დააშრო, სიმები მოხსნეს.
ზოგჯერ შევსვამდით სიმღერით კახურს,
და შევხაროდით დღევანდელს ზღაპრულს!
ერთმანეთს გულში ვუგზნებდით ზრახულს.
მე მათ ვეძახი, ვმარხავ ჩემს წარსულს!!
აღარ დასცალდათ დღეს ჩემზე გლოვა
და ზოგმა ადრე სამარე ჰპოვა!

ეს მოგონებაც მეტი ბარგია!
ვის რაღად უნდა? ვილას არგია?

არვის ვუთმობდი პოეტის პორფირს,
მელიდურობა მქონდა მე ორბის.
და რარიგ ვნანობ... ამდენ ღელვაში
რად დავწვი გრძნობა? სულს რად ვქანცავდი?
რად ვალამებდი დღეს ოცნებაში:
მგოსნებს ხომ ჰქონდათ ბედი ნაცადი?
მეც ხომ შემეძლო დამეკრა თოხი,
ან ვგდებულიყავ სადმე მელორედ,
(იტყოდნენ ჩემზე ხალხს ეგ აცხოვრებს,
არ დამსახავდნენ მტრად, ან მეკობრედ!)
რაც შევქმენ, რისთვის? — მეტი ბარგია!
ვის რაღად უნდა, ვის რად არგია?

ცრემლს ველარ ვამხელ, სიცილიც მზარავს!
ვუმზერ გადაღმა ჩემს გავლილ შარას —
მეც, როგორც ვაჟას, კალარა მფარავს.
მოვეკვდები, მისებრ მითხოვენ ფარას!
ჩემს შვილს მოშვივა... ეხ, კმარა! კმარა!
ჩემი ჩონგურიც, თურმე. ბარგია!
ვის რაღად უნდა, ვილას არგია?



ს ა რ ჩ ე ვ ი

	83•
ზიძღვნა	5
შოთას ბეჭედი	7
წარამართი დავრჩი .	10
მეც ასე ვარ	12
ეაგო მღერის	13
Homio homini	14
მგზავრი .	15
ბატონა ცილინდროსანი .	16
ორი სიხმარი .	21
პოემა ჟცნობ ხელებზე	22
რძალი ზენარი .	24
თანამედროვე ცხოვრების	29
ელექტროს არმაზი	31
ლენინი ჯავშანოზე	32
შოთ.მ მამხილა	33
ოქტომბრის ჰიმნი	34
ბინადარი	35
დედის-ერთა	41
მუხის დაცემა . . .	43
ბატონიშვილს გული უწუხს	45
რთველი კახეთში .	45
ნიშნობა სოფლად	46
სოფელს .	47
ბჭედელი ზაქარო	49
ბრძენი მასხარა	50
მიყვარს ცხოვრება	51
ჩემი ჩონგური	52
ჯანგარო უგულუბელი .	52

	83•
ჩემი სიბრძნე.	55
შაირი .	57
შავს ზღვასთან .	57
ქალის ცრემლები .	58
რაღა დამრჩა	59
კაცუნა .	60
სიმღერა თარზე	62
სალამური .	63
გლები ქალი	64
მეწისქვილე	65
ჩვენი ლურჯა	66
Genesis .	69
ტყე გაჩეხილი	70
გლების სიმღერა	71
მწყემსის ფარეხში .	72
სალეწი მანქანა	72
მაწინ სიმღერა	75
სული დანაღვლდა	75
კახეთი .	76
ჭიმნი გელხს .	84
ღვინო	91
კახეთის დედოფალი	93
თუშაია .	98
ერთი კოცნა .	100
დია	101
მოღალატე ლეილა	104
მაჯლაჯუნა	106
პაპლაცურა და ელთერო .	108
აგუნა .	112
თეთრი ალი	114
უძილო ღამე .	115
ჩემში—ჩემს იქით	117
სიკვდილი სარკეში	118
ყურძნის აკიდო	119
თეთრი რაინდი	121

	83
ორი მხედარი	121
ბურანი .	122
სად მიქრის მხედარი	125
რანი ოდელი	. 125
მიონა .	127
ამირანი .	128
მე ვუმღერ მხოლოდ	129
ოქროს კრელი არწივი	130
ასე არ ვიმღერ	131
Alter Ego	. 132
LISIS POETIK .	133
ორეული	134
Gulnozin	. 136
ჩემს შემდეგ .	136
თუ გსურს სიცოცხლე	. 138
ხალხს . . .	139
ენც მისთვის სტირის .	140
ნახვამდის	141
არავის ველი 142
გამოთხოვების უსტარი	143
ისმინე ვისაც 144
რისთვის დამიხსენ	. 145
ნეტამც	146
ჩავი	144
მყუდროების შავს ტალღებზე	147
ჩემს სამსხვერპლოსთან	. 148
დალი .	148
გედის ძახილი	158
ვ. გაფრინდაშვილს	159
ტიციან ტაბიძეს	160
გიორგი ლეონიძეს	. 161
დღეს ჩვენ .	. 161
არსენ ჯორჯიაშვილი .	162
კოლი რუსთაველის	167
გაკლილი შარა .	199